

**NATIONAL ASSEMBLY OF
SEYCHELLES**

Wednesday 3rd July 2024

The Assembly met at 9am

National Anthem

Moment of Reflection

*Mr Deputy Speaker in the
Chair*

MR DEPUTY SPEAKER

Bonzour tou Manm Onorab, tou *staff* Sekretarya e piblik an zeneral ki pe swiv travay Lasanble pou sa Merkrede le 3 *juillet*. Byenveni.

E ozordi nou travay pou prensipalman an dominan par *Questions for Oral Answers*. Nou annan nou 8 kestyon lo program e nou osi annan en Prozedlwa *Curatelle (Amendment) Bill, 2024* ki 9enm *Bill* pou sa lannen.

Donk, mon swete ki nou kapab pas dan sa bann travay avek otan prodiktivite ki nou kapab pou sa lazournen.

Mon ava demann *hansard reporter* pou apel Minis avek son delegasyon. Me antretan nou pou annan en *First Reading* e mon a demann Deputy Clerk pou fer sa silvouple.

MADAM DEPUTY CLERK

Bonzour Mr Speaker. Bonzour tou Manm Onorab e tou bann *staff National Assembly Service* e tou dimoun a lekout. *First Reading* i konm swivan;
This Act may be cited as the Seychelles Fisheries Authority Act, 2024. Mersi Mr Speaker.

MR DEPUTY SPEAKER

Mersi Madanm Deputy. Mon osi oule enform Lasanble zot ava vwar lo *Revised Order Paper* konpare avek yer, nou ti annan 2 Mosyon. Sa i aköz Dirizan Lopoziyon – 2enm Mosyon ti dan son non i annakor avek *Standing Orders* ki'n notifie ki i pe *withdraw* son Mosyon ki ti lo *S.I. 44 of 2024*. Donk, sa in ganny retire lo *Order Paper*. Mersi.

Bon, nou ava dir bonzour, e byenveni delegasyon ki fek zwenn nou sorti kot Minister Lagrikiltir, Sanzman Klima avek Lanvironnman, dirize par Minis Flavien Joubert e dir zot mersi pou agree pour retournen ozordi, apre ki zot ti'n zwenn nou yer bomaten, alor nou apresye sa, menm si i form parti zot travay.

Minis i akonpannyen par Mr Shane Emilie ki Sef Egzekitiv *Land Waste Management Agency* e osi Ms Christina Dora ki *Waste*

Manager kot LWMA. E *panel* la pou reponn premye kestyon lo nou *Order Paper* e sa kestyon 161 ki dan non Manm Elekte pou distrik Mont Fleri – Onorab Michel Roucou.

HON MICHEL ROUCOU

Mersi Mr Speaker. Bonzour a tous. Bonzour Minis ek ou lekip; tou bann Onorab. Bonzour spesyal zabitan Mont Fleuri.

Mr Speaker, si ou permet mwan en pti moman zis en segonn pou mwan senpatiz avek lafanmir Ramesh Naidu ki'n kit nou la bomaten. Mersi.

Mr Speaker, mon kestyon i koumsa;

Eski Minis i kapab eksplik Lasanble, bann defi ki son Minister pe rankontre, avek landrwa pou met bin piblik, spesyalman avek propriyeter teren kot i annan bin piblik ki pe fer demann pou retir sa bann bin obor ou lo zot propriyete prive? Mersi.

MR DEPUTY SPEAKER

Mersi Onorab. Mon ava envit Minister pou larepons?

MINISTER FLAVIEN JOUBERT

Mersi Mr Speaker. Bonzour Mr Speaker. Bonzour bann Manm Lasanble e osi bann dimoun ki pe ekout nou ozordi bomaten.

Mr Speaker, Departman Gouvernman Lokal an

konsiltasyon avek Lazans pou Lanbelisman e Zesyon Salte (LWMA), ek lezot antite Gouvernman i responsab otour bann sit pou bann *bin site* dan pei, pou fer desizyon zot pran konsiderasyon si later i prive ouswa Leta, bann devlopman ki annan dan sa rezyon, topografi teren, larzer semen pou evite ki i annan blokaz trafik letan kanmiyon pe tir salte.

E si i konsern later prive, Biro Ladministrasyon Distrik i antreprann en demar pou ganny permisyon ouswa *wayleave* parey nou dir, pou konstri okenn *bin site*.

Bokou sa bann *bin site* ki nou annan ozordi dan pei in egziste pou plizyer lannen. Serten in egziste pou plis ki 20 an.

Bokou *bin site* ti ganny plase kot akse ti fasil pou tir salte e dan serten ka sa ti tonm lo later prive. Serten in ganny plase san ganny permisyon propriyeter e parfwa permisyon ti verbal.

Me pli tar bann ki annan lentere lo sa bann later, pa'n anv i en *bin site* obor zot, ouswa zot annan kek devlopman, alor bann demann i ganny fer pou Lazans tir sa bann *bin site* dan sa bann landrwa. E sa i malere Mr Speaker, akoz i afekte lakominote an antye.

Mr Speaker, tou nou bann zabitan ti a kontan en *bin site* a zot laporte, me bokou fwa se nou menm ki fors bann propriyeter later pou demande pou tir *bin site*.

Lazans i montre piblik ki mannyer pou servi bann fasilite pou li reste prop e zot fer zefor avek bann kontrakter koleksyon ek bann ki netway bin pou mentenir lizyenn otour *bin site*.

E la mon oule dir ki resaman Lazans pe fer bokou zefor pou asire ki salte i ganny tire dan bokou landrwa e ki bann *bin site* i ganny byen netwaye otour e bann debri i ganny retire.

La ki Lazans *LWMA* i annan son prop Zofisye Ledikasyon ek Lenformasyon, zot pe entansifye zefor lo radyo, televizyon, *internet* ek medya sosyal.

Me ki nou ankor vwar dan pei? Nou war gro akimilasyon bann brans ek zerb ki ranpli landrwa, ki bar plas bann salte ki merit dan bin. E la Mr Speaker, mon oule port latansyon lo lefet ki i ankor annan en kantite landrwa kot dimoun pe tir zerb kot zot, pe tir brans ki zot pe met otour bin ki zot pa merit pe fer.

Bann salte ki pouri ouswa fer delo sal ek loder, i ganny mete dan bin e sa i vin en lenkonvenyans pou

kominote antye. I annan gro akimilasyon bann salte ki bann zabitan i kapab met kot *landfill* letan i annan *Clean Up* e zot kapab met sa for free kot *landfill*.

E *Clean Up* konmela i fer 4 fwa dan en lannen e nou pa kapab dir ki nou napa loportinite pou anmenn li *free* kot *landfill*.

Nou war bokou bann kartron e bann debri komersyal ki ranpli nou bann bin e ki bar plas pou bann zabitan. Mon pa pou nonm en distrik, me selman mon zis fer remarke ki nou annan en distrik dan rezyon santral resaman, Lazans in bezwen servi *excavator* pou tir plizyer ton debri parey blok, *tiles*, siman eksetera lo bor bin, pou al zete Mr Speaker.

E sa bann kalite salte pa merit obor bin. Ozordi Lazans *LWMA* ek *DA* pe fer fas avek logmantasyon dan demann deplas bann *bin site*.

Par egzanp dan 3 distrik ki enkli sa enn ki en Onorab in koz lo la, Mont Fleuri, Plaisance ek Mamelles i annan 7 ka e dan lezot distrik i annan bokou plis ka ankor.

Bokou i konplent prezan vermin, loder, dezord koze par zannimo e lezot lenkonvenyans. Si i posib *DA* i re sey en lot morso later pou relaksasyon *bin site*. Me i pa touzour fasil, akoz bokou later

i obor semen ozordi in fini ganny devlope e dan bokou ka, koridor - sa ki nou dir *road corridor* pa sifizan pou met en *bin site*.

Ki manner Lazans pe fer fas ek sa bann defi? Premye si i annan fasilite prop e izyenik pou ki zabitan pa trouv li neser pou fer sa bann demann pou tir *bin site*.

Lazans ozordi pe travay for lo bann *bin site* ki pli prop, amelyor sistenm koleksyon, ranplas bin manke, e netwayaz konplet obor bann *bin site*. Me sa zefor i osi depan lo zabitan.

Mon salye Mr Speaker, sa bann zabitan ki pe fer bokou zefor pou met zot salte byen dan en sak e plas li dan bin. Me par kont i annan bokou ki ozordi pe fer dezord e mon demann zot pou azir plis dan en fason li sivilize e osi annan respe pou lezot dan kominote.

Aprè se en keksoz ledikasyon. Parey mon'n dir Lazans pe aprezan entansifye son zefor, ki i pa al annan plis la ki annan plis resours e nou oule ki sa i kontinyen, pou ki dimoun i konpran byen ki manner zot bezwen servi fasilite ki met zot dispozisyon.

3enm, i servi Lalwa pou bann ki konfront ki kontinyen fer dezord. Bokou pe ganny fer avek bann landrwa komersyal parey laboutik, me i reste

ankor bokou pou fer dan kominote.

La mon oule dir avek bann zabitan pou dir avek ou vwazen osi ler zot pe zet salte malapropo. Me si ou pa kapab, ou osi kapab enform lotorite akoz sa bann kalite aksyon i fer nou bann kominote vin sal.

Alor Mr Speaker, nou menm nou koman vwazen, i enportan ki nou pe pas en mesaz avek nou bann dimoun akote nou, letan nou war zot pe fer sa bann dezord kot *bin site*, ki fer ki zot evite fer bann dezord ki apre i vin en lenkonvenyans pou nou tou.

E pour vremen sorti dan sa sistenm ozordi, fodre nou aksepte ki nou pa kapab kontinyen kolekte tou salte toulezour, dan en fason melanze e ki nou bezwen al lo en sistenm ki pli byen programen, kot sitwayen i pli responsab e posibleman nou pa depan sitan lo bann gran kantite bin santralize.

Sa in toultan en *challenge* pou nou tou dan bann lotorite ek zabitan, me nou bezwen seye si nou anvi fer progre.

Mon profit lokazyon pou envit pep Seselwa Mr Speaker, pou servi bann fasilite byen, zet zot salte dan bin dan en fason annord, aret vol ouswa fer vandalizm bann *bin site* e osi swiv gidans ki sorti kot Lotorite LWMA. Mersi.

MR DEPUTY SPEAKER

Mersi Minis pou larepons. Mon pou donn loter kestyon son siplemanter. Onorab?

HON MICHEL ROUCOU

Mersi Minis pou ou repons. Minis, pli tar Lasanble pou debat en pti pe lo en Mosyon anmennen par Onorab Bastienne *regarding* salte dan pei. Minis, annefe Mont Fleuri i en landrwa kot nou annan nou apepre en 20tenn *bin site*.

Nou annan plizyer rekomandasyon ki nou'n gannyen *lately* ; Rochon i enn kot nou pe ganny demande pou tir *bin site* kot plizyer lakour. I pa zis Mont Fleuri, Plaisance osi tou, ki baliz avek en distrik. E nou distrik nou'n pran en *stand* kot nou pe dir non – nou pa pou kontinyelman zis ale tir *bin site* pou fer plezir serten dimoun, zis aköz zot.

Solman nou rekonnet poudir i annan amelyorasyon lo kote fason ki dimoun i dispoz zot salte, ouswa kalite salte ki ganny met dan bin ki pa afekte bann dimoun ki reste en pe obor sa bann *bin site*.

Minis, si ou kapab dir nou konbyen rekomandasyon ki zot in gannyen, ki bann dimoun pe demande pou tir bann *bin site* obor zot

propriyete oubyen lo zot propriyete ?

Osi si Departman ou Minister, i annan en nide pou fer sir poudir bann landrwa ki bann *bin site* in la pou en kantite letan spesyalman bann propriyete Gouvernman, ki sa i ganny anrezistre atraver Lazans *LWMA*, ki aprezan demen napa person pa kapab vin ki zis anvi tir sa bann *bin site*, aköz i pou en bout pou kapab dir letan ki pou anrezistre atraver sa Minister. Mersi.

MR DEPUTY SPEAKER

Mersi pou kestyon. *Minister?*

MINISTER FLAVIEN JOUBERT

Mersi Mr Speaker. Onorab, kot i konsern kantite demann ki nou'n fer i varye. Parey mon'n endike, i annan apepre en 5 - a 7 ka pou sa 3 distrik Mont Fleuri, Plaisance, Mamelles. Me i annan serten distrik ki al eska apepre 5 demann ki'n ganny fer.

I annan mwens depandan lafason ki distrik i ganny - plase e kantite dansite popilasyon ki annan dan distrik.

Me mon kapab dir ki dan tou distrik i annan demann pou bouz bann *bin site* a en moman ou en lot. E Lazans i bezwen travay avek

Gouvernman Lokal pou adres...

Kot i konsern anrezistre bann *bin site* e fer sir ki zot ganny dan en fason proteze pou ki nou pa ganny demann pou bouz zot, byensir sa en keksoz ki merit ganny fer atraver nou bann plan devlopman dan distrik.

I annan de ka kot nou rekonnet petet lafason kot devlopman in ganny fer, vre zistans ek *bin site* i pros e nou bezwen planifye li pli byen. Akoz pa toultan ki nou planifye byen.

E nou bezwen fer sir ki nou koriz sa bann defo dan planifikasyon. Me nou bezwen trouv en sit alternativ, pou ki nou kapab plas sa bann *bin site*.

Me selman mon dakor avek ou, ti a byen si nou kapab finalman dan nou bann plan semen, ouswa nou bann plan devlopman ki nou pe aprouve, nou osi met nou bann sit *bin site*.

E osi letan nou fer bann nouvo devlopman, i enportan ki boner nou'n fini met nou fasilite pou *bin site*, akoz nou rekonnet pou dir menm serten *estate* letan nou pe devlop li, nou pa pe mete fasilite pou *bin site*.

E apre pli tar letan nou remet li, nou napa plas e i annan konfli avek lezot dimoun. Mersi.

MR DEPUTY SPEAKER

Mersi *Minister*. Onorab Bistoquet?

HON ANNE BISTOQUET

Mersi Mr Speaker. Mr Speaker, permet mwan pou pas nou senpati a nou frer Ramesh Naidu ki'n nou ozordi gran maten. Parey nou'n konnen in en zonm ki'n toultan krwar dan la demokrasi. In en biznesmenn Pointe Larue e in osi en aktivis *LDS* kot nou'n kanpanyy bokou ansanm. E nou dernyen *Blitz* i ti osi la prezan. E alors nou pas nou senpati a son garson Pagri e lafanmir antye.

Mon kestyon pou Minis, Minis mon'n tann ou dir poudir zot annan plan pou fer *bin site* vin pli izyenik, eski dan zot plan, zot pe konsider revwar lafason ki zot fer *bin site*, en fason ki nou avek osi viziter nou pa ava war salte partou?

Mon krwar St Louis si mon pa tronpe, i annan enn ki zot ti pe fer ki'n bare byen zoli.

E apre osi i annan zour kot nou pase nou war salte in tire, me nou war salte pare feray ki reste obor bin, eski zot annan en ledikasyon pou piblik, pou dir ki zour ki feray i ganny tire, ki zour ki salte i ganny tire pou ki dimoun pa vin pou fer akimile.

Akoz i vin en *eyesore* finalman, ler nou war en kantite sa bann gro, gro feray i reste obor bin. Mersi.

MR DEPUTY SPEAKER

Mersi Onorab. *Minister?*

MINISTER **FLAVIEN**
JOUBERT

Mersi Mr Speaker. Mersi Onorab pou ou 2 pwen. Mr Speaker, kot i konsern vizibilite, mon krwar i annan en pwen enportan la. Parfwa i pa toultan ki nou annan bokou salte, me problem se ki nou vir tou nou bann bin dan lizye dimoun e nou vwar salte i vin vizib.

Alor, enn bann demars ki nou pe fer avek *LWMA* i annan bann *design* ki'n ganny seye, ki marse, kot menm si nou annan salte, nou pa bezwen prezant li dan piblik. Nou pa bezwen met li dan en fason ki dimoun i vwar li. Ou kapab met li dan en fason ki kasyet.

Nou konnen poudir i la, nou konnen nou bezwen tire, me selman nou pa bezwen ekspoz li dan piblik. Deza i annan serten landrwa ki nou pe targete ansanm ek Gouvernman Lokal.

Yer i annan site *visit* ki'n ganny fer dan serten landrwa sirtou nou bann *main road*. Nou bezwen aret fer nou salte vizib dan bann *main road*, ou ava war bin, me ou pa pou war

salte. E sa en zefor ki nou'n fini komanse avek Gouvernman Lokal.

E parey mon ti enform bann Onorab osi, si i annan bann demann pou nou *improve* bann *bin site* vitman, pou nou fer sir i annan plizanpli en bon prezantasyon, Departman Lanvironnman atraver bann fon ki nou annan, nou kapab servi sa bann fon pou nou siport bann distrik pou nou fer sa.

Alor mon ankouraz bann dimoun dan distrik, *DA*, *MNA*, diferan lotorite, vin devan e nou ava travay avek zot pou nou kapab *improve* bann *bin site*, pou nou kapab annan en pli bon prezantasyon lo kote salte ki nou pe akimile dan pei.

Lot keksoz se debri. *LWMA* in deza fer bann avertisman, aköz bann debri i ganny tire 1 fwa par semenn e normalman nou konnen i ganny tire ver wikenn dan konmsi lafen lasemenn e nou kontinyelman enform piblik met zot salte bann gro debri obor *bin site* ver lafen lasemenn, 2 zour ziska 2 zour lafen lasemenn pou li kapab ganny anmase. Me nou war ki bokou dimoun pa pe swiv sa bann gidans.

I osi annan posibilite pou dimoun anmenn zot bann debri kot *landfill free* sak fwa nou fer bann kanpany *Clean-*

Up. Nou fek annan enn resaman 2 semenn pase e ou kapab zis vini, i annan *skip* devan *landfill* ou pran ou mete. E ou pa bezwen al met li obor semen.

E bokou dimoun i swazir pou pa fer li menm si zot annan transpor, menm si zot diferan fasilite, zot swazir pou pa fer e zot pran zot akimil obor semen. Alor i en keksoz ki kontinyel.

E *LWMA* li i pe entansifye son zefor parey mon'n dir. Mon kontan ki sa lannen nou'n kapab met an plas en Zofisyè Ledikasyon Lenformasyon plen-tan ki pe travay for lo kote medya sosyal, diferan lapros pou LI kapab enform dimoun lo travay *LWMA*.

E resaman Lazans in fer sorti *website* osi kot dimoun i kapab ganny lenformasyon. I fer sir ki lenformasyon i kapab ganny propaze pli vit parmi lapopilasyon. E mon swete avek sa lentansifikasyon kanpanny lenformasyon, dimoun i ava konpran en pe plis.

Me dan distrik osi nou bezwen bann kominote, koz ek kanmarad e bann zefor i ganny fer antre nou menm, pou nou kapab dir ek kanmarad pa fer sa akoz i koz en problem dan nou kominote.

Finalman se konportman dimoun ki bezwen sanze e nou tou nou bezwen partisip dan sa travay, pou nou sanz konportman lenn a lot pou ki nou kapab fer en keksoz pli prop dan distrik. Mersi.

MR DEPUTY SPEAKER

Mersi *Minister*. Prosen Manm lo lalis, se Onorab Loizeau.

HON NORBERT LOIZEAU

Mersi Mr Speaker. Bonzour Minis ek delegasyon. Bonzour tou Manm. Bonzour tou dimoun ki a lekout. Mr Speaker, mon anvi dir Minis, kontrè mon anvi dir *CEO* mersi pou sa rankont ki nou ti fer avek *Central 1 Region* pou nou kapab annan en nide lo ki fason *LWMA* pou travay konmsi a lavenir. Mersi pou sa.

E mwan mon kestyon mon annan en kestyon Onorab Bistoquet in pas lo la, me selman mwan mon anvi al en pti pe pli lwen, vi ki nou pe koz lo *design bin*, landrwa pou mete.

Vi ki dan distrik Bel Air nou annan bokou larivyer, nou annan rigol e i annan en pe bin ki nou war i par lao bann rigol e ki arive, ler gro lapli en ta delo pe desann Bel Air, nou vwar ki salte i ganny trennen dan rigol, eski i annan en travay ki zot pe fer, pou zot kapab *sort out* en pe bann bin

ki lo rigol, tir li met li en pti pe a lekar?

E osi Minis, mon 2enm kestyon, eski aktyelman la, i annan *funding*, i annan bin *available* kot nou dan distrik nou kapab tape pou nou kapab mete.

Akoz dan distrik Bel Air i annan en bon *pe bin in* kase e salte i dan semen, dimoun zis i vini kot napa en bin, zot zis pran salte zot met - aköz i annan en bin la zot vini zot pran zot met dan kwen.

Eski i annan en fason pou nou vin tap kot zot pou nou kapab ganny en pe bin pou nou met dan nou distrik? Mersi.

MR DEPUTY SPEAKER

Mersi Onorab. Mon ava envit *panel* pou larepons?

MINISTER FLAVIEN JOUBERT

Mersi Mr Speaker. Mersi Onorab. Mr Speaker, zis pou al lo 2enm pwen ki Onorab in fer sorti. Sa size bin kase i en kestyon *procurement*, me selman Mr Speaker, avek ou permisyon, mon ti a kontan demann *CEO LWMA* pou reponn ou lo tou lede pwen; enn konsernan *bin site* ek drenaz, bann lensidan ki arive dan letan gro lapli.

E osi elabor en pe plis lo sa size *procurement*, aköz i annan resours pou nou kapab

ganny bin sorti dan pei, pou satisfere tou sa bann demann. Mersi.

MR DEPUTY SPEAKER

Mersi *Minister*. Mr Emilie.

CEO SHANE EMILIE

Mr Speaker, mersi. Onorab, mersi pou ou kestyon osi tou. Pou mwan reponn sa premye kestyon se nou'n annan diskisyon avek *DA*, bann *DAs* atraver *Local Government*, pou nou revwar bann diferan *bin site* ki'n ganny mete dan bann lokasyon ki pa apropiye.

Mwan osi ler mon'n zwenn Lazans mon'n war sa aköz in la pou plizyer lannen. I konsern mwan, aköz? Aköz parey ou pe fer resorti ler lapli i tonbe - gro lapli nou'n war pandan sa letan bann peryod Sesel in pas dan en letan kot lapli in tonm bokou plis. Par ler i vin pli for, ki apre bann salte i ganny balye, i ganny anmenn dan larivyer.

E se la kot nou n annan bann diskisyon avek *DA*, pou nou revwar kot zot pou kapab *relocate* sa bann *bin site*. Me selman parey Onorab Roucou in demann sa kestyon, ki *Minister* osi in fini *intervene*, in donn li son larepons, se ler pou fer *relocation* ki vin en problem, aköz napa ase later pou *accommodate*,

Me petet par ler i annan provizyon ki annan bann later

prive ki apropiye, ki napa gran devlopman. Ler ou pou al negosye avek sa dimoun ki annan sa later prive la, i obzekte i dir ou akoz i pa anvi *bin site* lo son later.

Akoz in arive dan lepase ki sa in ganny fer, me selman piblik ler sa bann *bin site* i lo sa later prive la, zot mal servi sa *bin site*, akoz zot met nenport ki kalite keksoz e apre zot pa depoz li byen apropiye.

Selman nou pe proaktivman travay avek Gouvernman Lokal, akoz i anba zot fon pou konstri bann *bin site*, baze lo zot *design* ki nou donnen. Nou, nou servi zis *provide* sa bin avek koleksyon apre netwayaz osi otour sa *bin site*.

E lo kestasyon *procurement of bins* se ki nou'n fini fer *procurement of bins* depi lannen pase, me ler nou'n inisye sa in fini e prezan *National Tender Board* in fini fer seleksyon, in annan en serten *appeal* ki'n ganny fer akoz i annan *bidder* ki'n konteste e sa in pran 3 mwan.

La, la, la boner premye *quarter* of sa lannen, ki prezan apre finalman nou'n ganny rezilta of sa *appeal*, ki apre *by the way* i enportan pou fer resorti avek piblik, avek Lasanble, ki ler prezan sa dimoun in ganny sa kontra ki apre finalman in *turn down the contract*, ki nou'n war nou

go back to the National Tender Board, pou dir li be *ok* ou bezwen regarde e prezan apre pozisyon se ki pou nou pran *the 2nd best bidder*.

E *National Tender Board* in fin pran desizyon, nou'n fini fer prosedir pou fer siny en nouvo kontra.

I annan sa *bann black litter bins* ki *basically* pou sa premye lot of sa *tender* sa dimoun in fini komans fer prosedir pou fer vini. E *basically* sa bann bin ver i annan 3 mil bin ki'n ganny mete pou fer ganny *procure*.

Me kwa enportan fer resorti, ki pandan sa bann letan ki mon ti fer koman *CEO* la, mon ti *procure* detrwa kantite bin pou mwan ranplas dan bann landrwa kot i kritik.

E mon'n deza annan en diskisyon avek Minister pou nou revwar petet anba *ATF* pou nou kapab *procure additional bins* la tanporerman, pou nou ranplas sa bann bin ki'n kase.

So nou'n fer sa an 2 faz e la an menm tan ki nou pe esper sa 3 mil bin ki pou antre dan pei petet *before the 3 quarter* of sa lannen, ki *at least* nou kapab ranplas bin kase dan ban *bin site* ki en pe pli kritik. Mersi Mr Speaker.

MR DEPUTY SPEAKER

Mersi Mr Emilie. Mon vwar lentere dan sa kestasyon. Ti mon

lentansyon nou termin sa sesyon 9.30 lo sa enn kestyon. So i annan 5 Manm ankor ki'n eksprim lentere pou poz en kestyon. Mon pa pou pran plis ki sa.

So nou ava fer nou kestyon kourt e larepons osi kourt ki nou kapab pous li ziska omwen mwenzekar akoz lentere ki konsern tou distrik.

So prosen lo lalis i Onorab Philip Monthy, *short question, short answer.*

HON PHILIP MONTHY

Mersi Mr Speaker. Rapidman Minis. I annan serten sityasyon kot propriyete prive i pare pou donn permisyon, me selman nou ganny dir ki *compactor* pa kapab ariv dan sa bann landrwa.

Menm si bann semen segonder i fer provizyon pour ki sa transpor i kapab arive dan sa landrwa, akoz i annan bann *pickup* ki pli gro ki monte la anler. Ki eski zot pe revwar zot bann Polisi vizavi sa, pou ki dan sa bann semen segonder sa *compactor* i kapab arive *bin site* i a kapab ganny mete dan sa bann landrwa? Mersi.

MR DEPUTY SPEAKER

Mersi Onorab. *Panel?*

MINISTER **FLAVIEN**
JOUBERT

Mersi Mr Speaker. Mr Speaker, mon krwar vitman sa i kapab ganny reponn dan bann nouvo kontra ki pe vini an 2025. Mon krwar kontra pe ganny renouvle. Kontra ti depi 2019, la pe ganny renouvle 2025. I annan plizyer keksoz ki nou pe fer ozordi, ki nou bezwen revwar e amelyore dan kontra ki vini.

E petet enn bann ki nou bezwen demann bann *suppliers* osi, bann kontrakter pou fer se, annan lekipman ki pli apropiye, akoz menm si nou pou dir ki kanmiyon i monte dan sa bann landrwa en *compactor* letan i plen, parfwa i ganny difikilte pou li kapab arete, monte ek tou sa salte.

E parfwa i glise, i annan diferan keksoz ki kapab afekte li e nou pa ti a voudre ki dimoun dernyen lo *compactor* i ganny aksidan. Akoz e kanmiyon i monte, napa dimoun deryer pe debout, be *compactor* i annan dimoun pe travay deryer e alor parfwa i pli danzere konpare avek en lot lekipman.

Me nou, nou ti voudre ki sa i ganny adrese dan bann nouvo demars ki pe ganny fer pou bann nouvo kontra, pou nou annan bann kontra ki pli adapte avek nou sityasyon, kot nou annan semen segonder dan bann *estate* partou, eksetera.

Me i en keksoz ki pe ganny mete dan bann nouvo kontra. Me bann rekomandasyon parey nou pe gannyen ek Onorab osi, nou kapab met ladan e analiz li dan sa lannen ki pe vini. Mersi.

MR DEPUTY SPEAKER

Mersi *Minister*. Onorab Cosgrow.

HON WALLACE COSGROW

Mersi Mr Speaker. Bonzour Mr Speaker. Mr Speaker, mon kestyon i apropro bin kase ki mon krwar Minis, *CEO* in komans tous en bout. Enn bann rezon aköz bokou bann dimoun i konplent *bin site* lo zot propriyete ouswa obor zot propriyete zis aköz petet bann *bin site* pa byen ganny antretenir.

Now, pou ou ganny bann bin kase par egzanp pou ganny en dimoun ki dir mwan kantite bin kase e prezan ankouraz vermin par egzanp lera e menm lisyen i vini i ris bann sa.

So eski zot annan en program *or* eski zot annan en tim ki *assess* sa bann *bin site* – *assess* sa bann bin kase, e entervenir o pli vit posib pou kapab ranplas sa bann bin Kase. Aköz ou dir mwan zot annan bin pou kapab – mon konnen i pa fasil pou tir sa bann problem, me solman

pou minimiz lakantite problem, sirtou dan bann *housing estate* dan lakominote, kot i annan lakaz ki sitan pre obor, aköz i kre en gro, gro lenkonvenyan pou bann zabitan.

E 2enm, eski zot pe eksplor bann alternativ konpare avek sa ki nou annan ozordi *the traditional bin site* obor semen, ki in marse pandan sa kantite letan, me i paret mwan la volim salte i bokou.

E eski zot pe eksplor lezot alternativ, pou ranplas sa problem pou nou pa ganny sa problem ki nou pe gannyen? Mersi.

MR DEPUTY SPEAKER

Mersi Onorab. Minis?

MINISTER FLAVIEN JOUBERT

Mersi Mr Speaker. Mersi Onorab. Mr Speaker, mon pou koz zis lo sa size alternativ. Mon pou les *CEO* eksplike i bin salte ek stok bin kot nou ete ozordi. Wi, i annan demars pou eksplor alternativ.

Enn nou demars ki nou pe fer la, aktyelman ansanm ek *CEO*, se pou nou rod bann bin milit bann ki 4 larou. Me nou bezwen osi annan bann lekipman pou kapab lev sa groser bin, aköz en bin 240 lit ek enn milit son pwa pa

parey e ou pa kapab lev li ek ou lanmen.

Me i en demars ki nou pe fer la e nou ti a kontan ki sa lannen nou pe komans fer sa lesey dan plizyer landrwa. E menm dan bann ka parey ou kapab menm elimin konpletman *bin site*. Ou kapab met li debout dan en lespas parey en *carpark* san ki ou bezwen annan en *bin site* kot salte i akimile.

Alor i en demars ki nou pou fer pou nou vwar bann alternativ e apre alternativ lo koleksyon osi – sistenm koleksyon.

Petet i annan lot fason kolekte kot nou pa pa akimil salte lo bor semen dan bin toulezour e kree lenkonvenyans pou serten dimoun. Sa osi i en keksoz ki nou pe eksplere.

Me nou ava donn detay nou a les keksoz devlope, me mwan mon ankor satisfè ki Lazans ozordi pe angaz li plennman dan en fason progresiv, pou li vwar tou alternativ pou li sey met an plas.

Me mon a les *CEO* avek ou permisyon Mr Speaker, pou eksplik en pe nou stok bin e ki sityasyon lo kot i konsern bin kase. Mersi.

MR DEPUTY SPEAKER

Please proceed CEO.

CEO SHANE EMILIE

Mr Speaker, mersi. Onorab, mersi pou ou kestyon. Parey mon'n fer resorti depi oparavan, se ki nou stok bin la pour le moman, nou napa bin *at all* akoz sa *procurement* in annan bann retar ladan.

Me selman parey mon'n fer resorti se ki parey mon'n fer dan sa 2 premyer faz tanporerman, kot mon *procure* bann bin lokalman, pou mwan kapab ranplas bann bin kase dan bann *site*. Solman mon annan en tim ki ale ki fer odit pou war bann bin ki kase.

E apre i annan sa bon lantant. I enportan fer resorti i annan sa bon lantant avek Gouvernman Lokal kot bann *DA* la atraver zot bann prosedir se ki zot pe kominik fortman avek Lazans pou nou kapab rektifye sa bann problem lo *site*. Mersi.

MR DEPUTY SPEAKER

Mersi Mr Emilie. *Next* lo lalis i Onorab Waven Willaim.

HON WAVEN WILLIAM

Mersi Mr Speaker. Bonzour Minis avek ou lekip. Minis, mon'n ekout zot avek bokou latansyon. I en size ki mon vremen konsernen avek. Mon anvi demann ou eski zot a konsider revwar – revwar dan en fason vremen entans vizavi sa lapros konpreansiv avek enklisiv.

Mwan mon pare pou travay avek zot vizavi sa bin. Me solman mon santi poudir konnen i annan bokou koze – bokou koze me sa aksyon e sa swivi mon pa pe vwar.

E mwan mon ti a kontan – mon pare e mon ofer mon lekòr avek mon distrik Grand Anse Mahe, pou nou zwenn avek zot pou nou koz - serye lo la.

Akoz i en size - i annan en Mosyon ki nou pe al ganny pran byento lo la e mon espere ki apre sa Mosyon bann rekomandasyon, size ki sorti par deryer sa Mosyon, i a ganny pran vreman o serye.

Minister, nou depan lo touris e zafer salte i vreman konsernan. E parey mon dir mon pare pou zwenn avek zot pou nou koz serye.

Me solman *Minister*, eski zot pe balans *the carrot and the stick*? E osi eski zot pe travay pros avek bann lazans konsernen, aköz mon santi i annan en dekoneksyon vizavi *the policing of it*. Mersi.

MR DEPUTY SPEAKER

Mersi. *Panel* i annan en larepons?

MINISTER FLAVIEN JOUBERT

Ok, mersi Mr Speaker. Mersi Onorab pour sa pwen. Mr Speaker, lapropte i konsern tou dimoun e mon krwar

parey Onorab in dir nou bezwen vin enklisiz e kominote e tou dimoun dan distrik, i bezwen pran aksyon.

E mon *welcome* sa lapros ko pou travay avek bann dimoun dan distrik. Me pli enportan pou mwan se bann ki pe servi sa fasilite, i merit bann ki pli aktiv dan sa demars. I pa kapab lotorite ki pou pli aktiv ki vin i donn ou lord e plito se ou ki bezwen pran ou responsabilite ou landrwa.

I annan serten zot kominote, kot bann zabitan in pran kontrol zot kominote, e zot pe kit li prop. E i enportan ki tou dimoun i vini avek sa lide ki letan zot in vin la, zot pa zis ekoute, me nou pe vini pou nou form parti sa zefor.

Akoz finalman letan zofisye lotorite i al se li, se zot ki servi sa fasilite e zot ki trenn tou sa kalite debri ki nou war zot trennen dan lannwit e zot ranpli *bin site* avek.

E letan ou vini dan bomaten bin in plen e apre ler en dimoun i vini i vin met en lot keksoz lo la, in fini vin en dezord dan kominote.

Kot i konsern *enforcement*, byensir i en zefor ki pe kontinyen. Mon'n demann seksyon *Enforcement* en pe bann lenformasyon lo bann *case* sa lannen, zot in dir mwan depi sa lannen pou *illegal dumping* zot in ganny

apepre 24 ka depi komansman lannen ki zot in rikorde, zot in *deal* avek.

Me nou kapab fer bokou plis kot i konsern *illegal dumping* e mon ti a voudre ki tou dimoun i partisip ladan pou nou kapab ganny lenformasyon.

Akoz bokou fwa ou war bin i an dezord. Ou vwar salte in mal ganny mete, me personn pa pa le dir ou lekel ki ti fer sa. Me mon demann mon lekor kestyon par egzanp Onorab, ki mannyer en dimoun i kapab trenn en 20tenn brans dibwa, en pye koko antye ki'n koupe ek *chainsaw* i met kot en *bin site* e personn pa war li? Sa en keksoz drol.

Alor nou bezwen kapab donn lenformasyon lo lekel ki pe fer dezord dan nou kominote, pou ki prezan lotorite i kapab antre e ede pou nou gard keksoz prop. Mersi.

MR DEPUTY SPEAKER

Mersi *Minister*. Prosenman lo mon lalis, Onorab Pillay?

HON SEBASTIEN PILLAY

Mersi bokou. Bonzour Minis. Minis, prenon kont ki nou pe tandé poudir sa pe kontinyelman vin en problem. I pou kout plis larzan pou rod konpanyen pou fer – i pou kout plis larzan

pou rod bin. Ki lot alternativ koman bann eksper ki zot pe ofer popilasyon? *Sorting* salte, separ salte eski zot annan sa dan en program pou fer ki sa ki pa oule en bin kot li i ava redwir lakantite salte?

E dezyenman, ou annan sipoze en *shredder* ki'n aste, me ki'n arive ek sa *shredder* ki ti sipoze zisteman ede dan sa Polisi Zer Salte? Eski i pe marse? Eski i la? Eski i pa pe marse? Konmsi fer nou konpran ki zistans zot in ariv e lo sa program?

E mon 3enm pwen si ou permet mwan Mr Speaker, bann distrik parey Perseverance, dan bann lezot landrwa aletranze, bann kominote koumsa, sak lakaz i annan son bin, ou trenn deor, transpor i vin tire – konmsi tousala i posibil. Me *why are you not doing it?* Mersi Mr Speaker.

MR DEPUTY SPEAKER

Mersi Onorab. *Panel*, larepons?

MINISTER FLAVIEN JOUBERT

Mon a les serten parti sa kestyon pou *CEO*. Me selman mon a koz lo alternativ Mr Speaker. Premye pwen ek 3enm pwen.

Mon krwar ou rapel letan mon ti *CEO LWMA* mon ti propoz en proze Perseverance

en bon pe lannen pase, i annan plizyer diskisyon ki'n ganny fer.

E plizyer rezon in ganny donnen me nou ti'n fini aste bin e nou ti'n pare pou fer sa proze, me in annan plizyer ale vini, ale retourn ek bann diferan dimoun.

Me mwan mon krwar ki nou bezwen kontinyen avek sa proze, konman en legzanp, koman en pilot pou nou seye e fer keksoz marse.

E *CEO* ava donn ou lenformasyon lo kwa ki i pe al fer dan sa laliny. *CEO* osi i ava eksplike lo sa *shredder* ki son leta ozordi, me solman mon kapab garanti ou ki sa *shredder* pa'n aret marse e i pa'n kase e i pe la ganny zete.

Me selman zis pou klarifye Onorab, se ki sa *shedder* son louvraz se pou ede avek konpakasyon – pou ede ki *landfill* i pa ganny akimil bann gro debri e son lafason ki i ganny plase *landfill*, bann materyo i bokou pli *compact*.

E osi serten salte i kapab ganny redwir pou kapab tir sa bann konponan ki ou kapab resikle.

Me mon a pas laparol avek *CEO* pou li donn ou lenformasyon lo kan i pou lansman alternativ, bann lapros altenativ e osi *status shredder* ozordi e lafason ki i pe fonksyonnen. Mersi.

MR DEPUTY SPEAKER

Mersi *Minister*. *CEO*?

CEO SHANE EMILIE

Mr Speaker, mersi. Onorab, mersi pou ou kestyon. Bann kestyon ki vremen enportan. Ou konnen Lazans sa moman i dan en staz tranzisyon. Ki mon pe sey dir par tranzisyon, se ler mon ti *assume* mon pos an Out 2023

Mon ti komans fer en lodit, mon ti konsilte dimoun, mon ti ekout en pe bann diferan konsern ki annan, an menm tan mon ti konsilte bann dokiman pou mwan vin avek bann lide.

E parmi bann lide, bann *alternative*, se ki nou pou annan bann *waste disposal centres* ki nou pou entrodwir par rezyon, koman en sistenm pilotaz. Ki mannyer sa pou ete, se ki i pou *fence, camera*, lalimyer, detrwa skips, ki apre i pou annan son bann *information boards* ki Seselwa *at least* i kapab met bann kalite salte dan sa bann *skip* ki pa pou *end up* kot *bin site*.

2enm mon'n fini met avek *MNA* *Perserverance* – mersi pou sa *meeting* ki nou pe al *kick off* avek sa proze pilot *door-to-door collection* dan en bout *Persévérance*. Nou'n fini fer en bout nou prosedir entern, me nou ankor pe esper lenformasyon ki

mon'n fini *liaise* avek Gouvernman Lokal pou donn sa bann dernyen bout lenformasyon. E apre nou pou fer en sistenm *door-to-door* collection lo enn zot landrwa rezidansyel ki dan plato.

Sa se i enkli *Turtle Bay* avek Anse La Mouche aköz mon'n deza annan diskisyon avek distrik, pou nou pilot sa *project* e en komitman ki nou pe fer anver sa group dan kominote.

E apre sa *waste shredder* i enportan fer resorti parey Minister in dir, i ankor la li. Mon ti fer en komitman avek zot lannen pase, ki mon ti pou revwar sa e vre mon'n fini revwar e mon'n fini ganny led avek *expert* pou nou finaliz sa *bidding document*, ki ti ganny revwar par *expert from World Bank*. Nou'n fini prepar *proposal*.

Pour lemoman *proposal* i dan lanmen *POU* e *POU* pe pran en pe letan pou li get *back to us* ki apre nou kapab *go ahead* avek sa laspe *tender*.

So i enportan fer resorti ki nou'n fini fer nou bout, me la prezan i depan lo *POU* osi pou li kapab egzekit sa o pli vit posibil, ki *at least* nou kapab fer sa *waste shredder operational*, pou li kapab *change* sa bi, parey Minister in dir, se *shred* bann salte.

Aköz mon'n fini fer plan kot nou pou nou reorganiz sa

shred ki laba, ki pou annan bann diferan *skips*.

Si ou pou organiz bann salte, nou pou *shred* pou nou *achieve* en pli bon *compaction* dan *landfill* e apre pou *achieve* osi nou bann plan an term dan *NDS* kot *diverting green waste out of the landfill* ki annan en valer ekonomik pou Sesel. Mersi.

MR DEPUTY SPEAKER

Mersi *CEO*. E dernyen entervenans lo sa enn kestyon se Onorab Clifford Andre.

HON CLIFFORD ANDRE

Mersi Mr Speaker. Mr Speaker, mon ti a kontan demann Minis, e osi avek *CEO*, kekfwa si li i pou reponn sa, zot annan menm standar pou okip bann bin dan bann distrik? Aköz letan mon gete mon war Anse Aux Pins letan mon pe mont Ramo kot mwan avek ou nou monte annandler salte dan semen e menm blok trafik kot nou bezwen espérer pou nou pas lot kote.

Me selman sa i ganny tire – i ganny tire a en serten moman. Tandis ki mon'n get anler La Pointe Larue kot ankor mwan ek ou nou pase, mon war i annan salte ki letan zot vin tire, zot kit lanmen zot plito tir li dan kad, zot zet li an deor kad. Kot sa kad kot bin e i reste la.

I bann debri parey Minis fek dir ki vin tire en fwa par semenn ensidswit.

So, eski i annan menm standar e aköz i annan - mwan mon'n eksperyans diferan standar. Sa i enn.

Dezyenmman, par lefe ki ou'n dir ki i annan en ledikasyon ki pe ganny fer pou dimoun ki servi bin, me ki bann *enforcement*. Mon konnen ki ou'n koz lo la me ki bann *enforcement* oubyen wi *enforcement* ki pe ganny fer pou bann dimoun ki pa pe servi bin parey zot fodre ganny servi konmela a ler aktyel?

Ou'n dir i annan 24 ka oubyen 25 ka, me ki pe ganny fer, aköz tan ki nou les dimoun fer mannyer i anvi, zot pou kontinyen fer mannyer i anvi. So nou pa bezwen zis edik zot me nou bezwen pran aksyon la pou montre sa dan kad ledikasyon osi. Mersi.

MR DEPUTY SPEAKER

Mersi. Mon ava envit *panel* pou larepons.

MINISTER FLAVIEN JOUBERT

Mersi Mr Speaker. Mersi Onorab. Mon kapab les *CEO* entervenir dan en pti bout kestyon. Mr Speaker, spesifikman sa bann ka ki Onorab in koz lo la, mwan mon'n obzerv sa *bin site*.

E mon'n obzerv plizyer lezot *bin site*, aköz toulezour i annan keksoz ki mon pase mon gete. Letan salte i ganny retire son Dimans prop, mon pase *bin site* i prop napa nanryen ater, tou i ganny balye otour, ki ou vwar dan sa prosen 24 er mwan, mwan ki mon'n war personnelman se ki en dimoun i vini i ranpli sa landrwa avek zerb ek fey.

Aprè i annan bann bin akote, dimoun i koman zet salte ladan dan lannwit, bomaten ou war i annan salte dan bin.

Sa landrwa kot ou sipoze met *bulky waste*, kot ou sipoze met *fridge*, *cooker*, ou bann lezot debri, in fini plen avek fey e i debord lo semen. Prezan nou konnen ki sa bout ki la pa ganny tire toulezour li, i ganny tire tou le semenn.

Dan sa semenn ki vini prezan ou vwar dimoun i met matla, i met *toilet*, i met *fridge* lo la e la aprezan i vin dezord i debord ziska dan semen.

Mon krwar fodre nou dimoun i komans konpran Mr Speaker, se ki nou pe fer dezord dan kominote. E ou bezwen dir ek en dimoun letan ou war li pe saroy zerb i met kot *bin site*, dir ek li aret fer sa aköz prezan i vini en lot problenm akimilasyon.

Konmsi fodre nou bezwen kontinyen kriye, dir ek

dimoun arete sa bann kalite *nonsense*. I pa normal.

E prezan mon bezwen vin kot Lasanble, vin reponn kestyon pou dezord ki li i pe fer kan nou'n dir zot plizyer fwa pa fer. Me i kontinyelman vin en problem e dimoun pa pe konpran sa Mr Speaker.

Fodre zot konpran poudir nou pe koz problem pou nou vwazen. E ler nou vwazen i annan son matla pou li mete oubyen i annan son *fridge*, i napa landrwa li i met lo sa zerb e sa i debord dan semen.

E sa ki mon'n war i arive e sanmenm sa ki ou osi ou'n war arive Onorab e mon krwar i enportan ki nou bann dimoun dan kominoter konpran sa.

Me byensir i annan standar ki kot salte i ganny tire, me sa bann debri anplis osi i koz en *challenge* pou Lazans e mon ti a voudre ki CEO i entervenir lo la e osi koz en pe lo *enforcement*.

AKOZ *enforcement* pa toultan fasil, akoz letan ou demann kestyon personn pa konnen lekel sa bann dimoun i sorti. E dan kominote personn pa le koze. Me nou tou nou fer dezord.

So i enportan ki dimoun i komans konpran poudir se zot kominote ki pe ganny afekte. E letan nou dir lera, lera i partou. I pa vin dan

lakaz zis sa enn, ki zet salte i vin dan lakaz tou dimoun. Mersi Mr Speaker, mon a pas laparol avek CEO.

CEO SHANE EMILIE

Mersi. Onorab, mersi pou ou kestyon. *In fact* pour mwan fer resorti, se ki standar i parey pour tou *bin site*. E *basically once a week – weekly* tou bin site i bezwen ganny *pressure wash*, ganny netwaye, lave, *disinfect* e apre osi zot *delittering*, pas otour dan sa 3 met pour tir bann salte i ganny fer *daily* toulezour.

Solman parey zot ti war ki mon anv'i remersye SBC pour sa program ki nou ti inisye avek zot lo Dyalog an Direk parey zot ti war poudir menm ler sa kontrakter i al anmas salte i al anmas salte dan sa granmaten la, *whatever* ki'n *spillover* ler pe tire la li osi i balye i tire i fer prop. So standar i parey.

Me parey Minister in fer resorti ki Seselwa i bezwen pran son responsabilite.

Nou'n war i annan landrwa kot par egzantp nou donn 3 met ordinerman i 3 met, i annan landrwa kot ou kapab tir 3 met, i annan landrwa kot ou pa kapab tir 3 met. E Seselwa i kontinyen ranpli, ranpli. Si ou pou fer en letour la ki nou'n entrodwir la resaman se met *information board*.

Parey ti ganny dir met *information board*. *Information board* i la pou notifiye Seselwa ki kantite metraz i annan pou met ou salte ladan, i *still* kontinyen ranpli partou; i zis anvoye i vin en problemn.

In annan bann serten lenstans kot par egzanp nou'n fer koleksyon plis ki 1 fwa sa bann kalite salte la. I pa sa bann ki dan bin ver.

Nou'n fer plis ki 1 fwa i kout lazans larzan pou li fer sa. Me nou fer li *still* aköz nou'n ganny konplent pou nou kapab reakte.

E mon le lans en lapel anver Lepep Seselwa i annan *hotline* 2822600 – kontakte nou. I annan dimoun ki fer sa sitan byen, i anvoy *video* i anvoy portre i fer nou konnen i annan sa bann keksoz e nou akte lo la.

Me le moman ki par ler nou ale nou al get sa bann *bin site*, ou pou sirprann ki kalite keksoz ki ganny met ladan. Gro kantite manze, pwason, tou sord kalite, Seselwa nepli pran salte met dan sa bann *black litter bag*, zot ankor met dan sa bann touk, zot pe devide par gran kantite avek son delo sal e i vin en problemn.

So mon oule lans lapel anver Seselwa annan en pe respe pou *the public facility* servi li byen ki *at least* ou

kapab asir lizyenn ek lapropte otour sa bann *bin site*.

So sa en pe larepons anver ou kestyon. Mersi.

MR DEPUTY SPEAKER

Mersi *CEO*. E prezan mon krwar in ariv moman pou nou sanz panel aköz prezan nou pe al lo kestyon 162. Donk, nou ava dir Mr Emilie avek Ms Dora, mersi bokou pou zwenn nou ozordi bomaten. E nou ava demann *Hansard Reporter* pou apel bann lot dimoun ki pou zwenn nou. Mersi. Bonn kontinyasyon lazournen.

Nou ava dir bonzour e byenveni bann zofisye ki'n fek zwenn nou pou reponn kestyon 162 ziska 165 e sa i konpri Mr Tony Imaduwa ki Sekreter Prensipal pou Sanzman Klima, Mr Joel Valmont ki Sef Egzekitiv Korperasyon Itilite Piblik (*PUC*) e Mr Ravin Sunasee ki *Chief Operations Officer* kot *PUC*. *Welcome* dan Lasanble Nasyonal e kestyon 162 i dan non Manm Elekte pou distrik Baie Ste Anne Onorab Gill.

HON CHURCHILL GILL

Mersi Mr Speaker. Bonzour Minis ek ou *panel*. Bonzour tou dimoun ki pe ekout nou. Kestyon i lir koumsa : Eski Minis i kapab enform sa Lasanble,

1. Kwa ki pe koz kouran koupe dan plizyer

landrwa lo Praslin dan bann lenterval ase regilye?

2. Ki mezir ki pe ganny pran pou adres sa problem e ki rekour bann dimoun i annan kan zot keksoz dan lakaz in andomaze aköz sa kantite kouran koupe ki pe repete? Mersi.

MR DEPUTY SPEAKER

Mersi Onorab. Mon ava envit panel pou larepons.

MINISTER FLAVIEN JOUBERT

Mersi Mr Speaker. Mersi Onorab pou sa kestyon. Mr Speaker, rikord *PUC* pou 2024 i montre ki in annan 13 ka ant Zanvye ziska le 7 Zen sa lannen. Anplis in annan 5 ka lo La Digue.

Dan sa 13 ka, in annan lo Praslin 2 ki relye avek deteryorasyon lenfrastriktir an partikilye deteryorasyon kab souteren ki donn elekrisite dan rezon Cote D'Or e 10 i relye avek fot lo rezo.

Enteripsyon par move tan oubyen kek lensidan e enn –(mon a rebran sa Mr Speaker) – dan sa 13 ka ki in annan lo Praslin, 2 i relye avek deteryorasyon lenfrastriktir an partikilye deteryorasyon kad souteren ki donn elekrisite dan rezyon Cote

D'Or; 10 i relye avek fot lo rezo.

Enteripsyon par move tan oubyen kek lensidan e enn i relye avek mankman kapasite dan zenerasyon lo Praslin.

Mr Speaker, sa 2 ka ki pli prominan i sa 2 ki'n relye avek deteryorasyon lo kab elekrisite Cote D'Or *feeder*. Toulede lensidan in koz problem enorm pou bann konsonmater dan sa rezyon e osi lo Praslin an antye.

Premye lensidan ti ariv le 25 Mars e sa ti koz en *blackout* lo Praslin an antye. Dan bann zefor pou etabli servis elekrisite lo Praslin ek La Digue, enteripsyon ek servis ti a plizyer repriz e lamazorite rezyon an alan Cote D'Or ti reste san elekrisite ziska lo granmaten le 26 Mars.

2enm lensidan, ti ariv le 7 Me, e ankor sa ti relye avek deteryorasyon lo sa kab *underground* ki servi rezyon Cote D'Or. Mr Speaker, tou le 2 ka, *PUC* ti bezwen deplway en tim sorti Mahe, lo bato *Coast Guard* pou asiste lekip ki baze Praslin.

Dan sa bann letan travay reparasyon ti ganny fer - bann lotel ki annan sistenm *standby generator* ti kolabor ek *PUC* pou fer marse zot zenerater e redwir demann lo rezo *PUC*.

Mon profit sa lokazyon pou remersi *Management* dan sa bann lotel ki ti partisip dan sa kolaborasyon e tou dimoun ki'n egzers en nivo pasyans avek *PUC*.

Depi sa premye lensidan, *PUC* in komans in komans en legzersis enstal bann nouvo kab *underground* lo Praslin pou ranplas sa 3 kab prensipal ki deservi distrik Baie Ste Anne ek Grand Anse Praslin.

PUC in anvizaze konplet sa legzersis ver mwan Zilyet sa lannen sa avek lobzektif pou redwir bann lenteripsyon mazer relye avek deteryorasyon lenfrastruktir e soi redwir lakantite konsonmater ki ganny enpakte letan e fot i devlope lo okenn *feeder*.

Mr Speaker, mon profite pou osi eksplik Lasanble e piblik, ki *PUC* i fer fas avek bokou defi lo Praslin kot i konsern zenerasyon elektrisite. Lamazorite bann zenerater dan lizin Baie Ste Anne in depans zot lavi ekonomik e fodre ganny ranplase par faz.

Plizyer fwa sa lannen, *PUC* in bezwen war li nesaser pou servi son 2 zenerater *standby* lo la Digue, pou kapab zwenn demann elektrisite parey dan lenstans *peak load*. Sa 2 zenerater ti ganny servi dan bann moman

kot enn bann pli gran zenerater *PUC* ti ganny *maintained*.

Fodre fer resorti ki *PUC* i an demars pou ranplas enn son *containerized set* 1500 kilowat ki ti andomaze an Mars 2024. Sa menm zenerater ti'n *operate* pou environ 74,300 erdtan apre ki i ti'n ganny enstale lo Praslin dan lannen 2000. *PUC* i anvizaze ki sa nouvo zenerater pou ariv Praslin pandan mwan Zilyet.

Dan konteks ranplas zenerater pli vye, *PUC* in fer resorti ki dan sa menm mwan Zen, ki nou ladan, in siny en kontra pou permet ranplas sa 4 zenerater Merliz 450 kilowat avek 4 nouvo zenerater 2 megawat kapasite sakenn.

Sa proze pou permet *PUC* stabiliz sistenm prodiksyon elektrisite lo Praslin ek La Digue pou sa prosen 4 -5 an ki devan nou, avan ki en nouvo *empower* sistenm pou bezwen ganny enplimante.

Sa kontra i lo en sonm 14.6 milyon Ero e proze i anvizaze ganny konmisyonnen dan milye 2026. Dan lenterim, *PUC* pe fer demars a pou aste en lot *containerized set* 1500 kilowat pou ekilibre sistenm. Mersi Mr Speaker.

MR DEPUTY SPEAKER

Mersi Minister. Lemoman in ariv pou pran siplemanter.

HON CHURCHILL GILL

I annan en bout ki pa'n reponn sa kestyon.

MR DEPUTY SPEAKER

2enm bout. Wi, akoz normalman *the original question* nou ekspekte *the Minister* reponn *and then the panel* i pran *supplementaries* si i nesese. *Minister?*

MINISTER FLAVIEN JOUBERT

Mersi Mr Speaker. Sa size ranplas lekipman ki ganny andomaze i en size ki *PUC* in deza koz lo la dan le pase. I pa toultan fasil pou etabli dan tou ka kwa ki'n koz lenkonvenyans - kwa ki'n koz sa domaz lekipman bann dimoun dan zot lakour.

Me *PUC* dan lepase ti'n fer bann demars letan lensidan in ganny atribye defo par *PUC* ouswa par son bann travayer. Me mon a les *CEO* elabor en pe plis lo bann demars ki ganny fer dan lefitir e dan fason ki ganny entegre dan kontra servis ki *PUC* in merit annan avek son bann kliyan. Mersi Mr Speaker.

MR DEPUTY SPEAKER

Mersi. Donk, nou ava donn laparol loter kestyon apre *CEO* i ava kapab elabor *somehow* anliny avek 2enm parti kestyon. Onorab?

HON CHURCHILL GILL

Ya, mersi Mr Speaker. Mersi Minis, pou leksplikasyon byen detaye. Mon premye kestyon, se kapasite ki *PUC* i annan ozordi pou li fer. In fer nou konpran ki serten demars pe ganny fer pou ranplase.

Me selman ziske ler sa i arive, eski kapasite *PUC* ozordi sa bann *demands* ki annan pou Praslin/La Digue ek sa kapasite ki annan la, i kapab *cope* pou asire ki tou bann letablisman, tou piblik an zeneral lo Praslin/La Digue zot kapab ganny kouran parey zot devret gannyen?

Mon 2enm kestyon se, lo kot i konsern benefis pou bann dimoun ki zot bann keksoz i andomaze ; ou'n fer resorti ki dan 2 ka i deteryorasyon dan kab e sa i kler ki i pirman responsabilite *PUC*.

Akoz mon mazine ki i annan en *maintenance schedule as far* ki bann kab i konsernen i en konponan tre enportan. Alors dan sa 2 ka ki *PUC* i anvizaze fer?

E mon 3enm kestyon, se donner ki si bann kouran koupe i pa regilye i bann sirkonstans parey nou konnen ki akseptab, i kler ki bann dimoun i pa nesese pou ganny asiste, me selman vi ki *PUC* ou sa *sole service provider*, dir nou si *PUC* i

ekspekte prezan avek sa ki'n arive, delivre en standar servis avek son bann zenerater, son bann kab pou tou piblik Seselwa, dan en fason ki sa lenterval koupe i a kapab redwir.

E sa i ava asire ki servis i ava en serten nivo e i ava evite annan okenn *claim* dan le fitir. Mersi.

MR DEPUTY SPEAKER

Mersi Onorab. I annan 3 pwen la, so mon ava envit *panel* pou donn en larepons?

MINISTER FLAVIEN JOUBERT

Mersi Mr Speaker. Mersi Onorab. Mr Speaker, mon pou permet *CEO* avek ou permisyon, pou pas lo sa 3 pwen. Me selman mon ti a voudre met lanfaz lo sa size kapasite pou donn en bon servis lo Praslin.

Onorab, mon krwar i enportan ki nou tou nou fer fas avek lefet ki i pou pran lenvestisman pou nou kapab arive lo sa nivo. I pou pran lenvestisman parey mon'n dir 14 milyon e plis dan zenerasyon, me i pou osi pran lenvestisman dan *network*. E sa bann lenvestisman i sorti dan reveni ki *PUC* i anmase.

Alor i enportan pou konsonmater konpran ki letan nou pe koz pli bon servis, *PUC* osi i bezwen aranz li

finansyelman i bezwen kapab kolekte sifizaman reveni pou ganny ase lenvestisman pou garanti servis.

Me mon a pas laparol Mr Speaker, avek *CEO* pou li adres sa 3 pwen ki'n ganny leve par Onorab. Mersi.

MR DEPUTY SPEAKER

Mersi. *CEO*?

CEO JOEL VALMONT

Mersi Mr Speaker. Bonzour tou Manm Onorab. Mr Speaker, bonzour. Bonzour tou Manm piblik ki pe swiv nou ozordi. Mr Speaker, pou mwan koz lo kapasite mon bezwen koz lo demann an partikilye aköz zot relye ansanm.

Kot i konsern Praslin e La Digue zot konnekte ansanm - zot sistenm i deservi sa 2 zil nou war en *peak demand* ki normalman i dan letan so - nou a pe koz dan kekfwa Out koumsa ennler i aparet dan Avril. En demann ki ariv anviron 10 megawat.

Ozordi dan nou sistenm zenerasyon kot Praslin nou annan an mwayenn anviron 13 megawat e nou annan 2 zenerater lo La Digue ki nou servi koman *backup* total anviron 2 megawat. Savedir an total i fer nou 15.5 megawat pou kapab fasilite en demann ki ariv lo en nivo 10 megawat.

Me i pa zis demann ki nou *challenge* sa. Nou *challenge* i osi letan nou bezwen fer lentervansyon lo bann zenerater. I enportan pou dir ki *PUC* i annan en sistenm *maintenance* – i annan en plan tou le lannen kot i swiv de tre pre, pou fer zenerasyon marse.

E nou pa fer okenn *delay* avek sa kalite aktivite, pou fer sir ki tou nou bann main i lo en nivo akseptab kot i konsern risk relayabilite dan *power system*.

Ki i fer sa kalite *challenge* se ki, si i annan en masin ki nou fer lentervansyon lo la normalman nou pli gro masin i anviron 2.5 megawat e i fer ki dan en sirkonstans kot en lot i devlop en problem la nou war nou dan sa sirkonstans kot nou mank kapasite.

Se pour sa rezon ki apre en bon pe refleksyon – en bon pe travay ki nou war nou dan sa direksyon kot nou'n finalman kapab siny en kontra ou ranplas sa bann Merliz ki ti ganny enstale depi 1981.

Mr Speaker, sa kot i konsern kapasite dan sistenm zenerasyon Praslin. Savedir an gro si ou pou permet mwan met li, nou *still* ankor annan en risk kot i konsern kapasite; nou *still* ankor annan en risk kot nou kapab annan lenteripsyon kouran, ler nou annan en problem avek

carrying kapasite ziska ler nou'n kapab reetabli en serten nivo ase konfortab ki nou pou war sa an 2026 sistenm pou kontinyelman eksperyans serten enteripsyon.

Lo nou kote nou pou fer nou mye pou kapab redwir sa ki adres avek sa mankman kapasite. Minis in kouver kot nou annan sa lentansyon pou anmenn en lot *containeriser* pou ede redwir sa *deficit* i a fer ki i a donn serten stabilite ziska ler nou ganny sa bann nouvo zenerater. Sa komitman ki nou pe fer ozordi.

Kot i konsern deteryorasyon oubyen domaz avek bann lekipman konsonmater Mr Speaker. Premyerman i regretab i sa i arive aköz nou tou nou konnen *fridge* i ase valer pou lakaz; televizyon i annan serten dimoun ki atas serten lenportans avek, e apre *washing machine*.

I bann lekipman ki nou kapab dir i esansyel dan lavi nou tou toulezour. Nou fer nou mye lo nou kote pou enplimant en sistenm *maintenance* – en sistenm kot nou enterakte kouran pou kapab *maintain* sistenm, pou nou pa ariv dan bann sirkonstans kot lekipman dimoun i ganny andomaze.

Sa dernyen 2 fwa kot nou'n rankontre sa difikilte, sa lenteripsyon Mr Speaker,

msye *MNA* Churchill in fer resorti ki sa deteryorasyon i bezwen *link* direkteman avek fot *PUC*.

I vreman difisil pou kapab antisyip en tel fot parey in arive dan sa sistenm *PUC* e i en fot ki'n devlop avek en kab soumaren. Napa en kab soumaren anba later. Normalman lavi en kab *once* nou'n enstal li nou'n vwar leksperyans i montre ki ozordi kab La Digue ki ti enstale depi 1985, i ankor an operasyon.

Nou vwar poudir si napa okenn regresyon kot i pe ganny delo oubyen i pe ganny enpakte par kek aktivite mekanik ki li menm pe bouze i napa sa risk kot ou bezwen al fer lentervansyon avek.

So sa kab in devlop en fot dan sa kab li menm. I difisil pou *PUC* kapab relye serten responsabilite avek sa e aksepte. E menm i difisil pou lasirans kapab kouver *PUC* dan sa bann sikonstans kot sa in arive.

So nou toudmenm Mr Speaker, nou sey konsidere ki mannyer nou apros sa bann sikonstans kot si i annan en masiv lenpak lo konsonmater. Me dan sa 2 sikonstans, nou pa'n ganny en tel rapor ki sorti kot konsonmater oubyen konplet ki dir, nou bann lekipman in ganny enpakte e eski *PUC* i kapab konsidere?

Nou vwar sa atraver kestyon *MNA* premyerman. In annan 2 ka ki'n ariv kot nou direkteman dan sa devlopman sa 2 lensidan e sa 2 ka nou pe gete ki mannyer nou pou kapab ed sa 2 konsonmater lo en sistenm 50/50 oubyen mannyer *PUC* i kapab asiste.

E Mr Speaker, pou fer li kler, nou, nou pa'n ganny en *outcry* oubyen serten rapor ki'n vin kot nou ki'n dir en 50tenn lakaz lekipman in ganny afekte pou rikord.

Sa i permet mwan prezan pou bouz lo pwen delivre sa standar servis ; mon krwar mon kouver sa,. Me selman mon ava - Minis in kouver en pe, me selman mon ava anmenn li kot i konsern *network* prezan. Mon'n kouver kot i konsern kapasite nou a tous en pe kot i konsern *network*.

Kot i konsern *network* ; kot i konsern *network*, nou'n vwar li prezan neser pou nou enplimant serten sanzman. E sa bann sanzman in permet nou ozordi akoz pa tro lontan lannen pase, nou'n termin serten *civil work* lo Praslin, ki prezan permet nou enstal kab pou kapab rekonfigire ki mannyer sistenm pe resevwar transmision kouran.

Dan Cote D'Or, nou'n met 2 nouvo kab. Nou'n fini

commission zot sa 2 semenn pase ki fer prezan i annan 2 – mon kapab dir 2 *feeder* ki pe donn zabitan Cote D’Or elekrisite.

E sa i pou permet nou kapab *manage maintenance*, enpakte mwens dimoun, mwens kliyan e pou permet nou letan i annan kek fot lo sistenm, kot mwens kliyan i ganny enteripte.

E osi i ed nou pou elimin sa kab ki’n pas dan sa *stressful* kondisyon sa 2 fwa, pou nou redwir retir li dan sistenm, kot nou a garanti poudir pou napa kek deteryorasyon ki annan pou fer avek sa kab.

Menm lapros nou pe fer avek Grand Anse kote Vallée Mai e osi pou swivi par Baie Ste Anne. So sa ou ede lev ankor sa nivo standar ki nou donnen.

Me mon krwar lo kote kapasite ki pli enportan ankor, sa nou’n touse lo komansman. Mersi Mr Speaker

MR DEPUTY SPEAKER

Mersi *CEO*. Loter kekyon oule klarifye en keksoz?

HON CHURCHILL GILL

Mersi Mr Speaker. Mersi *CEO* pour ou leksplikasyon. Mon oule zis osi pou rikord fer kler ki dan kekyon i pa’n donn

lenpresyon ki i annan en *outcry*.

Me selman ti anvi ganny ki bann dimoun ki pas dan sa bann sityasyon ler i arive, ki fason zot bann ka i ganny *deal* avek. So se sa lespri kekyon.

Me selman lesplikasyon i kler, pou bann dimoun osi ki pe ekoute, zot in kapab vwar prezan ler i ariv sityasyon ki fodre zot fer.

Zis selman mon dernyen kekyon lo la se, dan sa bann ogmant kapasite dan sa bann lenvestisman ki Minis in mansyonnen, eski sa i an relasyon avek *speed* ki bann laprouvasyon devlopman ki ganny fer?

Meaning nouvo *guest house*, bann normal lakaz ki dimoun pe fer apre bann lezot biznes, eski sa kapasite ki zot pe antisipe rode, i pe osi pran kont poudir ziska ler sa i arive, en bon pe devlopman osi pou’n arive? Mersi.

MR DEPUTY SPEAKER

Mersi Onorab. Bon, nou ava envit *panel* pou en larepons.

MINISTER FLAVIEN JOUBERT

Mersi Mr Speaker. Mersi Onorab pou sa dernyen kekyon. *CEO* i ava donn en pe detay ou a donn en pe detay lo zot *forecast* demann pou Praslin. Mersi.

CEO JOEL VALMONT

Mersi Minister. Mersi *MNA* ankor pou ed nou donn piblik sa lenformasyon. Dan sa *schema* ki nou'n pran dan sa direksyon kot pou ranplas 4 zenerater, nou'n pran osi konsiderasyon levolisyon demann ki devan nou.

Se pour sa ki nou'n dir avek sa 4 zenerater, i pou sifizan ed nou pou aport serten stabilite dan sistenm pou sa prosen 4-5 an. 4-5 an aköz i i annan lezot zenerater dan lizin ki komann ranplasman dan sa peryod 4-5 an devan nou.

Alors nou'n ogmante kapasite. Nou pe sanz 4 fwa 400 par 4 fwa 2000 si oule - kot i an konteks e sa pou ede *bridge* sa demann ki pe ogmante ki nou vwar sa 10 pou vin 12 lo kote demann, dan sa tranzisyon sa prosen 5 an. Mersi Mr Speaker.

MR DEPUTY SPEAKER

Mersi *panel*. Prosen Manm Onorab Doyace Porice?

HON DOYACE PORICE

Mersi Mr Speaker. Bonzour Mr Speaker, tou mon bann koleg *MNAs*, Minis avek delegasyon.

Mr Speaker, avan mon al lo mon kestyon petet mon pou remersi sa bann travayer, (aköz mon ti lo Praslin sa zour) pou sa kantite travay ki zot in travay tou lannwit, pou kapab

fer zabitan ganny elektrisite sa zour swar.

E mwan mon ti osi enn sa dimoun ki ti pe kontakte avek Mr Dennis pou kapab fer sa travay en pe pli vit aköz dimoun ti pe konplent.

Minis, i sipoze annan en kab ki pou sorti La Digue pou vin Praslin, ti pou ganny mete. Kan eski sa pou ganny mete e kan i pou fini? Mersi.

MR DEPUTY SPEAKER

Mersi Onorab. *Panel*?

MINISTER FLAVIEN JOUBERT

Mersi Onorab. Mersi Mr Speaker. Mr Speaker, mon a pas laparol avek *CEO* pou donn detay lo sa lenstalasyon kab. Mersi

MR DEPUTY SPEAKER

CEO, proceed.

CEO JOEL VALMONT

Mersi Mr Speaker. *MNA*, nou anvizaze fer sa lenstalasyon Oktob a Novanm dan sa peryod kalm ki pe vini devan nou. Si Oktob pa permet kekfwa novanm a Desanm. Me selman pou kapab fini alimant sa kab apre lenstalasyon, nou pe anvizaze i pou koman ankor apepre 3 mwan pou bann plonzer kapab fini *anchor* li byen lo fondasyon lanmer avan ki nou kapab alimant li.

So nou pe koz kekfwa avan *juin* 2025 nou a kapab pe alimante sa kab – lenstalasyon li menm i pou sa lannen. Mersi.

MR DEPUTY SPEAKER

Mersi *panel*. Lo sa kestyon ki tre teknik e bann larepons in en pe long, i annan ankor 4 Manm ki'n eksprim lentere pou demann kestyon; sa i 3 Manm *LDS* avek en Manm *US*.

Be selman pou zesyon letan, i enposib pou mwan prolonz sa enn larepons lo sa enn kestyon. Nou pou bezwen bouze aköz sinon nou pou bite avek letan. E mon krwar zot ava konpran mwan pou sa.

So nou pou bouz lo kestyon 163 ki dan nou Onorab William. *Proceed*.

HON WAVEN WILLIAM

Mersi Mr Speaker. Eski Minis i kapab dir Lasanble, si son Minister pe konsider met koman en kondisyon serten poursantaz lenstalasyon lekiman lenerzi renouvlab, lo bann batiman pou redwir zot dependans total lo *grid PUC* pou lenerzi? Mersi.

MR DEPUTY SPEAKER

Mersi Onorab. Mon ava envit *panel* pou larepons?

MINISTER **FLAVIEN**
JOUBERT

Mersi Mr Speaker. Mersi Onorab pou ou kestyon. Mr Speaker, wi, i annan mezir ki pe devlope ki pe target lafason ki lenerzi pe ganny konsonmen dan batiman,

Anba nouvo Lalwa *Physical Act Planning*, i annan regilasyon ki pou ofer provizyon pou ki bann batiman i devlop serten mezir, ki ou fer zot konsonm lenerzi dan fason pli efikas e sa ki nou apel *energy efficiency*.

An sa ki konsern lenstalasyon en *solar water heater*, i vin mandatwar pou bann batiman *class A* avek *B* ki ganny refer koman bann batiman rezidansyel e *osi class E Health Care Institutions*, pou zot enstal sistenm sofaz an servan lenerzi soler.

Mwan osi oule fer resorti ki Gouvernman i annan plan etabli en Lalwa *Energy Efficiency* oubyen en Lalwa lo efikasite enerzetik. Sa Lalwa i enn parmi sa bann Lalwa ki nou pe fer pou reform Sekter Lenerzi.

Parey Lasanble i okouran, tou resaman nou ti'n etabli Lalwa Elektrisite e osi Lalwa *Utilities Regulatory Commissions Act*.

Dan sa Lalwa *Energy Efficiency* ki pou swiv i pou annan provizyon pou ki bann batiman ki konsonm lenerzi par lao en serten kantite, i

adopte pratik ki enkli lenstalasyon lenerzi renouvlab e osi bann teknolozi ki *energy efficient*.

Fodre note ki i annan en propozisyon konteni dan sa Lalwa ki'n fini –(pardon mon pe rebran sa) fodre note ki i annan en propozisyon Lalwa ki'n fini ganny devlope lot letap se pou komans travay lo *drafting* e nou ekspekte ki lafen sa lannen, nou ava dan en pozisyon pou prezant en propozisyon avek Lasanble pou nou vin diskit sa Lalwa lo *Energy Efficiency* e met li an aplikasyon dan lannen ki pe vin. Mersi Mr Speaker.

MR DEPUTY SPEAKER

Mersi Minis pou larepons. Mon ava envit loter kestyon pour son siplemanter?

HON WAVEN WILLIAM

Mersi Mr Speaker. Mon anvi demann avek Minis, si pou bann rezidans, eski sa *scheme* ki pou ed bann dimoun met sa pano soler i ankor egziste?

E si i kapab donn en pti pe detay lo en *loan* anver bann dimoun ki anvi al ver sa *scheme* ki bann prosedir ki egziste pou akse sa *scheme*? Mersi.

MR DEPUTY SPEAKER

Mersi Onorab. *Panel?*

MINISTER FLAVIEN JOUBERT

Mersi Mr Speaker. Mersi Onorab pou sa kestyon siplemanter. Mr Speaker, i annan 2 *scheme* ki egziste. Mon ava pas laparol avek ou permisyon *PS* Imaduwa pou li donn detay lo sa 2 *scheme*. Mersi.

CEO TONY IMADUWA

Mersi. Mr Imaduwa. Mersi Speaker. Mersi Minis. Mersi Onorab pou ou kestyon. Lo kote *scheme* parey Minis i dir Annan 2 *scheme*. I annan sa enn ki nou apel *SEEREP – Social Energy Efficiency and Renewable Energy Program* e sa i en *low interest loan scheme* ki ankor *still* egziste, kot konsonmater i kapab ganny akse avek en *low interest loan*, pou zot aste lekipman lenerzi renouvlab oubyen lekipman ki servi mwens lenerzi.

E *total amount* ki i donnen i R150 mil. Lot *scheme* i en *PV Rebate Scheme* ki nou ti lans en premye faz ansanm avek en proze *GEF*. Sa premye faz in fini akoz tou *fund* anba sa *scheme* in fini ganny *exhausted*.

Nou'n ganny diskisyon avek Minister Finans depi lannen pase e larzan in ganny mete dan Bidze e nou pe plan pou lans son 2em faz sa *Rebate Scheme*.

So nou pou annan sa 2 scheme ki pou *available*, pou dimoun akse pou zot kapab enstal bann sistenm soler e osi bann lekipman ki servi mwens lenerzi. Mersi.

MR DEPUTY SPEAKER

Mersi Mr Imaduwa. Prosen entervenans lo sa kekyon se Onorab Loizeau?

HON NORBERT LOIZEAU

Mersi Mr Speaker. Mr Speaker, vi ki kekyon pa dir ki zil ki Onorab William pe demande, vi ki nou fek sorti lo en kekyon Praslin, eski sa osi pou aplik pou bann biznes lo Praslin ek bann lakour lo Praslin, pou ankouraz zot annan sa bann lekipman lenerzi renouvlab, pou ed *PUC* en pe sorti dan sa sityasyon ki zot ladan lo Praslin.

E dezyenman, vi ki ler nou pe koz lo lenerzi renouvlab lo Mahe, nou vwar pou annan *solar farm* flotan la ki pou fer pou ed *PUC* annan plis elektrisite lo son *grill*.

Nou annan De Romainville ki pe prodwir en pe, eski sa osi zot pe mazin li anmenn Praslin li osi i kapab annan bann *solar farm*, ki kapab ed *PUC* dan sa demars pou anmenn plis elektrisite pour bann biznes e osi zabitan Praslin? Mersi.

MR DEPUTY SPEAKER

Mersi Onorab. Ou'n zwe malen. Mon napa swa. *Panel?*

MINISTER FLAVIEN

JOUBERT

Mersi Mr Speaker. Mersi Onorab pou sa 2 pwen. Kot i konsern si sa *scheme* i aplik pou zis Mahe, non. Sa *scheme* i sipoze aplik pou pei ann antye. Me selman mon pa konnen si nou pou annan letan pou al dan leksplikasyon, me selman nou konnen poudir i annan 2 *network*. I annan en *network* ki Mahe avek en *network* ki Praslin.

E sak *network* i annan son kapasite pou li abzorb kantite renouvlab e alor laplikasyon dan sak sa bann *network* i pou depan lo bann size teknik otour kapasite sa *network*, me selman *scheme* i aplikab pou tou landrwa dan pei.

Lot keksoz se *solar farm*. Mr Speaker, i annan bann travay ki nou pe fer *internally* ansanm avek *PUC* ek Gouvernman an antye, aköz Gouvernman osi nou pe demande ki i annan plis zefor ki ganny mete pou nou fer bann sistenm zenerasyon an servan renouvlab.

E byento nou a dan en pozisyon pou donn plis lenformasyon lo bann nouvo lapros – bann nouvo proze ki pe vini. Me selman mon oule

asir Onorab ki Praslin ek La Digue i dan program e i annan plan ki'n ganny planifye dan sa 2 landrwa ensi ki lo Mahe. Mersi.

MR DEPUTY SPEAKER

Mersi Minister. Mon ava envit Onorab Pillay pou son kestyon.

HON SEBASTIEN PILLAY

Mersi Mr Speaker. Mr Speaker, pou ou kapab rezourd sa problem, fodre i annan seren sanzman Polisi pou bann *independent power producers*, oubyen bann dimoun ki oule prodwi *power* kot zot.

Ou *currently* annan en *capping* lo lakantite *power* ki en dimoun i kapab prodwi e *absorption capacity* pou ou grid ki ou annan.

So ki egzakteman pou pe dir ek Lasanble Nasyonal pe sanze la? Eski ou pe dir nou ou pou sanz *capping*? Ou pe al *allow* zot pou prodwi plis? Eski ou pe dir nou ou pe sanz *grid* pou li *accommodate* plis?

Kwa egzakteman ki ou pe dir nou nou pou fer li rantab pou ki en dimoun investir dan lekipman *storage* ki kout ser pou li prodwi, zener *power* e elektrisite, me kan i pa pou vwar en benefis tanzib dan en *short term*?

E sirtou si biznes i bezwen en benefis tanzib la i pa kapab espere? So kwa ki ou pe dir nou egzakteman? Mersi Mr Speaker.

MR DEPUTY SPEAKER

Mersi Onorab. *Panel*?

MINISTER FLAVIEN

JOUBERT

Mersi Mr Speaker. Mersi Onorab pou sa kestyon. Mr Speaker, mon a donn laparol avek *CEO PUC* pou li eksplik en pe plis serten detay, me selman zis pou klarifye, se ki ozordi i annan serten scheme ki *PS* in eksplike ki *PV Rebate* i ti komanse apre in arete.

Savedir i pe rekonmanse pou ki sa fasilite pe revin *available*, pou dimoun kapab kontinyen ganny en *rebate* lo letan zot enstal lekipman ki fer li vin pli rantab pou zot met lekipman.

Me selman lo kote kapasite pou abzorb nouvo zenerasyon, *PUC* pe gradyelman amelyor son *network* li – i pe amelyor son sistenm. Savedir ki anmezir keksoz pe amelyore i pou annan posibilite pou nou annan pli zenerasyon e plis kapasite pou ganny aksepte lo *network*.

E lot keksoz se ki dan *long term PUC* i annan lenvestisman ki pou fer, pou li vreman fer en travay

konpreansiv, pou amelyor
ouswa *strengthen* son
network.

E sa i dan enn bann
proze ki *PUC* i ava eksplike e
once ki in fer sa *strengthening*
of network i merit kapab
ogmant kantite *renewable* ki i
pou kapab met lo sa *network*.

Alor i en keksoz ki nou
bezwen ganny fer pa par pa
anmezir ki keksoz i evolye
avek *network PUC*, me ozordi i
annan posibilite pou nou
kapab fer monte ankor sa
bann posibilite pou bann
kliyan.

Par egzanp letan nou pe
konnekte La Digue ek Praslin,
letan *network* pe ganny
improve lo Praslin, letan bann
proze par egzanp sid Mahe in
ganny konplete eksetera, sa i
pou permet bann nouvo
posibilite lo *network* e an
mezir keksoz i ale nou devlop
sa bann proze akote.

Me dan *long term*, nou
bezwen annan en pli bon
network pou nou kapab
aksepte plis lo *network for PUC*
kapab servi. Mersi. Mon a pas
laparol avek petet *CEO PUC*
pou li kapab azoute enn de
pwen ki sa size. Mersi.

MR DEPUTY SPEAKER

Mersi *Minister. CEO?*

CEO JOEL VALMONT

Mr Speaker, mon pa konnen
konbyen letan mon annan, me

selman mon ava sey adres
kestyon *Leader* Lopoziyon.
Ozordi nou restrikte avek ki
mannyer nou *deploy* sa bann
solar PV lo lakaz rezidansyel.

Nou sey *accommodate* an
mwayenn 3-5 kilowat *peak PV*
pou le senp rezon se
absorpsyon kapasite lo bas
tansyon, ki nou kapab al dan
en leksplikasyon teknik, me i
pou pran letan Lasanble.

2enm lo kote - mon pou
tous vitman lo kote benefis
apre mon a koz lo ki nou plan
pou adres sa sityasyon. Lo
konte benefis ozordi, nou
kapab dir sa ki mannyer sa
lesanz tarif pe ganny aporte
benefis i plis pou konsonmater
ki pou *PUC*, *whether* ou annan
en 3 kilowat oubyen en 5
kilowat.

Mo n dir sa akoz i annan
en lesanz direk anver
konsepsyon e pa en lesanz
Roupi me en lesanz
konsonpshon. E sa i fer ki
bann konsonpsyon ki pli ser
pe ganny *offset* pou bann
konsonmater e la kot *PUC* pe
santi annan en serten
dezavantaz finansman.

E lavantaz i tou dan
lavantaz konsonmater. Prezan
mon pou la lo sa bout ki Minis
in diskrit lo la lo, ki nou pe fer
ki nou anvizaze kot i konsern
relev en pe nou limitasyon dan
network.

Nou angaze la avek
Minister Finans avek anba sa

Green Climate Fund avek diskisyon ek *World Bank* pou nou nou'n etabli detrwa proze ki konsern *enable* bann penetrasyon *PV*.

E nou pe get ver finansman ki ase *concessionary* pou ki *PUC* i pou kapab evantyelman evolue en pe pli vit avek *backup* sa finansman, pou fer ranplasman lo *network*, ki pou permet nou elve en pe sa limitasyon ki ozordi nou poze.

I pa vedir ki nou kapab elev li partou, an alan dan sa traze aköz i *still* annan en limitasyon lo sistenm kot i konsern met *PV* dan kominote ki fer ki dan lazournen nou tou nou al travay, nou a pas sa demann nou dan kominote sa prodiksyon *PV* i bezwen tay deryer sa demann kot nou pe travay e la kot sa limitasyon teknik i vini. I koz serten voltaz ki monte e pou annan potansyel pou bril lekipman dimoun, si nou pa pe fer keksoz byen.

So sa nou limitasyon an gro Mr Speaker e direksyon ki nou pe ale se ganny se ganny sa finansman, adres sa bann limitasyon dan *network* e reviz sa *cap* ki nou mete kot nou tret sak laplikasyon endividuelman. Mersi Mr Speaker.

MR DEPUTY SPEAKER

Mersi *panel*. Mon ava pas laparol avek Onorab Cosgrow.

HON WALLACE COSGROW

Mersi Mr Speaker. Mr Speaker, vitman. Ler mon get kestyon, kestyon i dir met koman en kondisyon serten poursantaz lenstalasyon lekipman lenerzi renouvlab, prezan mwan mon kestyon i vin ver Minister plizoumwenn koman en Polisi ouswa en stratezi, eski zot in mazin par egzanp serten group?

E la mon pe mazin Prezidan ti dir pou met *PV* lo *building STC* pou fer desann kou lavi;

Mon pe mazin bann groser - ki pa ankor arive dayer - mon pe mazin bann groser batiman par egzanp osi *Cold Storage* kot i ris bokou lenerzi, petet la i ava annan en lenpak lo sa ki Onorab pe demande atraver son kestyon.

So, eski zot annan en stratezi, en Polisi pou idantifye bann batiman - bann groser batiman - bann kalite pou fer sa kalite lenstalasyon? Mersi.

MR DEPUTY SPEAKER

Mersi Onorab. *Panel?*

MINISTER FLAVIEN JOUBERT

Mersi Mr Speaker. Mersi Onorab. Mon krwar ki en pwen ki nou'n deza pe *deal* avek. Me mon ava avek *PS*

pou elabor en pe plis lo la la.
Mersi Mr Speaker.

MR DEPUTY SPEAKER

Mersi. *PS?*

PS TONY IMADUWA

Mersi Mr Speaker. Mersi Minis; mersi Onorab pou kestyon. E pou larepons i plizoumwèn ki Minis in dir *regarding* ganny en Lalwa, ki pou fer provizyon ki bann konsonmater – ler ou dir konsonmater i kapab bann batiman tou ki konsonm en serten nivo elektrisite zot ganny enstrikte ki zot bezwen annan en poursantaz zot konsonmasyon, i baze lo sistenm *either* lenerzi renouvlab *or* zot redwir zot konsonmasyon an servan bann teknolozi pli efikas.

So sa ki nou apel en *minimum energy performance* standar pou bann batiman. E sa i en keksoz ki nou pe met an plas - se nou pe target li pou bann gro konsonmater parey ou'n dir – bann gro, gro batiman - bann lendistri *or* bann *areas* ki soz.

Nou pa oule fer li mandatwar pou kekfwà lakaz, akòz i vin en kou finansyel, so nou pa pou fer en proze. Me solman dan Lalwa i pou vin koman en gidans pou bann rezidansyel *or* pou bann pti biznes *or* soz.

Me selman bann ki gro, ki konsonm en serten poursantaz, se par egzantp nou kapab dir 200 mil *unit* elektrisite par mwan, i ganny forse ki zot bezwen ganny lavantaz zot lenstalasyon i baze lo en teknolozi pli ver, pli soutenab. Mersi.

MR DEPUTY SPEAKER

Mersi *PS*. Dernyen entervenàn dan sa en *head* se Onorab Bistoquet.

HON ANNE BISTOQUET

Mersi Mr Speaker. Minis, ou'n mansyonn bann kondisyon vizavi lenerzi, mon kestyon se a ki staz devlopman bann batiman ki bann devloper pou konn sa bann - mon pa konnen si sa bann kondisyon pou ganny enpoze lo zot letan zot pe batir zot *building* e si i annan okenn *incentive* ki zot pou gannyen e ki kalite *incentive?* Mersi.

MR DEPUTY SPEAKER

Mersi Onorab. *Panel?*

MINISTER FLAVIEN

JOUBERT

Mersi Mr Speaker. Mr Speaker, Onorab i kler poudir letan pli bon fason ou fors en dimoun, pou travay avek en dimoun pou li met sistenm lenerzi renouvlab avek sistenm ki efikas lo kote lenerzi, se letan i pe planifye

son proze, akoz parfwa i kout bokou plis pou retournen e reenstal sa bann sistenm, apre ki sistenm in deza fini ganny enstale.

Bokou batiman, *energy efficiency* i vin dan en *design*, i vin dan lafason ki zot konstri, lafason ki zot ekspoz bann lespas; par egzanp bann lespas ki sipoze *aircon*, materyo ki zot servi e diferan faktor dan materyo konstriksyon ek lekipman ki zot servi.

Alor lenportans se ki boner, letan sa dimoun i vini pou planifye son proze, i ganny donnen bann gidans pou li kapab met dan son proze deswit. E ozordi nou ti a kontan vwar sa bokou dan bann gro proze ki pe vini, me nou napa en Lalwa ki obligasyon fer li, me selman i ganny ankouraze atraver bann proses konsiltasyon ki annan. Be nou ti a voudre ki sa i vin obligasyon an plis.

E lo kote *incentive*, definitivman i bezwen annan bann *incentive* pou ankouraz dimoun pou zot adopte sa bann sistenm. I annan bann benefis ki vin avek.

Ozordi par egzanp letan ou pe vin avek en transpor ki *energy efficient*, ki servi elektrik par egzanp, ki i annan bann benefis e pou batiman osi nou bezwen konsidere letan nou met bann mezir an

plas, bann benefis osi pour ki dimoun i ganny pouse dan sa direksyon.

E zot ganny ankouraze pou zot adopte sa bann mezir e zot pa war li vin en kou an plis ki zot bezwen sibir pou zot al ladan, me plito en keksoz ki pou benefisye zot.

Me dan bokou ka Onorab, mon pou dir ki bann dimoun ki enplike dan bann proze, letan ou met bann sistenm *energy efficient*, i kler poudir zot benefisye finansyelman e mon krwar sa pli fondamantal. Nou bezwen koz ek zot lo benefis finansyel ki antre, letan zot met an plas sa bann sistenm.

E bokou landrwa ki zot enstal sa bann sistenm ozordi, pou dir ou ki zot pe war en rediksyon dan zot depans dan diferan fason e se sa kot nou devret demontre letan nou pe vin avek.

Pa zis en kestyon pou ou siport bann demars anvironmantal me ou pe osi ou menm benefisye avek sa bann nouvo teknolozi ki nou annan ozordi e ou kou lo kote lenerzi. Mersi.

MR DEPUTY SPEAKER

Mersi Minister. Donk, sa in anmenn nou lafen sa seri kestyon pou la. Nou pou pran en *break* la. Nou pou rebran 11 er e *panel* ki avek nou pou kontinyen. Akoz letan nou pou

retourneren zot pou la pou kestyon 164 avek 165 avan ki nou sanz *panel*.

Donk, nou ava *adjourn* la e nou a rebran travay 11 er bomaten.

(BREAK)

MR DEPUTY SPEAKER

Bonzour tou Manm Onorab. *Welcome back* e byensir pou la bomaten lo program travay Lasanble *Questions for Oral Answer* e nou annan en delegasyon sorti kot Minister Lagrikiltir, Sanzman Klima e Lanvironnman ki avek nou dirize par Minis Flavien Joubert.

Avan *break* nou ti'n ariv kestyon 163 e la prezan nou pou pas lo kestyon 164. E menm *panel* ki ti avek nou avan *break* setadir i annan Sekreter Prensipal pour Sanzman Klima Mr Tony Imaduwa, Sef Egzektiv *PUC* Mr Joel Valmont, Mr Ravin Sunasee e ki Sef Egzekitiv *Chief Operations Officer* kot *PUC* ki pa akonpanyy Minis Joubert.

Prosen kestyon ki dan non Onorab William Manm Elekte pou distrik Grand Anse Mahe.

HON WAVEN WILLIAM

Mersi Mr Speaker. Eski Minis i kapab enform Lasanble si son Minister pe konsider en

Lalwa zis, pou ankadre bann target *INDC*; setadir kontribisyon nasyonal dan rediksyon *green house gas* e soutenabilite ki Sesel i angaze pou delivre dan lannen 2030 a 2050? Mersi.

MR DEPUTY SPEAKER

Mersi Onorab. Mon ava envit *panel* pou larepons?

MINISTER FLAVIEN JOUBERT

Mersi Mr Speaker. Mersi Onorab pou ou kestyon. Mr Speaker, pou benefis lodyans si ou permet mwan mon ti a kontan donn plis lenformasyon pou *INDC*; ouswa sa ki nou apel an Kreol Kontribisyon Determinen lo nivo nasyonal.

INDC i en fason ki bann pei bann pei ki'n siny Lagreman *Paris* e kominik zot aksyon ek lanbisyon, zot pe pran pou realiz sa lobzektif pou gard sa tanperatir pou realiz sa lobzektif pou gard sa tanperatir a en nivo 1.5 degre.

I en dokiman ki ganny regilyerman i ganny *updated* e i ganny soumet avek Sekretarya sa Konvansyon.

E atraver sa dokiman ki ganny soumet, tou pei i kapab konnen ki lezot pei pe fer e zot osi kapab pozisyon zot lekor an relasyon avek sa ki serten pei dan menm kondisyon avek zot pe travay lo la.

I annan en rapor ki ganny fer lo en baz regilye ki apel en *stocktake* pou vwar to bann kontribisyon ki bann pei i pe fer lo nivo global e pou etabli si lemonn i lo target pou li arive zwenn sa target mentenir tanperatir anba 1.5 degre.

Dan dernyen Konvansyon bann Parti (COP) ki ti ganny fer *Dubai*, Rapor *Stocktake* in montre ki bann lanbisyon ek bann aksyon ki'n ganny prezante dan bann *INDCs* i pa ase anbisye e si nou swiv li, ouswa si nou swiv tou sa bann aksyon, nou pa pou arive zwenn sa lobzektiv 1.5 degre.

E menm pa ni menm en lobzektiv 2 degre. Alors pou Sesel nou *INDC* ti ganny soumet COP 27. E pour nou i ase anbisye, me selman nou konsyan ki ti a bon nou fer plis pou met plis lanbisyon. E travay ek bann pei pou ankouraz zot osi pou annan plis lanbisyon sirtou bann group militer dan zot group *INDC*.

Pou reponn kestyon Onorab William Mr Speaker, letan nou'n analize, nou war ki pou le moman i pa neseler annan en Lalwa ki ankadre bann target *INDC* lo li menm.

Sa i aköz nou'n deza annan bann Polisi, bann diferan Lalwa e bann stratezi ki alinyen avek bann target

detaye anba *INDC*. Par egzanp i annan target ek Polisi Lenerzi ki menm target dan *INDC*. I annan stratezi devlopman nasyonal ki anliny avek *INDC* ek son bann target i trouve anba *Pillar 6* dan sa dokiman.

I annan bann target lo kote proteksyon nou lanvironnman. I enn bann komitman ki nou'n fer anba *INDC* pou protez nou lanmer e bann *zone* proteze ek serten lespe. E sa i dan bann Lalwa ki'n ganny devlope, par egzanp anba *Marine Spatial Plan*.

Alor nou war ki pou le moman, bann lezot Lalwa ki egziste, pe adres bann target dan *INDC* e nou kapab regard li dan en fason konpreansiv, e fer sir ki tou bann target dan *INDC*, i ganny kouver par en Lalwa e ki pa neselerman bezwen annan en Lalwa pou *INDC* li menm.

Lot keksoz se ki *INDC* ek bann target ki annan pou fer avek klima, parfwa i kapab vin en keksoz ki konplike pou serten pei.

Akoz en fwa ki ou met li dan Lalwa, ou pou annan en lobligasyon legal pou delivre ki i ok pou annan sa. Me osi aköz i annan pou fer avek resours, i kapab vin difikilte dan serten ka, kot prezan letan ou'n met sa lobligasyon legal, e aköz napa sa resours, pei pou war li dan difikilte pou kapab zwenn sa bann lobligasyon.

Alor Mr Speaker, mon oule asir Onorab ki bann mezir ki pe ganny pran e nou kapab pas lo tou bann mezir an detay avek li menm e avek group Komite Lasanble ki annan pou fer Devlopman Dirab.

Bann mezir ki pe ganny pran i pe travay dan direksyon pou satisfere tou bann lobligasyon anba *INDC*. E nou osi annan nouvo plan ; par egzamp en Lalwa lo *Integrated Resource Plan* ki pou osi entegre ladan.

E pou asire ki tou bann komitman mazer i ganny kouver lo en baz Polisi Lalwa e osi regilasyon dan pei. Mersi Mr Speaker.

MR DEPUTY SPEAKER

Mersi *panel*. Nou pou pas lo siplemanter aprezan. Onorab, ou annan siplemanter?

HON WAVEN WILLIAM

Mersi Mr Speaker. Mon ti a kontan demann Minis, sirtou kot i konsern bann veikil, eski Polisi e stratezi i kler ki pou travay pre avek bann sekter prive, pou kapab annan bann lenfrastruktir ki pe ganny met an plas, pou fer sa tranzisyon vizavi;

1) depar *from fossil fuel* servi dan transpor pou al *electric cars*. Eski sa Polisi i kler e bann stratezi i an mars? E an menm tan

konsiltasyon avek sekter prive, par lefe ki Gouvernman li tousel pa pou kapab fer tou sa bann lenvestisman, li tousel? Mersi.

MR DEPUTY SPEAKER

Mersi Onorab. Mon ava evit *panel* pou larepons.

MINISTER FLAVIEN JOUBERT

Mersi Mr Speaker. Mr Speaker, enn bann target se *electrification of* nou bann Sekter Transpor ek rediksyon emisyon *from* Sekter Transpor. I annan en proze ki deza pe ganny dirize par Departman Transpor, ki nou'n ganny finansman.

E pe ganny travay lo la, pou nou arive annan en pli bon lapros, pou nou fer sir ki nou annan mwens emisyon sorti dan Sekter Transpor avek kontribisyon plis transpor ki elektrik ouswa *hybrid*.

Me osi avek bokou plis mezir, pou asire ki i annan pli efikasite enerjetik dan tou bann laspe transpor. E sa i anliny avek proze ki an devlopman. Me nou ekspekte ki letan ki pe vini letan sa proze i *mature*, nou pou annan deklarasyon ek bann Polisi ferm ek bann regilasyon ferm ki pou ganny met ater, pou byensir ganny reprezante avek

Lasanble Nasyonal pou konsiderasyon.

Eski i annan konsiltasyon avek sekter prive? Definitivman. E parey Onorab in fer resorti, i enportan sa konsiltasyon i ganny fer. Mon a donn ou en legzanp Onorab, resaman in annan bann desizyon lo bann *hybrid*.

E bann desizyon ki'n ganny fer lo kote *hybrid* – bann diferan klasifikasyon, ek bann diferan fason ki nou pou adres sa size *hybrid*, sa in ganny fer direktteman avek konsiltasyon ant Gouvernman avek sekter prive.

Me mon pou dakor avek ou, ki nou bezwen fer ankor plis e nou bezwen angaz plis bann ki dan sa sekter e ki pe fourni sa sekter ek lekipman.

Akoz laplipar o lekipman ou a realize ouswa tou lekipman dan sa Sekter Transpor, i pa - nou pa *manufacture*, nou pa ni prodwi zis nou enporte nou servi e i enportan ki nou antre an kontak avek bann konpanyen, bann diferan endividi ki enplike ladan pou kot zot kapab ed nou nou trouv solisyon pou sa sekter.

Enn bann lezot keksoz ki pe konsern nou ki par egzanp se plis nou pe koz transpor elektrik, plis nou bezwen *deal* avek sa size batri. E pou nou kapab travay lo kote batri, nou

bezwen travay ek konpanyen direktteman ek zot bann reprezantan Sesel, pou nou kapab met an plas bann mezir apropiye, pou asire ki pou annan en sit ki fermen, kot sa bann materyo i ganny anmase e ganny retournen, kot i kapab ganny reservi dan lezot fason. Mersi Mr Speaker.

MR DEPUTY SPEAKER

Mersi Minister. Omwen - mon pa'n apersevwar, me i pa paret i annan Manm ki'n lev lanmen pou demann siplemanter lo sa kestyon. Onorab Pillay ou annan kestyon? *Proceed*.

HON SEBASTIEN PILLAY

Mersi Mr Speaker. Mr Speaker, mon'n ekout Minis e dan finisyon son larepons ki in fek donnen, in koz lo *disposal of* bann batri. Nou konnen nou deza pe ganny en problemn signifikan pou *deal* avek *waste management as it is now*.

E nou menm annan en *shredder* ki nou'n depans apepre R9 milyon an tou 3 milyon anba *Environment Trust Fund* - 6 milyon kontribisyon Gouvernman Sesel.

Lannen pase COGA ti vizite, ti sipoze an mars - *I mean* an 2022 COGA ti vizite ti sipoze an mars, pa'n ganny met an mars. E la nou fek ganny dir poudir *tender* in

ganny fer, nou pa konnen menm si pou met an mars.

So lo en pwennvi pli larz, kwa ki pe ariv ki pe anpes ou Minister realiz lo en pwennvi bann target nasyonal, bann keksoz ki zot in fer bann *commitments* pou zot kapab fer. Kwa ki pe arive? Kwa ki pe anpese? *Where is the holdup?*

Is it bann problemm birokratik? *Is it* problemm resours? *Is it* problemm *manpower?*

Sey eksplik Lasanble kote problemm i ete, akoz nou pe demann sa bann kestasyon, me i paret poudir nou pa pou zanmen ariv lo sa bann target, zisteman akoz nou annan en kantite keksoz ki nou bezwen rezourd avan ki nou ariv lo sa nivo.

E an se ki konsern *greenhouse emission*, nou tou nou konnen poudir Sesel son kontribisyon i *almost* neglizab, neglizab ou konpran? Neglizab. So ki arive avek - lefe ki nou, nou kontribisyon i neglizab me tou lezot dimoun ki swadizan pe fer plis kontribisyon, zot pa le *buy in* dan okenn sa bann keksoz - ni Lanmerik - ni bann gran pei, bann *super powers* pa oule *buy in*, me solman nou kontinyen pe tann sa bann konversyon.

E an pasan Mr Speaker, mon oule dir Onorab Andre pa dan *Chamber* e lefe ki i pa ti la

taler e nou mank en *quorum*. So yer i konplent e ozordi ni en kestasyon i pa pe demande. Konmsi i montre nou ki mannyer nou travay dan Lasanble. Mersi.

MR DEPUTY SPEAKER

Onorab, sa dernyen komanter i pa ti nesaser, akoz mon war li en latak direk lo en Manm ki ou deside *single ou*, i pa byen. Annou inyor sa komanter. *Panel* silvouple reponn kestasyon.

MINISTER FLAVIEN JOUBERT

Mersi Mr Speaker. Mersi Onorab pou sa 3 pwen. Mon ava komans lo *disposal of* batri. Mr Speaker, batri ozordi i annan sistenm ki pe kolekte batri ki servi - par egzamp nou dir *lead acid batteries* ki deza pe ale. Me pou bann batri ki bann loto elektrik i servi, nou pa kapab resikle sa bann batri Sesel me i kapab ganny kolekte e i kapab ganny anvoy e aletranze.

Enn bann difikilte ki annan se pa nou, se batri lafason ki i ganny mete lo bato. Ozordi nou annan en kantite batri ki'n akimile Sesel, ki pa kapab ganny pran lo bato akoz bann lareg enternasyonal ki pe anpes nou fer ale batri koman en pei.

E nou bezwen kontinyen sey rode atraver bann diferan

laranzman, ki mannyer pou fer ale sa kantite batri ki pe akimile Sesel ozordi.

Zis pou enform ou, ki lannen pase, Sesel ti ganny demann pou fer al batri *lithium-ion* pou bann loto elektrik e in pran nou pres 1 an pou nou ganny kontak ek sa pei ki pou resevwar pou li kapab siny papye pou aksepte batri sorti Sesel.

Alor bann keksoz parey batri i pa difisil pou fer li ganny kolekte - e pou fer li ganny anmennen dan landrwa kot i merit ganny anmennen. Me selman, i annan en kantite difikilte ant kot nou ete – akoz nou lo en zil nou – ek dan sa landrwa pou rezervwar batri pou nou kapab fer li ganny dispoz byen.

Me nou konnen poudir sa bann batri - par egzanz bann batir loto elektrik ozordi, nou pa kapab zis zve avek ouswa menm detri li, ouswa kraz li, akoz i annan en kantite danze ki vin avek. Me difikilte i pa neserman zis avek nou, me i avek lezot sistenm ki egziste en pe dan lemonn.

Sa i aplik osi Mr Speaker, mon ti voudre fer rapel Lasanble, ki aplik osi pou plastik ozordi. Bann bato – bann lakonpanyen bato pa oule pran plastik ki pa vyerz, ouswa ki pa dan en prodwi ki fek ganny fabrike.

Plastik *waste* zot pa le pran, batri zot pa oule pran e lezot prodwi zot pa oule pran. Alor i en problem pou lemonn antye, me pa zis Sesel.

Target nasyonal Mr Speaker; lo kote target nasyonal, ozordi par egzanz lenerzi in ariv 5poursan e nou target se 15 poursan by 2030.

I annan bann proze parey mon'n dir, ki nou pe travay lo la e PUC i ava devwale dan sa lannen la ki mannyer nou pou demare avek. Mon krwar nou pou arive nou 15 poursan by 2030.

Si bann proze i demare, bann ki nou devret pe prevwar, nou pou arive pros avek 15poursan 2030.

Lot pwen Mr Speaker, se nou kontribisyon sa nou emisyon i neglizab koman en pei e ki nou pe fer koman en pei, pou nou adres sa size akote bann lezot pei.

Byensir lo kote enternasyonal, mwan menm, bann lezot dimoun ki enplike dan sa bann travay, Prezidan, i toultan met lanfaz lo lefet ki nou devret mel lanfaz lefet ki nou bann pti pei nou bezwen ganny viktimize e nou bezwen komitman bann pli gro pei pou zot kapab fer sa diferans dan klima lo nivo global.

Me selman Onorab, annou get byen nou bann *figures*, menm si nou neglizab lo kote nou pei, akoz nou pei

ptipti, *Per capita* nou emisyon i signifikan e nou bezwen met zefor nou osi pou nou travay lo rediksyon emisyon, menm si nou konnen i pou anmenn nou e i pou fer en ptipti diferans lo nivo global e petet en diferans ki neglizab.

Me nou bezwen kontinyen ankouraz nou bann dimoun e met an plas bann sistenm pou nou kapab redwir nou emisyon.

Me parey mon'n dir pli boner, i osi anmenn lezot benefis. Revizyon emisyon i anmenn benefis pou lasante, i anmenn benefis pou kalite ler, i anmenn benefis ekonomik, akoz sa bann teknolozi renouvlab, i aktyelman donn nou lenerzi ki pli bon marse ki sa ki nou pe servi ozordi. E an plis ki sa, i anpes nou ganny ekspoze avek sa bann sanzman ki arive lo nivo enternasyonal lo pri *fuel*.

Alor i bon pou nou adopte e sa bann metod, i bon pou nou adopte sa bann teknolozi, menm si nou kontribisyon i neglizab, akoz i anmenn benefis direk pou nou koman en pei e pou nou bann zabitan. Mersi.

MR DEPUTY SPEAKER

Mersi *Minister*. Apropo – parski i annan serten komanter ki lo verbatim aprezan in ganny fer boner, be mon konstate poudir mon ti'n

ganny enformen ki Komite Ladefans ti annan en *meeting* 10;30 so zot *meeting* in komans en pe tar *and this is why* i annan 4 Manm ki nou'n war in antre en pe tar dan Lasanble; dabor ti Onorab Adelaide ti antre premye, apre ti vin Onorab Porice, apre in vin Onorab Audrey Vidot, apre in vin Onorab Clifford Andre.

So it's forgive -, it's understandable kote zot sorti. Zot ti annan en *meeting* e alor napa okenn (*what's the word I am looking for? Misap – non it's not misapprehension*). Me solman *malentendu* antre nou. *Ok, nou move on.*

Onorab ou annan klarifikasyon lo ou kestyon.

HON SEBASTIEN PILLAY

Mersi Mr Speaker. Mr Speaker, mon konpran tre byen ki Minis pe dir. Nou tou nou siporte pou nou al dan direksyon, pou redwir nou *carbon footprint* dan en sans.

Me selman ou pe *raise* en lot problenm pou nou nou. Akimilasyon sa bann *lithium-ion battery* i poz en risk radyasyon e i poz lezot risk. I poz lezot risk pou nou ki kapab ariv avek, akoz son degradasyon *overtime*, si nou pa kapab tir ki kot nou, nou bezwen stor li en landrwa.

So as ki ou pe ankouraz *the use of electric vehicles* ki byen - akote ou ankouraz

electric vehicle, ki mannyer pou pe ankouraz *the disposal of sa waste* ki ganny *generated by the use of electric vehicles*?

Mon'n war ou'n eksplik mwan serten keksoz, me ou'n fek dir nou poudir i annan en kantite batri ater. So ler ou dir nou en kantite batri ater, eski sa *amount* i signifikan pou nou komans enkyet ozordi, oubyen i pa sitan signifikan ki ou santi poudir nou kapab *deal* avek?

So klarifye sa pour mwan, akoz sa i en konsern ki mon'n note dan ou larepons. Mersi.

MR DEPUTY SPEAKER

Mersi. *Panel*, klarifikasyon ?

MINISTER FLAVIEN JOUBERT

Mersi. Mon a klarifye. Mon a klarifye byen sa ki nou pe dir lo batri, en? Batri ki pe akimile ozordi, i sa ki nou dir *lead acid* batri. E sa bann *batteries* i ki toulezour nou *start* loto avek, *pickup* eksetera. E i ganny servi dan loto, dan *pickup*, dan gro masin e osi parfwa dan serten pti lekiman.

Sa bann *lead acid batteries* ozordi i annan bann difikilte pou *shipping* ki pe arive. Savedir bann dimoun ki pe akimil batri Sesel, ki pe anmas batri lo *market* Sesel zot pe ganny difikilte pou *ship*.

Bann *lithium-ion batteries* li parkont Onorab i pa koz en danze radyasyon, i plito koz en danze dife, ek lezot danze kontaminasyon dan lanvironnman *lithium-ion* bann konpanyen ek bann pei - bann gro pei, zot annan bann *scheme* pou *lithium-ion* ki sorti ek loto elektrik.

Me selman problem i se ki nou lwen avek tou sa bann landrwa. Si nou ti obor Lerop nou ti kapab *ship* fasilman.

Si nou ti obor en landrwa parey Lazi nou ti kapab *ship* fasilman, me nou lwen ek sa bann landrwa e i annan bann kondisyonnman spesyal ki bezwen ganny fer avek *lithium-ion* avan i ganny mete dan *container* pou li ale.

Ou pa kapab zis ale tire parey nou fer avek *lead acid batteries*, met li dan en *container*, *ship* li. Akoz i annan bann kondisyonnman ki bezwen ganny fer.

Enn bann danze se ki i pran dife fasilman me si ou pa kondisyonn li byen, i pou kapab annan en danze met dife lo bato. Alor i annan kondisyonnman spesyal.

E pa tou laliny bato ki pa aksepte sa bann keksoz. Me selman i annan bann *scheme* pou *lithium-ion* ki bann konpanyen i fer.

E nou pe ekspekte ki dan sa proze, akoz sa proze i osi enkli *waste from electric*

vehicles. Dan sa proze, nou pou osi met an plas bann mezir pou koleksyon ek *disposal of* sa bann batri.

Me selman, parey mon dir zeneralman, ozordi nou pe vwar nou avek en problem Sesel, kot i konsern lenportasyon okenn *waste*.

Se pour sa rezon ki nou annan en kantite doutans letan nou pe koz, par egzanp *recovery* en kantite plastik Sesel. Ki mannyer nou pou *ship* sa kantite plastik, si ozordi nou pa kapab *ship* sa bann *pet* ki nou annan, pou anmenn an deor pei ; ki mannyer nou a kapab *ship* sa kantite keksoz, akoz bann laliny bato pa tou ki pe aksepte *waste on board* zot bato ozordi?

So i en problem ki nou bezwen *deal* avek enternasyonalman. Me lo kote nasyonal, nou bezwen fer sir ki nou'n pare, dapre bann kondisyon ki egziste. Me selman parey mon'n dir, i annan bann difikilte ki vini avek. Mersi.

MR DEPUTY SPEAKER

Mersi *Minister*. Onorab Cosgrow?

HON WALLACE COSGROW

Mersi Mr Speaker. Mr Speaker, mwan mon kestyon i an relasyon avek plizoumwon si Minis ouswa son Minister,

in idantifye petet bann sekter ki pli polyan e si zot deza annan – akoz kestyon i koz lo bann Lalwa, eski zot pe devlop bann Lalwa spesifik pou bann sekter ki pli polyan?

Par egzanp annou get Sekter Transpor, eski i annan Lalwa spesifik an relasyon ek bann *INDCs* ki zot pe devlope pou regle sa bann sekter e fer sir ki i redwir lakantite polisyon, ki zot pe zete dan latmosfer, rod prodiksyon lenerzi - *PUC* i la avek nou - eski i annan Lalwa ki zot pe met an plas pou regle lakantite polisyon ki Sekter Lenerzi i fer ensidswit, ensidswit, lagrikiltir e lezot?

So, mon krwar spesifikman si ou kapab dir nou si ou annan bann Lalwa dan sak sekter an partikilye? Mersi.

MR DEPUTY SPEAKER

Mersi. *Panel*?

MINISTER FLAVIEN JOUBERT

Mersi Mr Speaker. 3 sekter ki nou konnen i konpri plis emisyon dan pei, se *power generation*; savedir zenerasyon elektrisite, transportasyon e apre salte. E salte li i kontribye emisyon *methane* osi konpare avek lezot ki pa kontribye sa kantite *methane*.

Dan *power generation* parey nou'n dir i annan bann direksyon ki nou pe pran lo kote Lalwa ek Polisi, pou nou *achieve* sa bann target 30poursan renouvlab - pardon 15 poursan *by* 2030.

E sa bann target parey mon'n dir, si nou met an plas bann proze ki dan *pipeline* la ozordi ki nou pe koz lo la, ki anmezir nou ale nou ava enform Lasanble, akoz pa tou ki'n fini ariv lo son pwen ki nou kapab devwal li piblikman. I pou fer nou ariv lo nou target 15poursan. I annan en konbinezon Lalwa ek Polisi ki fer ki nou ariv lo sa 15poursan.

Transportasyon parey mon'n dir ki i annan proze ki ankour la ozordi, ki nou'n ganny finansman pou nou devlope e nou ekspekte ki letan transportasyon bann proze i konplete, tou bann seri rekomandasyon lo kote Lalwa, ki konsern diferans form transportasyon, i pou la pou li diriz sa sekter.

Me deza i annan serten mezir pe ganny met al plas. Par egzanp lo kote bann tarif lo bann diferan kalite veikil, sa bann pe deza ganny met an plas deswit la.

Me i annan bann lezot ki pou vin an plas pou diriz sa sekter e nou ekspekte ki sa proze akoz bann proze nou konnen i pa pran bokou letan,

i pran 24 mwan, i pran 18 mwan.

Bann proze letan i delivre, i ava delivre tou sa bann mezir e nou ava kapab met li an plas pou diriz sa sekter pou fer sir ki nou Sekter Transportasyon i bouz dan en serten direksyon refleksyon i donn nou sa serten rezilta ki nou pe targete.

Waste i annan bann travay ki nou pe fer anba proze *Waste Management* e enn bann keksoz ki nou'n deza komans travay lo la depi lannen pase, se *Zero Landfill*.

Nou konnen *landfill* i pa si en danze parey nou'n deza eksplike dan le pase e dimoun in deza debat lo la ; i pa zis en danze dife, me *landfill* nou pe osi nou pli gro sours emisyon *methane* dan pei ozordi.

E ki mannyer nou pou bezwen fer sa, se nou bezwen arete fer *landfilling* e fer bann lezot metod tret nou bann salte, ki nou konnen i pa pou emit *methane* dan pei. Alor *waste* e bouz sorti kot *landfill* pou al lezot solisyon i enn bann keksoz ki nou pe travay lo la.

Nou'n deza komans lannen pase parey mon'n dir, nou'n ganny difikilte. Nou pou redemar proze. E nou, nou ti a voudre ki nou annan bann nouvo sistenm tretman ki antre, swa triye, swa pa triye,

me selman nouvo sistenm tretman pou ki evantyelman nou arete avek *landfilling*.

Tou dimoun i a dakor avek mwan ki ozordi nou nepli annan plas pou *landfill*. Nou osi nou ti a kontan *landfill*, nou nepli annan plas pou fer *landfilling* isi Sesel e i pa en solisyon ki nou pou kapab kontinyen avek.

Alor nou pou bezwen bouze. E sorti kot *landfilling* pou ki nou kapab annan en sistenm ki emit mwens *methane*.

Me apard sa, tou bann lezot lapros ki nou pe - par egzanp *CEO bomaten* in koz lo *diversion of green waste from landfill*, sa i bann keksoz ki nou pe deza travay lo la.

E nou ti a voudre ki dan bann letan ki pe vini nou kapab met an plas *proper system*, kot konpostaz i vin bokou pli komen. E nou vwar ki i en bon poursantaz organik ki pe antre dan *landfill* ozordi i ganny tire. Mersi.

MR DEPUTY SPEAKER

Mersi *Minister*. Dernyen entervenans lo sa keston i Onorab Bistoquet.

HON ANNE BISTOQUET

Mersi Mr Speaker. Minis, an vi ki keston pe koz lo kot kontribisyon nasyonal, eski ou kapab eksplik nou, dan ki fason ledikasyon,

mobilizasyon e partisipasyon popilasyon pe ganny prevwar e prepare dan bann planifikasyon sa target 2030-2050? Mersi.

MR DEPUTY SPEAKER

Mersi Onorab. Mon ava envit *panel* pou larepons?

MINISTER FLAVIEN JOUBERT

Ok. Mersi Mr Speaker. Mr Speaker, ledikasyon mon krwar Onorab in demann mwan - ki mannyer ledikasyon i antre?

HON ANNE BISTOQUET

Ledikasyon, mobilizasyon e partisipasyon popilasyon.

MINISTER FLAVIEN JOUBERT

Ledikasyon, mobilizasyon ek partisipasyon. Sak sa bann sekter i annan bann travay ki pe ganny fer spesfikman dan zot sekter.

Par egzanp lo kote transpor, i annan en group travay ki pe travay lo sa proze e zot, zot pe get ki mannyer nou pou *deal* avek sityasyon dan Sekter Transpor.

Lo *power generation* prensipalman, nou konnen *power generation* i ganny kalkile avek *PUC*, me selman fodre pa nou bliye ki nou ban zil elwannen osi i annan en

bon pe *power generation* ki ganny fer.

E nou angaze avek tou bann *partners*. E nou konnen ozordi ki bann zil nou pe koz 80poursan renouvlab ki deza pe antre lo serten zil.

Me nou, nou ti a voudre ki pa zis zil elwannyen ki anba *IDC*, me osi bann lezot zil ki la otour Mahe ki nou dir bann *Inner Islands*, nou ti voudre ki zot osi zot ariv lo sa nivo, kot nou pe koz 75-80 poursan renouvlab dan zot nivo lenerzi ki zot pe servi.

E i annan bann kominikasyon ki nou pe fer lo sa kote. Mobilizasyon e *waste* osi parey nou'n tonm dakor, *waste* osi i annan proze ki pe travay lo la. E *World Bank* pe travay ek nou lo en proze *waste*, i annan en gran konponan ledikasyon ladan.

Mobilizasyon nou konnen poudir nasyonalman i annan bokou *partners* ki angaze dan sa size ki annan pou fer avek klima.

E letan nou annan bann levennman, nou war en kantite Seselwa, en kantite group, en kantite sipor i ganny donnen pou zot partisip dan sa bann travay dan diferan fason.

E resaman, nou ti vwar ki ti annan diferan komanter lo lakantite Seselwa ki'n partisip dan bann partisipasyon levennman.

Me i annan sipor ki parfwa serten group nou donnen, pou zot al partisipe dan bann levennman e zot, zot mobiliz lo zot kote.

Zot mobiliz bann zenn, zot mobiliz bann sekter prive, zot mobiliz bann dimoun lo solisyon ki kapab anmennen pou nou. E nou war ki i annan sa posibilite pou zot kontribye zot osi sa travay.

Me lo kote partisipasyon, i annan en bout ki mon krwar zot kapab fer plis e sa se pou nou rasanble bann dimoun anba en propozisyon ki ti deza avan se pou annan parey en Konsey pou Klima; en *National Climate Council* - nou ti deza koz lo la avan.

E i enn bann propozisyon ki deza lo latab depi avan, kot nou annan bann diferan akter dan sosyete e bann diferan partener, ki zot, zot fer bann refleksyon lo nivo Polisi ansanm ek Gouvernman, ansanm ek Lasanble, ansanm ek diferan group dan pei, pou nou vreman aliny nou lekor lo bann aksyon priyorite, ki nou bezwen fer dan pei.

E sa i enn bann keksoz ki nou ti a voudre met an plas dan bann letan ki pe vini la, pou nou fer ki nou pa mank okenn dimoun e personn pa reste an deor sa sistenm.

Akoz i annan posibilite ki serten *partners* i kapab

annan kontribisyon, zot pa pe ganny enkli ase byen dan diskisyon e alor zot partisipasyon pa pe ganny byen servi.

Alor nou ti a voudre enn nou bann target ki nou annan, se pou nou *set up* sa *Climate Council* ouswa en Konsey ki fer travay lo en travay similer ki kapab prezan vin sa lavwa nasyonal lo kote bann aksyon klima.

E osi bann ki rapor enternasyonal - par egzamp la nou fek fer nou *3rd National Communication* kot nou transmet avek sa Konvansyon. Nou ti a voudre ki sa Konsey i osi i ganny lenformasyon lo sa *3rd National communication* e li i debat lo la e i war egzaktaman kwa ki nou pe fer byen, kwa ki nou pe fer mal.

E nasyonalman nou kapab dakor lo direksyon ki nou pe pran annantye. Mersi.

MR DEPUTY SPEAKER

Mersi *Minister*. Nou'n ariv lo kestyon 165 ki dernyen kestyon ki pou *panel* ki avek nou la avan nou sanze.

E sa kestyon i dan non Manm Elekte pou distrik Beau Vallon, Onorab John Hoareau, ki an se moman i dan en misyon ofisyel aprouve par Lasanble Nasyonal aletranze. E mon prezimen ki Onorab Naidu ki pou demann son kestyon? Onorab, *proceed*.

HON SATHYA NAIDU

Mersi Mr Speaker. Bonzour Minis ek ou delegasyon e tou koleg Onorab. Kestyon 165 lo non Onorab John Hoareau i lir koumsa;

Eski Minis i kapab donn Lasanble detay lo retar lo proze *sewage* Beau Vallon lo lanmar, ki ti sipoze konmanse depi Septanm 2022?

MINISTER FLAVIEN JOUBERT

Mersi Mr Speaker. Mr Speaker, *PUC* in konfirman ki retar lo proze *sewage* lo lanmar Beau Vallon, i relye direktaman avek sa problemn *wayleave*.

In pran *PUC* plis ki 1 an pou kapab negosye avek bann zabitan dan sa rezyon. I annan bokou defi dan negosyasyon *wayleave* menm si *PUC* in sey rod lasistans avek Ladministrasyon Distrik e osi Mam Lasanble Nasyonal pou Beau Vallon.

Le 16 Zen 2024, *PUC* in finalman siny en kontra pou komans lenplimantasyon sa proze ki pou demare dan mwan Zilyet sa lannen. Sa kontra ki pou en sonm total R1.4 milyon, i enkli bann travay sivil e osi travay pou met tiyo, ki pou permet koneksyon anviron 26 lakaz.

An mwayen i pou kout *PUC* R57 mil par lakaz, ekskli

kou ki asosye avek travay pou konekte sa bann lakaz.

PUC i ekspekte louveraz anba sa kontra pou pran anviron 3 mwan. Apre ki louveraz in konplete, bann batiman dan sa rezyon pou ganny konnekte avek sistenm desarz Santral *PUC* ki trouve Beau Belle. Mersi.

MR DEPUTY SPEAKER

Mersi *Minister*. Onorab, ou siplemanter lo sa kestyon?

HON SATHYA NAIDU

Non, Mr Speaker, mon krwar mon krwar ki repons ki Minis in donnen, i reponn lapel mon koleg e sa se proze pe al demare, se sa bi sa kestyon. So napa siplemanter lo sa enn. Mersi.

MR DEPUTY SPEAKER

Mersi Onorab. I annan en Manm ki'n edike – 2 Manm – 3 Manm. Mon'n note ki sa kestyon i tre, tre spesifik. So annou veye ki bor nou pe ale.

Onorab Roucou, ki ti lev lanmen premye.

HON MICHEL ROUCOU

Mersi Mr Speaker. Mr Speaker, mon kestyon se ki an vi ki sa kestyon i baze lo Beau Vallon li menm li, eski Minis i kapab dir nou, an vi ki konnen ki i annan en bon pe proze *sewage* li menm ki parey Beau Vallon, *hmm*, ki bann zefor ki

PUC pe mete, an vi ki i anpese ki i annan bann retar parey Beau Vallon an term lo kote bann proze parey? Mersi.

MR DEPUTY SPEAKER

Panel ti pe esper mwan? Mon pa anvi ki bann Manm i *sey broaden* sa kestyon pou anmenn dan zot distrik. *The one issue* ki'n leve lo sa size distrik Beau Vallon, sete *wayleave*.

E alor annou adres *wayleave*, ki, ki mannyer Gouvernman i war sa i reste en defi e ki mannyer zot pe mazin adrese dan bann proze, pou nou pa deborde e pou lezot distrik antre dan sa proze ki spesifik lo lanmar Beau Vallon. *Panel* i kapab adres *wayleave*? Mersi.

MINISTER

FLAVIEN

JOUBERT

Mersi Mr Speaker. Avek ou permisyon mon pas laparol avek *CEO PUC*.

CEO JOEL VALMONT

Mr Speaker, si mon pou reste dan konteks sa kestyon ek *wayleave*, i pou en pe – mon a sey adres li dan sa direksyon. Nou zefor i kontinyelman entansiv dan sa direksyon.

Progre i toultan depann lo lot kote latab, toultan depann lo propriyete e bann propriyeter ki annan pou fer

avek lenpak ki sa proze pou anmennen lo zot propriyete.

E i en zefor kontinyel parey Minis in fer resorti. Nou menm anmenn dan sa legzersis kolaborasyon *DA* an partikilye, swivi par - pou *MNA* kot nou pa ganny bann rekour.

E in toultan pa en louvraz ase fasil ki anmenn rezilta dan lespas 6 mwan mon kapab dir. Sa enn pou Beau Vallon in montre en pti rezyon in pran plis ki 1 an pou kapab ganny lagreman tou dimoun.

E i montre serten rezervasyon ki bann met propriyete i annan anver lenfrastruktir. E i posibil osi i annan restriksyon later tou, an term priyorite pou zot kapab devlope demen.

Mr Speaker, mon pou aret la mwan, aköz i - sansan nou pou al dan lezot - lezot dimansyon. I pa en aktivite fasil pou *PUC*. Avan nou ti servi serten *enforcement*, kot konmela nou pe plito al anver *mutual agreement* e diskisyon.

Nou sey friktye sa, ziska ler nou evite anmenn anba sa parasol *enforcement*. Mersi Mr Speaker.

MR DEPUTY SPEAKER

Mersi *CEO*. Prosen enterven an lo lalis, Onorab Sebastien Pillay.

HON SEBASTIEN PILLAY

Mersi Mr Speaker. Si mon'n konpran ou byen, ou pou konekte dan lanmar avek *STP Beau Belle*, *right?* Savedir ou annan serten travay pou pas bann tiyo - zis ou ava eksplik mwan si ou annan travay pou pas tiyo pou konekte avek *main* tiyo ki al kot *STP Beau Belle*.

Prezan mwan mon konsern i sa travay ki ou pe dir pou pas tiyo, e *time frame* ki ou'n donner, prenon kont sa ki ou fek dir.

Akoz sa propriyete la, i bann propriyete kot i annan bokou bann dan lanmar si nou pe koz distrik i la, bann dimoun i annan potansyel pou zot devlop sa bann pou size touristik, eksetera.

So eski zot in fer en bon analiz lo zot abilite pou konplet sa proze, dan sa *time frame* ki zot in donner? Aköz si zot *end up* ek sa proze konmanse sezon lapli in arive, i pou koz pa mal dezord, pou sa bann zabitan dan sa landrwa. Mersi Mr Speaker.

MR DEPUTY SPEAKER

Mersi Onorab. Kestyon i lo *time frame*, eski zot pou *manage?*

MINISTER FLAVIEN JOUBERT

Mersi Mr Speaker. Mon a pas laparol avek *CEO PUC*.

CEO JOEL VALMONT

Mersi Mr Speaker. Mon oule klarifye en dout dan lapros Onorab. Mon konfirman poudir evantyeleman sa bann *déchet* pou al kot tretman Beau Belle.

Me selman i atraver *pump station* la Mare Anglaise dan larantre Beau Vallon.

Savedir nou deza annan lenfrastruktir partou ki pou permet sa. I pou reste zis pou konsantre dan sa rezyon lo lanmar, pou anmenn devan laport ki pli pre ki deservi laba.

Sa ki konsern nou 3 mwan, nou mazen ki dan leta ava dan nou letan ava dan nou faver. Nou pe antre dan vandswet, mon mazen la ver lafen Zilyet i a reste nou 3 mwan avan nou tous Oktob, Novanm kot lapli i komans traverse.

Mr Speaker, mon mazen sa 3 mwan nou a sey pous sa kontrakter, pou kapab delivre e fer maksimonm louvraz posib. Mersi.

MR DEPUTY SPEAKER

Mersi *CEO*. Dernyen entervenans lo sa keston, Onorab Loizeau.

HON NORBERT LOIZEAU

Mersi Mr Speaker. Minis, vi ki sa proze lo lanmar la, en, vi ki

lo lanmar i osi baliz avek en dan porsyon Nouvelle Vallée i annan bokou lakaz la – i annan bokou lezot later pli o ki ganny demarke e ki nou'n vwar avek sa gro lapli le 7 Desanm, e lapli ki pe kontinyelman tonbe, nou'n vwar ki i annan bokou bann sours delo ki pe sorti partou dan Nouvelle Vallée.

E i pe donn difikilte bann dimoun ki'n ganny later dan sa rezyon, baliz la kot zot pe pou zot kapab fer zot *septic tank*.

Akoz i annan en ta delo li zot pe ganny difikilte, eski apre ki zot in fini Nouvelle Vallée, vi ki zot baliz – zot pou fer lo lanmar, eski apre zot pou *extend* li pou petet kapab ed sa bann dimoun ki reste en pti pe par lao lo lanmar, pou kapab konnekte zot osi ek sa lanmar?

MR DEPUTY SPEAKER

Mersi. Mon ava envit *panel* pou en presizyon lo posibilite ekstansyon sa proze?

MINISTER FLAVIEN JOUBERT

Mersi Mr Speaker. Mon a pas laparol avek *CEO PUC* pou donn klarifikasyon.

CEO JOEL VALMONT

Mersi Mr Speaker. Mr Speaker, koi i konsern posibilite, larepons i wi. Me

kot i konsern lenplimantasyon kestyon i kan?

Nou'n deza annan serten komitman ki nou'n fer dan Lasanble. Nou annan *MNA* Mont Fleuri ki pe esper nou. Nou annan Plaisance ki pe esper nou, pou menm sa ki nou apel lo lanmar menm laba, ki nou'n donn komitman Lasanble ki pou swiv sa enn proze lo lanmar Beau Vallon.

So sa enn i bezwen pran presedans, antre dan laliny avan nou kapab konsider sa ekstansyon. Ki nou kapab fer pou le moman, se komans *survey*, komans fer *design* apre enkli li dan ou *schema* en *capital expense* ki nou pe revize pou ziska 2027. Sa mon repons Mr Speaker.

MR DEPUTY SPEAKER

Mersi *CEO*. Sa in ariv lafen nou bann kestyon lo kestyon 165. E la in ariv ler pou nou sanz *panel*. Donk, nou ava remersye Sekreter Prensipal pou Sanzman Klima – Mr Tony Imaduwa, Sef Egzekitiv *PUC* Mr Joel Valmont e osi *Chief Operations Officer* kot *PUC* Mr Ravin Sunasee.

Mersi pou zwenn nou e bonn kontinyasyon lazournen. Nou a demann *Hansard reporter* pou nouvo *panel*. Mersi.

Nou ava dir bonzour e byenveni nouvo *panel* ki fek zwenn nou la pou reponn

kestyon. 166 ziska 168 *panel* ki pe touzour akonpany Minis Flavien Joubert ki reste avek nou, ki konpri Sekreter Prensipal pou Lagrikiltir Mr Keven Nancy osi *Chief Officer* dan Departman Lagrikiltir Manmzel Lynetta Joubert e Madanm Sandra Sinon ki i *Chief Extension Officer* dan Departman Lagrikiltir. *Welcome*.

Donk, mon pou *proceed* avek kestyon 166 e i dan non Onorab Hoareau e alor mon prezimen ki Onorab Naidu ki pou demann kestyon. Poze Onorab.

HON SATHYA NAIDU

Mersi Mr Speaker. Swivan langazman avek lafanmir Contoret e laranzman e negosyasyon ki'n ganny fer avek lafanmir Boniface e Msye Jean-Pierre Latour, eski Minis i kapab enform Lasanble kan ki sa semen pou al lo blok La Batie pou konmanse?

MR DEPUTY SPEAKER

Mersi Onorab. Mon envit panel pou komanse.

MINISTER FLAVIEN JOUBERT

Mersi Mr Speaker. Zis pou *update* Lasanble, mon ti fer en vizit ansanm avek Onorab Hoareau, *PS* Departman Lagrikiltir e lezot zofisye Lagrikiltir an Zilyet 2023 an

relasyon ek en propozisyon pou annan en semen, pou akse later Lagrikiltir No. H11948 ki okipe par lafanmir Contoret.

Sa pozisyon i montre ki sa semen pou pas atraver later Leta, me osi pou 2 propriyete prive - sa 2 non ki'n ganny mansyonnen pli boner dan kestyon.

Swivan konsiltasyon ki'n pran en pe letan ant departman e osi *Minister MLH* tou lede propriyeter in agree an prensip pou donn akse semen lo zot later. E parey mon'n dir Mr Speaker, sa in pran pe letan, akoz nou'n fer plizyer negosyasyon avek sa 2 propriyeter.

Ozordi letan nou pe koze, nou annan dan nou lanmen en premye propozisyon sorti kot Minister Later ek Labita lo lafason ki sa semen pou pase e lespas ki i pou pran lo sa 2 propriyete.

Dapre nou previzyon Mr Speaker, sa proze i kapab ganny konsidere koman parti bann proze ki Departman Lagrikiltir i antreprann an 2025.

Akoz i osi annan - apre sa staz ki nou'n arive la finalizasyon *wayleave*; savedir nou bezwen fer li legal. I annan ankor *survey* pou fini ganny fer e osi *planning approval* e osi nou bezwen met li dan Bidze.

Byensir, nou pou kapab konsider li lo lalis final. Pou li kapab ganny konsidere lo lalis final, i pou depan lo kou ki sa proze i anmennen, akoz sa semen i ase long, apepre 75 met longer.

E ler ki nou ganny - e sa nou pou konnen letan ki Lazans Lenfrastriktir i fini fer son evalyasyon lo sa proze.

Alor Mr Speaker, mon ou le reasir Onorab, ki nou pe travay pou nou kapab anmenn en proze ki pou ede lafanmir Contoret konekte avek semen prensipal La Batie.

Me selman i pou pran en pe letan, akoz nou bezwen fini fer serten prosedir e osi i pou en kestyon depans, akoz ozordi letan nou pe koze, Departman Lagrikiltir i angaze dan plizyer proze e nou Bidze la 2024 i pa permet nou komans sa proze toudswit. Mersi.

MR DEPUTY SPEAKER

Mersi *Minister*. Onorab, ou annan siplemanter?

HON SATHYA NAIDU

Baze lo repons ki Minis in donnen, in site ki i annan plizyer proze ki vin koman en kontrent an sa ki konsern lenplimantasyon sa proze Beau Vallon.

So eski i posibil pou nou ganny en nide, ki kantite proze

ki Departman Lagrikiltir i pe antreprann zot ladan, pou kapab devlop bann semen pou bann fermye resevwar sa benefis - ki mon panse i leka dan konteks Beau Vallon.

E eski i annan okenn prozeksyon ki pe ganny fer vizavi sa proze ki la, vi ki i annan en komitman poudir ki an 2025 - ki an 2025 ki sa proze i kapab *feature, provided* bann *groundworks* tel ki *survey, wayleave* e tou lezot travay inisyal i ganny antreprann? Mersi.

MR DEPUTY SPEAKER

Mersi. Mon ava envit *panel* pou larepons?

MINISTER FLAVIEN JOUBERT

Mersi Mr Speaker. Mon napa sa lalis proze avek mwan pou mwan pas lo la deswit, me selman zis pou *highlight* enn de bann gro proze ki nou annan aktyelman, ki Departman Lagrikiltir pe angaz li lo la;

Nou annan Bazar Viktorya ki semenn prosenn nou pou fer serten lanons. Nou pou enform bann dimoun ki mannyer keksoz pou ale. Me i annan travay enportan ki pou ganny fer lo Bazar Viktorya.

Nou annan labatwar ki nou'n koz lo la e nou'n fini siny kontra pou li demare. Sa i 2

komitman ki'n fini fer sa lannen.

Nou'n konplet stor Grand Anse ki in fini ganny fer, me i osi en depans ase enportan.

I annan renovasyon lo batiman Béolière pou bann *staff* ki osi i en depans enportan.

Nou annan plizyer bann lezot pti semen kot nou pe al fer *asphalting* kot nou pe al met koltar, me selman sa enn nou bezwen al fer semen avan nou met koltar. Savedir nou pa pou kapab fer li lo kote koltar.

Nou annan en semen pou fermye La Digue. Nou annan en semen *livestock zone* Praslin. Nou annan *agroforestry surveying* ek fasilite Montagne Posée.

Nou annan lenfrastruktir pon ek *access* pou *La Semence* Au Cap kot pou nou al fer *Hi-tech farming*.

Nou annan en 2enm *unit* Bazar La Digue ki nou ankor pe konsider, akoz nou ankor pe get evalyasyon Bidze, akoz nou bezwen met pare pou letan peser i sorti bor lanmer i vin lo bazar, fermye i bezwen kapab annan en plas lo Bazar La Digue.

Nou annan *requisite store* La Digue ki osi i dan plan e nou pe al lans proze la deswit. E nou osi annan plizyer ptipti proze dan diferan

landrwa, ki nou bezwen aktyelman konplete sa lannen.

Alor i annan en kantite bann e aktyelman nou annan Bazar Anse Boileau ki an konstriksyon e nou annan Bazar La Retraite osi ki pe vini. Alor nou annan en kantite bann travay ki nou pe fer *right now* ki i pe pran nou Bidze.

E nou krwar sa ki nou annan lo nou lalis, aktyelman i pe depas nou Bidze, ki fer ki nou pou pran en pe letan pou nou kapab met tou sa bann proze dan laliny.

Me si son kou i abordab, e nou war i kapab ganny fer lannen prosen, swa nou kapab fer li dan en semen konplet, swa nou kapab fer li en semen ki kapab ganny servi, me selman i pa en semenn ki'n 100poursan konplet pou – be selman omwen nou a kapab *access* sa bann dimoun. Mersi.

MR DEPUTY SPEAKER

Mersi *Minister*. Prosen Manm ki oule entervenir lo sa kestyon, se Onorab Wallace Cosgrow. Nou reste dan limit lo blok La Batie nou, en? Mersi.

HON WALLACE COSGROW

Mr Speaker, mon kestyon i an relasyon avek sa bann ta proze ki Minis in donn nou la

bomaten. Mon kestyon i senp en; sa bann proze ki ou'n dir nou, eski ou annan finansman? Akoz sa enn ki la i paret mwan zot napa finansman, zot pa ankor kapab annan finansman.

Be tou sa lalis proze ki ou'n lir eski zot annan finansman e osi kapasite pou fer? Akoz mon'n tann ou nonm Montagne Posée ; Montagne Posée mon ti al vizite ek COGA mon krwar i annan 2 an e ziska prezan nanryen pa ankor ganny fer.

So konmsi *how realistic* i sa lalis proze, kapasite e osi finansman? Donn nou en pti kontrandi silvouple an relasyon avek sa kestyon ki'n ganny leve? Mersi.

MR DEPUTY SPEAKER

Mersi. Nou ava rod en larepons avek *panel*?

MINISTER FLAVIEN JOUBERT

Mersi Mr Speaker. Mon a zis pas en pe lo sa bann proze ki mon'n nonmen.

Bazar Viktorya i finanse, alor Bazar Viktorya pou demare.

Labatwar i finanse, alor son kontra in sinyen i pe bouze.

Livestock zone Praslin in finanse, alor son semen pou bouze. Sa semen beton ki nou pe fer Grand Anse La Digue

pou fasilite akse par bann fermye i annan finansman i pe ganny fer.

La Retraite ek Anse Boileau *Market* in fini dan Bidze, in fini anba konstriksiyon. Anse Boileau pe konstrir, La Retraite pe al lanse. *La Semence Au Cap* i annan finansman. Pon avek *access road* pou bann dimoun kapab *access* bann *parcel*.

Requisite store La Digue osi i annan finansman. Landrwa ki nou bezwen get si finansman adisyonnèl, i annan sa *unit* an plis Bazar La Digue, be selman nou bezwen fer li. Akoz nou pou annan en konfli ant peser avek fermye si nou kontinyen sityasyon parey i été, akoz sa ti zis en bazar lapès e pa ti en bazar pou fermye.

Pou *Victoria Market* i annan serten konponan ki nou bezwen rod finansman pou azout avek, akoz i annan serten keksoz ki nou ti a kontan fer deswit.

Nou pa krwar ki nou devret pe komans en gro travay dan bazar e apre nou retournen pli tar nou vin fer en lot bout travay.

Ti pou pli fasil si nou kapab konplet li deswit nou pou fer, alor nou bezwen rod finansman adisyonnèl.

Montagne Posée Mr Speaker, Onorab in nonm *Montagne Posée* koman en

pwen ki nou'n promet, me selman nou pa ankor al delivre. Zis pou reasir ou ki ozordi *Montagne Posée surveying* pe konplete la.

In pran en pe letan pou nou kapab ganny akse avek *surveyor*, me nou'n kapab finalman ganny *surveyor*. E nou pe fini *wrap up survey* la. E *once survey* i konplete, nou pou donn zot bann dimoun zot bann alokasyon e zot pou kapab antre.

E nou, nou bezwen fer zis bann lenfrastruktir *basic*; par egzanp *access* e osi par egzanp sistenm delo ki bann dimoun i kapab gannyen pou zot servi. E si nou bezwen en *supply* elektrisite sa nou ava fer laranzman ek *PUC* pou nou kapab fer li.

Me selman mon kapab enform Lasanble ki laplipar bann proze ki nou'n koz lo la e *PS* osi in endik mwan ki nou annan en proze gabiyon anler Bonne Espoir *Montagne Posée* ki li osi i finans e li in deza komanse sa proze.

E laplipar bann proze ki nou pe koze, bann gro proze, i finans e, me selman dan serten ka nou bezwen rod finansman anplis, pou nou kapab kouver byen serten konponan proze parey mon'n dir *Victoria Market*, ouswa La Digue. Mersi.

MR DEPUTY SPEAKER

Mersi Minister. Sa ti dernyen kestyon lo sa kestyon 166. Donk, nou bouz lo 167 e kestyon i dan non Manm Elekte distrik Baie Ste Anne, Onorab Gill.

HON CHURCHILL GILL

Mersi Mr Speaker. Kestyon i lir koumsa;

Eski Minis i kapab enform sa Lasanble, ki plan son Minister pou stok manze zannimo lo Praslin, pou benefis bann fermye ki lo Praslin?

1. Pou ede koup depans sa bann fermye ki baze lo Praslin?
2. Si i annan plan pou re stok materyo dan stor lagrikiltir lo Praslin, vi ki bokou materyo i manke dan stor lagrikiltir Amitie? Mersi.

MR DEPUTY SPEAKER

Mersi Onorab. Mon ava envit *panel* pou larepons?

MINISTER FLAVIEN JOUBERT

Mersi Mr Speaker e mersi Onorab pou ou kestyon an 2 parti.

Mr Speaker, kot i konsern manze zannimo Departman Lagrikiltir ti angaz li pou fer fini manze zannimo atraver *STC*, avek bi fer desann pri lo marse domestik

e ozordi nou'n vwar ki apre nou lentervansyon, nou'n ganny en rediksyon an mwayen apepre 25 pousan dan pri manze zannimo e sa i pri par kilo.

Alor nou'n ariv pros avek nou target ki nou ti a voudre ariv lo la. E Departman ozordi pe reevalye son pozisyon konsernan lenportasyon, akoz sa i pa nou *core business*. Se bann prive ki fer, me nou, nou ti entervenir pou nou kapab aziste en pe sityasyon sa letan.

Me fodre note Mr Speaker, ki Departman Lagrikiltir pa ti stok manze zannimo lo Praslin ouswa lo La Digue, akoz en mank fasilite. Me fermye ti kontinyen benefisye avek en sibvansyon ziska R25 par bal lo transportasyon par bato.

An se moman i annan bokou lentere par sekter prive pou fer vini manze zannimo. E sa i an plis ki sa bann ki deza la.

Departman Lagrikiltir pe siport bann tel linisyativ, pou asir plis konpetisyon e pou asire ki fermye i ganny akse avek manze ki a en pri abordab. Kot i konsern fasilite stokaz lo Praslin, Departman Lagrikiltir i annan en batiman Cap Samy ki en parti pe lwe avek en *businessman* a en pri rezonnab – tre rezonnab pou li stoke e vann manze zannimo avek bann prodikter Praslin.

Enn bann pli gro defi pou ede fer desann pri lo Praslin, se landrwa adisyonnèl pou stokaz, pros avek por komersyal, ki a permet lezot enportater, ouswa lezot founniser pou antre e anmenn zot osi en pli gro stok a laporte ban prodikter lo Praslin. E nou pe swete anmenn konpetisyon dan lavant manze zannimo lo sa zil.

Departman i an se moman an diskisyon ek bann partner dan Gouvernman, pou trouv en sit apropiye pou konstri en fasilite pou fer sa. E enn fwa ki nou'n kapab konstri en fasilite parey, nou a kapab met li a laporte bann ki pe founni manze zannimo lo Praslin.

E nou swete ki sa i a kapab osi ede pou anmenn manze a en pri rezonnab pou bann fermye ki dan prodiksyon *livestock* lo sa zil.

Mr Speaker, 2enm parti kestyon, se i konsern materyo manke dan stor lagrikiltir Amitie. Departman Lagrikiltir depi lannen 2023 in etabli en sistenm *stock management* ouswa zesyon stok kot nou ganny tou lenformasyon lo nivo stokaz ek stokaz bann materyo lo stor.

Dapre rapor ki nou'n gannyen Lendi le 01 Zilyet, i montre laplipar materyo ki bann fermye i bezwen, i annan lo stor Praslin e sa i pou en

valer R1.224 milyon, Sa enkli serten lekipman pou *livestock*, ki enkli *drinker feeder*, 125 diferan varyete legren ki'n deza ganny evalye e ki fer byen isi Sesel; 11 kalite langre, 7 kalite *fungicide*, 1 *growth regulator*, 2 kalite *herbicide* ouswa pwazon zerb, 20 kalite pestisid ki enkli pwason lera ek pwazon kourpa, ensi ki serten pyes irigasyon.

Mr Speaker, serten pestisid ki fermye i abitye servi ozordi, i napa lo stor akoz departman in entrodwir bann lezot alternativ ki mwen toksik e ki annan mwens lenpak lo lanvironnman ek lasante imen.

Me selman sa bann nouvo prodwi i egalman efikas kont bann e maladi e i annan bokou fermye lo Praslin ki'n raport bon rezilta an servan sa bann prodwi.

Alor Mr Speaker, mon oule reasir Lasanble ki materyo lo stor i annan, me nou rekonnet ki petet serten fermye pa ankor abitye avek serten nouvo prodwi.

Departman in komans zefor pou edik bann fermye lo litalizasyon bann alternativ. Nou'n fer par egzanp *leaflet* ki endik non pestisid, pes ki kontrole e dozaz ki kapab ganny aplike.

Nou bann resers ekstansyon pe pas kot bann

laferm pou eksplik bann fermye lo sa bann nouvo prodwi. E nou ekspekte ki pli tar dan lannen, nou pou osi annan bann sesyon formasyon avek bann group fermye lo sa size.

Nou pe osi ranforsi kapasite nou bann travayer lo stor atraver *training* ki nou'n komanse depi Mars, pou zot pli byen kapab zer bann prodwi danzere parey pestisid e osi donn bann konsey bann fermye lo bann prodwi alternatif.

Mr Speaker, zis pou enform Lasanble, ki nou annan en nouvo stok ki pe antre sa semenn e parmi i annan serten pestisid ki fermye i servi tradisyonnelman e nou swete sa i kapab satisfere demann bann fermye lo Praslin. Mersi.

MR DEPUTY SPEAKER

Mersi *Minister*. Onorab Gill i annan siplemanter.

HON CHURCHILL GILL

Mersi Mr Speaker. Mersi Minis pou leksplikasyon lo konsernan manze zannimo. Mon kekyon lo la se ou'n nonm R25 sibvansyon ki Gouvernman pe antre ladan, eski vi ki prezan i annan en dimoun ki pe fer sa biznes Cap Samy, parey ou'n dir, me selman fermye i kontinyen aste Mahe, vi ki lespas stokaz.

Me sa R25 sibvansyon, eski i pas atraver sa dimoun ki pe fer sa biznes, omyen ler sa fermye i aste ek sa dimoun ki pe fer sa biznes Praslin, sa R25 sibvansyon par bal i aplikab?

Si ou kapab eksplik sa, pou sa bann dimoun konpran a ki lenstans ki sa bann R25 i aplike, si i vreman ariv kot zot?

E 2enm lo kote stok lagrikiltir, i annan – mon a nonm ou detrwa pa bokou ki aktyelman i napa la - *sprayer* en bon pe letan napa *sprayer* lo stor; parey pou irigasyon, rakor, laponp apre pyes sa osi i napa lo stor; apre serten kemikal.

Me selman ou'n mansyonnen ki i annan serten kemikal ki fermye ti abitye servi ki i annan stok pe monte, ou a zis konfirman si sa bann ki mwan, mon pe dir ou, i pou dan sa bann stok ki pe monte.

Akoz sa bann ki mwan mon annan la aktyelman, zot zot napa lo stor e sa i *fitimex*, *mambush*, *amdex super*, *ridomil* – sa 4 si ou kapab eksplik sa pou fermye kapab konpran lo sa bann lenformasyon ki zot ti pe rode konsernan stor? Mersi.

MR DEPUTY SPEAKER

Mersi Onorab. *Panel*, larepons.

**MINISTER FLAVIEN
JOUBERT**

Mersi Mr Speaker. I annan serten ki mon pou pas avek *PS Nancy* ki la obor mwan avek ou permisyon Mr Speaker. Me pou komanse lo sa pwen konsernan sa R25 par bal; Mr Speaker, nou'n travay direkteman avek fermye e in en konplikasyon parey nou ti gannyen dan le pase, letan nou ti pe *subsidize supplier* si nou antre dan bann diskisyon kot nou pe komans fer bann peyman avek *suppliers* par bal eksetera, akoz nou'n war ki'n arive letan nou'n fer bann sibvansyon atraver *supplier*.

Alor pou nou, sa R25 i aplik pou en fermye letan i pe transport son manze zannimo sorti Mahe e nou pa kapab atyelman konsider pey en *supplier* ki pe transport an gro lo Praslin e apre i pe revann.

Me sa bann fermye zot, zot ganny R25 par bal letan zot pe transport zot sorti Mahe. Mon konnen parfwa i en konplikasyon ouswa i en keksoz ki a laporte bann fermye ki aste lo Praslin, me selman finansyelman i kre en problem pou nou letan nou fer li koumsa.

E nou nou pa ti a voudre nou reponn kestyon lo larzan ki'n ganny donnen, ouswa ki'n ganny anvoye avek en *supplier* ki apre nou ganny difikilte pou nou reponn.

Kot i konsern materyo lo stor Mr Speaker, i annan serten keksoz ki Onorab in nonmen se pyes irigasyon, rakor, laponp, *sprayer*. Ou konnen, i annan serten prodwi ki ozordi nou bezwen - nou'n ganny plizyer *fund* dan sa demann, se pa fer konpetisyon avek prive.

Sprayer par egzanp i annan bokou prive pe vann *sprayer* partou e nou, nou pa ti a voudre dan en *market* kot i annan en kantite *sprayer*, nou vini nou pe *supply* *sprayer* a en pli ba pri en, avek bann dimoun i fer ki *sprayer* i pa neserman vann.

Nou pe vann bann prodwi ki fermye i bezwen, me selman ki pa toultan ki prive pe stoke. Alors *sprayer* nou konnen i annan lo *market*, alor nou pa pe stok *sprayer*, me selman nou kapab depandan sityasyon, depandan si vreman serten fermye i demann nou serten kalite *sprayer*, nou a kapab *order* serten kantite, me nou pa pe vin *compete* avek prive pou *sprayer*.

Case irigasyon Mr Speaker, i annan en keksoz lo kote stor fodre nou konpran, se ki *pyes* irigasyon i tenir bokou nou larzan dan long term. Letan mwan mon'n vin kot Lagrikiltir, mon'n al kot stor Grand Anse mon'n vwar i annan en kantite pyes pe asize

dan stor e valer stok ki nou'n war kot stor Lagrikiltir Grand Anse, i ti vreman o.

Ti annan apepre R10-15 milyon *write-off* ki'n la dan stor e ki'n bezwen ganny zete. E i annan ankor bokou larzan ki'n ganny pri dan pyes, ziska ozordi zot ankor pe asize pe asize dan bann kes dan stor Grand Anse.

E alor nou bezwen fer sir ki kantite sa bann materyo nou aste; par egzamp rakor e kantite larzan ki nou les pri dan dan stok kan nou konnen poudir ozordi i annan bokou *hardware* ki kapab *supply* rakor.

E Departman Lagrikiltir li ki i fer se ki i *supply* zis bann pyes spesyalize parey *micro sprinkler* or bann lezot keksoz parey, me non pa bann gro pyes irigasyon ki nou konnen nou kapab gannyen partou, akoz sa i kit nou larzan *somewhere* kot nou pa kapab servi li.

Nou bezwen vann pou nou ganny larzan pou nou fer revini materyo pou met dan stor. Me alor pou nou lo nou kote, nou vwar ki irigasyon sa ki nou pou *supply* e i annan ankor stok ki nou pe fer vini la, nou *supply* bann pyes ki nou konnen i spesifik pou lagrikiltir pou serten kalite pratik *farming*.

Zis pou elabor en pti pe plis Mr Speaker, selman se ki,

nou annan en *supplier* ki nou pe travay avek pou bann pyes irigasyon e i annan en size *minimum order* ki vin avek, kot nou pa kapab *order* en pti gin – en pti kantite.

Alor nou pou bezwen *order* par lao R1 milyon avek li letan nou *order* e sa i kre en konplikasyon e nou pe fer en desizyon lo si nou pou fer li la deswit, oubyen nou pou esper en pe letan pou esper tou materyo ganny epwize dan stor.

Me nou pe teste en nouvo *supplier* pou nou gete ki kalite materyo ki i pe fer vini ki i pe propoze pou irigasyon. E si sa nouvo *supplier* i kapab vann nou an pli pti kantite, *then* nou a war dan stor bann lezot materyo ki antre ki an pli pti morso e la nou a kapab *supply* toultan tou pyes ki bezwen.

Kot i konsern kemikal Mr Speaker, mon krwar i byen ki Onorab in lev sa bann pwen – sa bann prodwi ki ou'n nonmen, tou sa bann prodwi i annan en alternativ. E nou bann *staff* i kapab donn ou en lalis egzakteman bann alternativ. E nou konnen poudir sa bann alternativ i pou osi efikas dan proteksyon plant kont bann pes.

I annan – mon pa pou la dan tou lalis, ou'n *mambush*, *ridomil*, *amdex* eksetera, me i annan alternativ pou sa bann prodwi. Petet fermye pa

konnen sa bann alternativ, me mon krwar i enportan ki nou konnekte plis e nou aprann kwa ki kapab ganny servi pou sa bann pes ki nou annan.

Akoz nou annan alternativ, me nou'n fer sir ki ozordi nou annan en sistenm, kot letan nou stok i desann, nou sistenm i donn nou en rapor e sa rapor i ganny anmennen kot *Procurement*.

E dan enn de semenn nou kapab fer vini aköz nou'n menm sanz *supplier* pou ki nou kapab stok pli vit.

E *right now* nou annan stok ki pe vini par avyon, ki nou kapab fer vini vitman letan nou annan bann defayans lo kote stok.

Alor nou annan en sistenm ki marse, ki permet nou fer vini tou bann materyo ki nou bezwen ase vit e i pa pou en problenm. Me mon krwar fermye fodre i abitye plis avek alternativ. Zis lo mon lenformasyon ki mon annan Mr Speaker, nou annan 4 *fungicide* ki ki'n antre le 26 Zen, 4 ensektisid ki'n antre 29 Zen, le 5 Zilyet nou annan 3 ensekticid e 2 *fungicide* ki pa antre ankör.

Alor nou pou kontinyen stoke e nou kontinyen anmenn sa bann alternativ pou fermye toultan e i annan lo store pou ki zot kapab servi. Mersi.

MR DEPUTY SPEAKER

Mersi. Ou annan klarifikasyon baze lo son larepons?

HON CHURCHILL GILL

Mersi Minister. Lo kote alternativ, mon krwar poudir vi ki ou Minister se zot ki responsab pou lagrikiltir, mon krwar i osi zot devwar pou fer konnen ki alternativ zot annan, dan en fason kontinyenel pou fermye kapab konnen e pou zot kapab prezan servi sa bann laternativ e i ava evit nou annan sa bann mankman stok.

Epi lo pros R15 milyon ou'n dir nou ki'n bezwen *write-off* pou en stor grander Amitie i en kantite larzan. Me selman i pa – i en keksoz Minister, aköz si en *supplier* i dir ou, ou bezwen aste R1 milyon natirelman ou larzan pou pri aköz i en kantite larzan; baze lo kantite fermye ki ou annan Praslin. Alors sa osi i en size ki Minister menm ki devret adrese.

Lo kote manze zannimo, mon kontan ki ou'n konfirmen wi, i annan en problenm e ou'n dir nou poudir dan ou Minister, ou pe koz avek lezot partner dan Minister pou ou ganny landrwa pou fer stokaz.

Si ou kapab donn nou en lide sa demars ki ou pe fer, si ou annan en – ki kantite letan ou krwar dapre ou ki sa

problemm a lafen dizour nou pou kapab war en lafen avek li? Ki kantite letan? Mersi.

MR DEPUTY SPEAKER

Mersi. Mon'n not 2 komanter ki mon krwar *panel* a pran not lo la – ki mannyer Minister i bezwen *liaise* avek fermye kont alternativ e *deal* avek bann zafer stokaz. Me mon'n tann en kestyon a lafen.

MINISTER FLAVIEN JOUBERT

Ok, mersi Mr Speaker. Mr Speaker, mon pe zis klarifye en pti keksoz lo sa *write-off* – *write-off* i pou sistenm antye. I pou *store* Mahe, Praslin e a letan nou'n fer bann odit ki nou'n pas dan sistenm antye, nou'n vwar ki i annan en kantite materyo ki'n asize ki nou'n bezwen *write-off*.

Alor sa ti sa R15 milyon *write-off* i pou stor antye ki'n ganny fer e ziska ozordi nou fer demars kote nou pou *dispose* sa bann materyo.

An term alternativ Onorab, mon annan en kopi en *leaflet* e i annan ankor lezot lenformasyon pou nou pas avek fermye. Me selman sa *leaflet* i osi *available PDF* kot si en dimoun i bezwen par egzanp dan *WhatsApp* nou kapab anvoy li dan *WhatsApp* e i kapab trouve ki bann alternativ ki i kapab servi.

Lo kote *animal feed*, mon pa le donn en promes la ozordi, me selman mon pou dir i nou an diskisyon avek bann partener e spesikman mon kapab mansyonnen se *Industrial Estate Authority*, pou nou kapab *secure* en *site*.

Me selman nou pa ankor ganny konfirmasyon, alor nou pa kapab deklare poudir nou annan en *site*. Me nou le *secure* en *site* ki pa tro lwen avek por. E si nou kapab *secure* sa *site* la dan sa bann letan ki pe vini, dan bann detrwa semenn, detrwa mwan, nou pou met en proze pou lannen prosen pou fer en fasilite stokaz dan sa landrwa.

Me fodre ki nou *secure* en *site* dan bann semenn ouswa mwan ki pe vini e *once* nou fer sa, la prezan nou ava kapab met an plas en propozisyon pou en fasilite stokaz.

E enn fwa ki nou kapab fer sa, la nou ava envit bann ki pe *supply* pe vin servi sa fasilite pou kapab *supply* Praslin. E egalman nou pe osi planifye en proze similer lo kote Mahe, pou nou annan fasilite stokaz ki pou ed bann *suppliers* pou zot kapab gard pri rezonnab pou bann fermye. Mersi.

MR DEPUTY SPEAKER

Mersi *Minister*. En dernyen enterven an lo sa kestyon, Onorab Bistoquet?

HON ANNE BISTOQUET

Mersi Mr Speaker. Eski Minis i kapab enform nou, konbyen i kout Departman Lagrikiltir pou anmenn sa bann diferan sipor pou lakominote fermye lo Praslin, parey loter kestyon pe demande?

E eski Minis i satisfè, ki sa bann sipor pe ede ogmant rekolt, fer desann pri e kree travay ek devlopman lagrikiltir lo sa zil? Mersi.

MR DEPUTY SPEAKER

Mersi Onorab. *Panel?*

MINISTER FLAVIEN JOUBERT

Mersi Mr Speaker. Mr Speaker, i annan diferan kalite sipor ki Departman Lagrikiltir i anmenn kot bann fermye. Parey mon'n nonmen stok ozordi lo stor i ariv plis ki 1.2 milyon.

Me sa i stok ki nou renouvle parfwa i monte e nou anvoy materyo. Me selman a lafen lannen nou kapab fer en kontrandi nou konn egzaktman kantite nou'n vann. E nou pe vann a en pri vreman rezonnab pou bann fermye kapab bes zot kou prodiksyon e anmenn sa pli bon rekolt.

Lo kote lezot sipor, nou annan servis ekstansyon ki Sandra i la obor mwan, li ki responsab Servis Ekstansyon.

Nou'n akseler en bon pe nou travay lo kote ekstansyon, pou nou fer sir ki bann fermye i ganny konsey e zot reste konekte avek departman pou zot kapab ganny diferan sipor.

I osi annan bann sipor, par egzant letan en dimoun pe enport serten keksoz, i annan zot risk ki vreman ba. I annan bann *loan* ki rezonnab - nou pe koz 2.5poursan pou zot akse avek *DBS*.

Alor i annan en kantite bann sipor ki nou pou bezwen. Nou kapab met dan en latay e met li pou lakantite fermye ki'n *apply* lo kote Praslin e donn detay e zot ava war poudir sipor i aktyelman ase sibstansyel.

Resaman par egzant nou'n fer en pe travay lo bann sistenm delo lo kote Praslin, pou ki i annan sistenm *network* delo, baraz eksetera, pou fermye kapab benefisyè avek. E i annan plizyer keksoz ki toultan nou pe met lanfaz lo la.

E osi zis pou re konfirman, nou'n deza koz lo la labatwar plizyer fwa - Labatwar Praslin zot lekipman in ganny peye e son lekipman pe arive pou nou kapab met sa labatwar an mars lo kote Praslin.

Alor tousala i bann depans ki nou pe fer, ki Gouvernman pe fer pou benefis bann fermye lo

Praslin. Me osi i annan en kantite depans ki nou pe fer lo Mahe ek lezot landrwa parey La Digue, pou ki tou dimoun ki kapab kit zot kou zot prodiksyon ba e anmenn sa rekolt ki neseler.

Lo kote rekolt, nou annan nou *survey agricultural* ki *ongoing* e sa i pou donn nou en bon portre ki kote nou ete egzaktaman ozordi. Mon krwar i pou en lenformasyon enportan, pou nou vremen konpran ki lenpak sa bann lenvestisman pe annan lo kote prodiksyon ; ki lenpak i annan lo lespas ki nou pe kiltive konpare avek avan.

E ki mannyer nou pe osi ed bann ferme, pou zot devlop zot biznes pou zot vin pli rezilyan demen e non pa a toultan pe zis depan lo bann ptipti keksoz ki Gouvernman I donnen.

Me pou nou osi konsyan ki i annan sekter prive ki toultan kapab antre e nou osi kree lespas pou sekter prive osi apiy Sekter Lagrikiltir pou li osi fer son kontribisyon. Mersi.

MR DEPUTY SPEAKER

Mersi Minis. Dernyen kestyon pou ozordi, 168 dan non Onorab Michel Roucou. E mon swete avek kestyon e larepons, nou ava kapab rann *SBC* lantenn 12:30. *Proceed* Onorab.

HON MICHEL ROUCOU

Mersi Mr Speaker. Bonn apre midi Mr Speaker. Bonn apre midi Minis ek ou lekip ankor. Minis mon kestyon i la koumsa ;

Eski Minis i kapab dir avek Lasanble, konbyen dimoun ki'n anrezistre pou fer *beekeeping* kot lakour e si i annan en Lalwa ou regilasyon pou kontrol sa aktivite, vi ki i annan konplent par bokou dimoun lo aktivite mous dimyel par *beekeepers* dan vwazinaz?

MR DEPUTY SPEAKER

Mersi Onorab. Larepons, *panel?*

MINISTER FLAVIEN JOUBERT

Mersi Mr Speaker. Mersi Onorab pou sa kestyon. Mr Speaker i annan aktyelman anviron 85 dimoun ki pe pratik apikiltir dan Sesel, me i annan 7 ki'n formelman anrezistre avek Departman Lagrikiltir. Parmi sa 7 i annan 4 ki pe fer elevaz mous dimyel dan bann kondisyon ki nou kapab dir kot lakour.

An se moman napa okenn Lalwa, oubyen regilasyon ki govern sa kalite aktivite, me i annan en *guideline* ki'n ganny devlop par *Livestock Committee* ki donn gidans pou fer elevaz

mous dimyel lo nivo komersyal.

Me selman la mon ti a voudre fer 2 klarifikasyon Mr Speaker, nou'n koz lo lefet ki nou pe drafte e nou an diskisyon avek bann partner, pou en Lalwa Lagrikiltir e dan sa Lalwa Lagrikiltir pou annan provizyon pou nou regle sa bann kalite aktivite.

Me osi kot i konsern bann nwizans ki asosye avek en tel aktivite, i annan lezot provizyon ki pa nou ki administre ki kapab ganny servi.

Par egzantp bann provizyon konsernan nwizans ek danze pou piblik i kapab ganny aplike si sityasyon i ekstrenm. Dapre kriter ki'n ganny etabli pou anrezistre koman en apikilter, sa dimoun i bezwen annan omwen 5 bwat; later i bezwen lo ou non – lo non sa dimoun, ouswa i bezwen annan permisyon an ekri sa propriyeter sa later kot sa aktivite pe ganny fer.

Me par kont apikilter bwat sa group mous dimyel i sipoze ganny met 30 met zistans avek okenn rezidans.

Departman i okouran ki i annan posibilite ki mous dimyel i koz en problem dan serten vwazinaz. E depi lannen pase nou'n ganny rapor 3 ka, nwizans koze par mous dimyel, ouswa danze koze par mous dimyel. En ka i

dan distrik Anse Etoile e 2 i dan distrik Mont Fleuri.

Me fodre note ki zis sa ka Anse Etoile se ki en apikilter anrezistre. Savedir dan distrik Mont Fleuri nou ti'n rikord 2 i pa en apikilter ki formelman anrezistre avek Departman.

Dan tou le 3 ka, nou bann zofisye in travay avek bann apikilter pou rezourd sa problem, par egzantp pou ou deplas sa bann bwat dan en lokasyon ki pli apropiye.

Minister pe kontinyen fer zefor pou idantifye bann sit kot elevaz mous dimyel i kapab ganny fer, san ki i afekte bann kominote. E nou pe osi travay konzwentman avek Lasosyasyon Apikilter Sesel, avek ki nou annan en bon relasyon travay, pou edik bann dimoun ki enterese dan sa size apikiltir lo bann bon pratik ki zot merit adopte, pou evite ki sa sekter ki aktyelman pe fer ase byen, i vin en problem pou nou bann kominote dan pei. Mersi.

MR DEPUTY SPEAKER

Mersi *Minister*. Onorab, ou annan siplemanter?

HON MICHEL ROUCOU

Minis, dizon si i arive demen i annan okenn endividi ki petet i annan serten konsern lo la, si ou kapab pou benefis bann dimoun deor, ki bor zot pou ale, lekel bann zofisye ki zot

pou vwar? E apre osi dan ki dele letan Minister i pran pou zot kapab – ou kapab dir *deal* avek en sityasyon parey? Mersi.

MR DEPUTY SPEAKER

Mersi Onorab. *Panel?*

MINISTER FLAVIEN JOUBERT

Mersi Mr Speaker. Mon'n nonm en unit dan Departman ki travay lo apikiltir e sa zofisye nou kapab donn zot – nou kapab donn bann *DA* limero sa zofisye e zot a kontakte li letan i annan okenn problem ki leve.

Lafason ki nou *deal* avek normalman get bann pratik sa bann dimoun ki zot pe fer; trouve si i annan okenn solisyon ki kapab ganny fer lo sa sit menm, ouswa bann fason ki zot pe zer mous dimyel.

Par egzanp lafason zot pe *manage* zot bann larenn pou anpes li anvole avek en ta mous dimyel otour li.

Me i osi annan depasman bann bwat dan en landrwa pli apropiye. E ozordi par egzanp nou annan korperasyon avek *Parks and Garden Authority* ki osi in enplike dan trouv bann solisyon pou dimoun ki annan problem bwat mous dimyel.

Me depasman ek solisyon i pou depan lo sa

sityasyon, si en sityasyon ki vremen grav, ki pe koz danze pou dimoun ; par egzanp i pe koz danze pou manrmay, pou zannimo e pe vremen koz en problem serye, nou bezwen fer i deswit.

Me selman i annan serten ka kot nou bezwen trouv en solisyon ki adapte, kot sa dimoun i kapab transfer son bann bwat mous dimyel e met li an sekirite dan en lot landrwa e sa i kapab pran en pe letan, akoz pa toultan ou kapab ganny sa bon landrwa pou met li. Mersi.

MR DEPUTY SPEAKER

Mersi *Minister*. Onorab Pillay?

HON SEBASTIEN PILLAY

Mersi Mr Speaker. Mr Speaker, mon en pti pe perplekse. Kestyon in dir poudir i annan plizyer konplent, be dan son larepons Minis in nonm nou zis 3 konplent. So kote sa plizyer konplent in ale an relasyon avek sa bann dimoun ki pe gard mous dimyel?

E mon'n note osi ki dan sa bann *meeting* piblik avek Prezidan, ti annan en *commitment* par Gouvernman, pou ankouraz plis dimoun pou sonny mous dimyel, akoz son lefe pozitiv ki i annan lo devlopman lanvironnman. E lefe ki nou en pei ver, nou en pei ki bezwen gard nou verdir,

mous dimyel i zwe en rol enportan dan polinasyon.

So mon ti a kontan konnen ki pozisyon ki Gouvernman pe pran? Eski zot le al kontrole prezan, oubyen eski zot le ankouraz plis dimoun? Konmsi klarifye pou nou.

Mon konpran si en dimoun pe fer li lo en baz komersyal ou bezwen annan serten standar mon'n war en Lalwa la dan lezot pei ki vini, me si en dimoun i annan son lespas, son landrwa, eski la ou pou la entrodwir nouvo regilasyon pou fer sa aktivite vin pli difisil pli konplike?

Akoz mwan mon krwar sa kestyon pe target swa en dimoun, aköz mon pa'n tann okenn – mon pa'n tann ou dir poudir ou'n ganny plizyer konplent. Mersi Mr Speaker.

MR DEPUTY SPEAKER

Mersi Onorab. Mon ava dir *panel* evite ek sa zafer sa kestyon pe target en dimoun, aköz *then* i pe *insinuate* ki Onorab in anmenn sa kestyon *in bad faith*, ki mon pa krwar sa i leka.

So annou koz lo lakantite konplent ki'n gannyen e an term regilasyon. Klarifye silvouple. Mersi.

MINISTER
JOUBERT

FLAVIEN

Mersi Mr Speaker. Mr Speaker, si mon'n lir byen kestyon in i dir i annan konplent, alor in annan konplent, me selman pou klarifye se ki in annan konplent menm si nou annan 3 ka, i annan repetisyon konplent.

Alor in annan ka kot konplent in ganny fer a plizyer repriz e nou, nou pe tret li koman bann keksoz ki nou bezwen *deal* avek, menm si nou koz plizyer ouswa nou pa koz plizyer, me selman i en keksoz ki enportan pou nou deal avek.

Akoz nou pa ti a voudre parey Onorab in dir, ki dimoun i vir kont en lendistri, ouswa en pratik ki nou konnen i anmenn benefis pou nou pei e i bon pou nou pei an zeneral ek nou bann dimoun.

Alor eski nou pe dekouraz dimoun pou sonny mous dimyel? Non. Me selman i annan de ka kot mous dimyel i kapab antre an konfli avek bann rezidans e nou bezwen fer sir ki i ganny fer byen e ki nou pa war nou dan en sityasyon kot dimoun i komans pa dakor pou annan sa aktivite obor li.

Alor sa ki nou fer la ozordi i ou enfliyans lafason ki dimoun i aksepte mous dimyel dan lefitir. Alor pou mwan, i neser pou nou pran aksyon la, pou nou fer sir ki nou fer

keksoz byen, pou ki dan lefitir nou kontinyen annan sa lakseptans annan mous dimyel, sankwa tou dimoun pou le tir mous dimyel obor li.

Alor Mr Speaker, mon pa trouv okenn nanryen mal dan ozordi travay avek bann dimoun ki dan sa lendistri e ankouraz zot pou nou annan en pli bon pratik, me annan regilasyon.

Reglemantasyon se dimoun i bezwen anrezistre e i bezwen tonm dakor pou li swiv serten pratik. Nou pa pe regle li poudir li ou bezwen tel kantite - konmsi nou pa pe vin kontrol tou sa ki i fer dan son landrwa ki i pe travay.

Me i bezwen oblize swiv serten prensip – serten pratik pou asire ki tou dimoun i kontinyen war benefis avek sonny mous dimyel dan pei. Mersi.

MR DEPUTY SPEAKER

Mersi *panel* pou larepons. Ou annan klarifikasyon Onorab?

HON SEBASTIEN PILLAY

Mersi Mr Speaker. Mr Speaker, resaman nou'n komans war dimyel lokal ariv lo marse e standar menm bann etranze ki'n vin isi i dir ou standar i pli o ki bann enternasyonal.

Mon pa ti a kontan ki ozordi dan Lasanble, ou vin

koz 2 langaz avek en lendistri ki annan potansyel Sesel.

So eski ou pe donn en garanti dan Lasanble Nasyonal, ki an se ki konsern bann ka izole, ou pou al *deal* ek sa bann ka izole, me ou pa pou vin enpoz bann reglemantasyon, oubyen bann *guidelines* ki dekouraz dimoun pou pratik en aktivite ki annan en potansyel ekonomik enportan pou nou pei? Mersi Mr Speaker.

MR DEPUTY SPEAKER

Mersi Onorab. Si nou kapab ganny en larepons vitman pou...

MINISTER FLAVIEN JOUBERT

Mersi Mr Speaker. Mon pa pe koz 2 langaz dan Lasanble mwan. Sa bann *guidelines* i deza ganny dakor avek Lasosyasyon Apikilter Sesel. I pa en keksoz ki'n ganny enpoze par Departman, me i en keksoz ki ganny tonm dakor lo la e tou dimoun ki fer sa travay i dakor ki sa travay i ganny fer dan sa fason, pour ki nou tou nou kontinyen fer li dan en fason ki normal.

Alor pou mwan, i napa okenn 2 mesaz ki nou pe pas avek dimoun. I en lendistri ouswa en sekter ki pe mars byen. Nou annan en *unit* spesifikman pou travay avek bann dimoun, pou *train*, pou

ankouraze e pou donn lenformasyon lo sa sekter, e sa i pe kontinyen.

Alor si nou annan en langazman pou nou ankouraz sekter, mon krwar pa si nou pou pran mezir pou dekouraz dimoun antre dan sa sekter. Me selman letan nou antre dan sa sekter, akoz i en sekter ki kapab antre an konfli avek dimoun, i bezwen ganny fer dan en fason normal.

E bann guideline tou bann guideline i ganny devlope i ganny devlope avek korperasyon e avek lagreman tou bann ki enplike dan sa sekter. Mersi.

MR DEPUTY SPEAKER

Mersi *panel*. 3 minit ki reste nou avan 12:30 i annan ankor 2 kestyon, *can we have it short in 3 minutes?* Premye Onorab Bistoquet, apre i pou vin Onorab Audrey Vidot avek larepons. Onorab?

HON ANNE BISTOQUET

Mersi Mr Speaker. Eski Minis i kapab enform nou si i annan okenn zefor par son Minister, pou *liaise* avek bann lezot *stakeholders* tel ki Minis Lenvestisman ek *ESA* pou regroup bann *beekeepers* dan form en korporativ pou ogmant prodiksyon e eksport zot bann prodwi? Mersi.

MR DEPUTY SPEAKER

Mersi. *Panel?*

MINISTER FLAVIEN JOUBERT

Mersi Mr Speaker. I annan en Lasosyasyon ki deza an konversasyon avek Departman e sa i dan son konsepsyon teknik ek lenformasyon ek ledikasyon pou sa sekter.

Me i osi annan bann langazman komersyal avek Minister Lenvestisman ek Lendistri. E *ESA* i deza pe travay avek zot lo komersyalizasyon *packaging, market*, eksetera, eksetera.

E nou krwar ki sa korperasyon dapre sa ki pe obzerve, i pe mars ase byen e nou, nou krwar ki kapab devlope en pe plis ankor. E alor nou, nou la pou donn sa sipor, pou fer sir ki sa sa 2 group i kontinyen koze e sipor i ganny anmennen pou zot.

Me selman zis pou reasir Onorab, wi, i annan sa konversasyon e wi, i annan en bon korperasyon ki egziste ant bann apikilter ek bann ki enplike dan komersyalizasyon dimyel dan pei. Mersi.

MR DEPUTY SPEAKER

Mersi *Minister*. Dernyen entervenans lo sa kestyon se Onorab Vidot.

HON ANDREY VIDOT

Mersi Mr Speaker. Bonzour Minis ek ou delegasyon ek tou dimoun ki a lekout. Mon anliny avek konsern ki Dirizan Lopozisyon in met devan ou *with regards to* petet pou napa 2 diferan lapros.

Se ki par egzantp ou'n dir ki ou travay avek byen avek serten lezot Minister, mon pe regard parey dan bann le ka kot parey Minister pou Later, si par egzantp i annan en endividi kot li son propriyete kot i pe fer sa prodiksyon, e par anba i annan en *buffer area* e ki avan i ti ganny *designate* pou pa fer konstriksyon.

Me apre ou vwar ki i annan - Minister i sanz desizyon e ki *allocate* petet en lot dimoun avek sa landrwa, dan sa lanvironnman kot i annan tel aktivite. So ki sa lyezon ki zot annan ant sa 2 Minister pou asire ki ou pa pe detri enn, me osi pou pa pe osi anpese ki en lot i kapab annan serten devlopman? Mersi.

MR DEPUTY SPEAKER

Mersi Onorab. Nou ava envit *panel* pou larepons.

MINISTER FLAVIEN JOUBERT

Mersi Mr Speaker. Mersi Onorab. Onorab, mon pou reponn ou kestyon, me selman ou'n repet ankor sa ki *Leader* Lopozisyon in dir ki mon pe

pas 2 mesaz avek dimoun dan Lasanble.

Mon pa'n pas 2 mesaz, mon pe zis dir zot poudir annou travay byen e annou fer sir ki tou keksoz i annord pour ki nou pa bezwen vin enterfer.

So i enportan ki nou, nou pa'n - aktyelman Minister pa'n enterfer ek okenn dimoun ki pe fer mous dimyel, eksepte bann ki sa 3 problem ki nou'n koz lo la, la resaman.

Alor, nou napa okenn lentansyon pou nou vin enterfer ouswa pou vin kontrole ouswa pou antre avek nouvo regilasyon pou bann dimoun ki dan sa sekter.

Me kot i konsern later ek Minister Later, byensir nou an kontak avek Minister. E sa prensip ki Onorab pe koz lo la, i pa zis aplik pou mous dimyel, me i aplik pou lezot aktivite ki annan pou fer avek lagrikiltir.

Resaman nou'n koz lo proteksyon later lagrikiltir, pou ki i pa ganny anvair par lezot kalite sekter dan pei, pou ki nou kapab prezerv sa bann landrwa. E egalman si nou annan bann landrwa ki ganny konsidere koman ideal pou mous dimyel.

E i annan bann *buffer* ki ganny garde, nou pou bezwen osi met sa dan nou plan ki nou prezant avek Minister Later lo kote proteksyon bann lespas agrikol dan pei.

Nou'n deza *update* nou lalis later lagrikiltir, me i osi annan bann lezot morso later ki nou bezwen *update* e partaz avek *land use* kot *MLH* ki annan pou fer avek serten lezot aktivite, parey *agroforestry*, parey *beekeeping* ek lezot, pou ki zot konnen lekel aktivite ki pe ganny fer dan tel landrwa.

E zot osi zot kapab met sa bann provizyon dan zot planifikasyon letan zot fer bann *estate*. Mersi.

MR DEPUTY SPEAKER

Mersi *Minister*. Donk, sa in anmenn nou lafen nou sesyon *Questions for Oral Answer* depi bomaten. Nou ava remersi Minis Flavien Joubert ki Minis pou Lagrikiltir Sanzman Klima avek Lanvironnman ki'n zwenn nou depi bomaten.

E ankor enn fwa mersi pou retournen isi apre ki zot lekip antye ti'n zwenn nou yer bomaten. E la apre midi nou ava dir mersi Sekreter Prensipal pou Lagrikiltir, Mr Keven Nancy, Mrs Lynetta Joubert, *Chief Officer* dan Departman Lagrikiltir e osi Mrs Sandra Sinon ki *Chief Extension Officer* dan Departman Lagrikiltir.

Nou pou *adjourn* la nou pou rebran travay 2 er apre midi. E ler nou retournen nou pou annan en Prozedlwa apre

midi – *Curatelle (Amendment) Bill, 2024* ki *Bill No. 9* pour sa lannen.

ABC nou pou zwenn 1:15. Donk, nou pou *adjourn* ziska 2 er. Mersi.

(BREAK)

MR DEPUTY SPEAKER

Bonn apre midi tou Manm Onorab. *Welcome back* pou nou sesyon travay pou sa Merkrede apre midi ki ou prensipalman dominan par prezantasyon e deba e Staz Komite *Curatelle (Amendment) Bill, 2024*.

Be avan nou fer sa i annan 2 Manm Parti *US* ki'n demann mwan pou lev en *matter of privilege* e annakor avek *Order 25* nou pou pran li la. So kot *matter of privilege* i dwatet ganny leve e parey *Order 40* i prezize i dir, "la mon pou donn zot laparol

"*The Member shall briefly state the grounds on which the Member believes that the matter raised affects the privilege of the Assembly.*"

Donk, premyerman Onorab *Leader* Lopoziyon?

HON SEBASTIEN PILLAY

Mersi Mr Speaker. Bonn apre midi tou koleg Onorab. I korek ki mon'n ekri ou e mon'n enform ou ki mon oule *raise* en *matter of privilege* e mon

pou al direk lo mon *matter of privilege* ki mon'n osi ekri e ki mon kapab partaz en kopi avek ou apre.

Mon oule komanse par dir ki annakor avek lartik 95 ki dan en *meeting* kot Lasanble Nasyonal kot en *quorum* pa egziste, e en Manm ki prezan i obzekte lo sa *count* ki nou tranzakt biznes Lasanble kot en *quorum* pa egziste, sa dimoun ki *preside* sa *Sitting* i trouve ki napa en *quorum*, alors i bezwen *adjourn* Lasanble.

Pou *purpose* sa lartik en *quorum* i konsiste lanmwaye bann Manm Lasanble *at the time*. Sa i osi ganny pran dan *Order 10* nou *Standing Orders* ki pe prodwi ki en *quorum* Lasanble i "*consists of one half of number of Members present*" e Lord 10(2) i kler ki *at any time* ki latansyon Speaker i ganny *called by a Member*, pou labsans en *quorum*, *Speaker shall count the Assembly* e si lo premye *count* en *quorum* *does not exist, the Speaker shall call for division* oubyen finalman *the Speaker shall call for an adjournment of the House*.

Mr Speaker, letan mon'n fer resers mon *matter of privilege*, mon'n *come across* en lenstans kot sa in arive e sa ti le 9 Zen 2020, kot Speaker Prea ti oblize *adjourn* Lasanble apre ki *Caucus LDS* ti *walkout* an protestasyon ler ki Onorab

Gervais Henrie ti kit son plas apre ki i ti refize *apologise* avek Speaker Prea sa zour.

Mannyer mon konpran, Onorab Georges ti reste deryer pou li alert Speaker lo mankman en *quorum*. E sa ki Speaker Prea ti fer se ki imedyatman konte ki kantite Manm i annan. E apre ki Clerk ti konfirman ki napa en *quorum*, i ti *adjourn* Lasanble lanmenm.

Malerezman dan ka yer sa pa'n arive. Apre ki Deputy Speaker ti ganny notifie labsans en *quorum* par Onorab Johan Loze, olye *call* en *adjournment*, ou menm en *suspension of sitting* parey i rekomande anba Konstitisyon.

E *provided for* dan nou *Standing Orders*, Speaker in al kontreman avek son Lotorite koman *Presiding Officer*, ki ganny fer provizyon pou sa anba *Order 8(2)* ki dir ki, se Speaker ki bezwen *preside* dan Lasanble, me osi Speaker i bezwen *preside* dan nou Lasanble an akord bann lord, e bann prosedir dan Lasanble an plas.

Mon oule met lo rikord ki sa protestasyon *United Seychelles* i annakor e permisib avek *Order 9(6)* nou *Standing Orders*. Sa ki mon pe *maintain* ki nou privez in ganny afekte, sete bann *statement* ki sa *walkout* ti

malisy e politik, i osi *highlight* ki en dimuon ki pe *act* koman *Chair* Lasanble, i bezwen endepandan.

Malerezman ler nou pou dir ki en *walkout* i malisy e politik, i montre poudir sa dimoun ki dan Sez i kapab - regretableman mon bezwen dir - pa pe *act* dan en fason endepandan - i pe montre en *bias* lo en kote latab.

Sa i osi kapab ganny persevwar par sa dimoun ki pe *Chair*, i *hold* en *partisan view* aköz i war en latak politik dan sa ki sa kote latab in deside pou fer.

Mon oule met lo rikord ki sa bann *statement* koumsa i *impute* en *improper motive* anba bann Manm *United Seychelles* ki ti fer sa *walkout*.

Dezyenmman, par lese - par komans fer e *instigate* en deba e bann *statement* lo koup saler bann Manm *United Seychelles*, ki ti ganny osi rebran par bann Manm lo kote bann Manm mazoriter ki ti dan Lasanble sa letan, i osi *unconstitutional* par lefe ki sa bann *statement* ki ti ganny fer menm dan labsans en *quorum* ti'n fini idantifye par Lasanble Nasyonal.

Statement ki *US Caucus* - savedir *United Seychelles* pa ti anvi travay e ti pe *obstruct* travay Lasanble, i osi *impute* bann *improper motive* e *it calls into question* lenparsyalite

Lofis *Chair* kot ler ou'n les Onorab Andre *state* ki sa i afekte son privez.

Mon ava note ki le 9 Zen ti annan en aksyon similer fer par Onorab Waven William, me sa ti ganny fer avan ki en *quorum* ti'n ganny vwar pou pa egziste dan Lasanble Nasyonal sa letan.

Mon konsernen avek sa bann kalite konportman e i regretab. E mon bezwen dir ki a sa moman mon santi ki *Speaker* dan sa konteks *Deputy Speaker*, ti pe *act* non pa koman *Speaker* Lasanble, me plito koman *Sekreter Zeneral LDS*.

Nou'n etabli ki le 9 Zen 2020 *loss of a quorum* ti devret *prompt* en *adjournment*. Savedir ki Lasanble ti devret *adjourn*. Sa bann latak ki'n ganny fer lo *Caucus United Seychelles* ti mal plase, pa konstitisyonnèl e ilegal.

Par les sa bann *statement* ganny fer e pou osi les zot reste lo rikord Lasanble Nasyonal, i al kont nou Konstitisyon e nou *Standing Orders*. Alors en vyolasyon nou privez koman Manm Lasanble Nasyonal.

Se pour sa rezon ki mon demann avek *Speaker*, dan sa konteks *Mr Deputy Speaker*, ki tou *statement* ki'n ganny fer apre ki *Deputy Speaker* ti'n ganny alerte lo labsans en *quorum* dan Lasanble

Nasyonal, i ganny *expunged from the record of Proceedings forthwith*; e ki sa son bann rikord i ganny retenir selman pou bann *statement* ki'n ganny fer avan ki Deputy Speaker ti ganny alerte ki napa en *quorum*.

Mon *submit sa matter of privilege to the Deputy Speaker pou son ruling* lo sa size. Mersi bokou.

(APPLAUSE)

MR DEPUTY SPEAKER

Lot Manm ki ti'n demann laparol, Onorab Johan Loze. Mersi.

HON JOHAN LOZE

Mersi Mr Speaker. Mr Speaker, yer mon ti pran en senp aksyon kot mon ti alert ou konmkwa ki Lasanble Nasyonal ti napa *quorum*. Mon ti fer mon aksyon baze lo presedans etabli Lasanble Nasyonal, ki mwan mon ti'n krwar e aksepte koman norm Lasanble Nasyonal.

Zedi le 9 Zen lannen 2020, Onorab Georges ti alert Speaker Lasanble Nasyonal an dizan,

"Mersi Mr Speaker. Mr Speaker ou pa pou etonnen, ki mwan mon'n reste deryer, aköz nou bezwen en dimoun reste deryer pou enform ou ki anba *Order 10(2)* nou napa en

quorum. E donk, nou travay pa pou kontinyen."

Aprè in kontinyen ek serten lezot keksoz ki an deor sa. Be Speaker Prea ti demann avek Deputy Clerk pou konte konbyen Manm ti annan e Deputy Clerk ti dir li,

"Mersi Mr Speaker. Bonzour Mr Speaker, mon'n rikord 14 Manm ki prezan *in the House* an se moman." E desizyon Speaker ti konm tel;

"Mersi. 14 Manm prezan i vedir ki nou anba nou nonm aktyel pou *quorum* ki 17. Anba nou *quorum* aktyel pou *quorum* ki 17. Savedir nou napa en *quorum* e Lasanble pa pou kapab kontinyen la bomaten. Nou pou *adjourn* ziska ler nou fer *ABC* taler. E la mon demande ki *ABC* nou pou fer *ABC* pou anvoy li pli boner 10:30."

Mr Speaker, mon'n lev sa *matter* avek ou aköz yer aprè ki mon ti'n alert ou ki napa *quorum*, i annan serten kestyon ki ti'n ganny leve lo motiv aköz mon ti'n fer sa. *Again* mon soumet *to the Chair* ki *this is a norm* ki'n ganny etabli atraver presedans par parti *LDS* li menm, *from* aksyon Onorab Georges ki *LGB*.

So mon soumet sa avek ou Mr Speaker, e mon swete i a ganny en *ruling* lo bann keksoz ki'n ganny dir lo

motivasyon pou lakel mon ti fer mon aksyon yer. Mersi Mr Speaker.

MR DEPUTY SPEAKER

Order 40(4) i dir,

“ The Speaker shall then state whether the matter may or may not affect the privileges of the Assembly.”

Okenn par dan *Standing Orders* pa dir kan Speaker i bezwen fer sa. Donk, nou pou *move* lo nou lot *item* aprezan lo *Order Paper* e sa i *Second Reading of Curatelle (Amendment) Bill, 2024 – Bill No. 9 2024*. Mon ava demann *Hansard Reporter* pou apel *panel* ki pe vini pou apre midi. Mersi.

Bon, nou ava *welcome panel* ki fek zwenn nou dirize par Vis Prezidan Mr Ahmed Afif e i akonpanyen par Mrs Julia Jean ki Legal Draftsperson kot *Attorney General’s Office* e osi Ms Shireen Denys ki *State Counsel Attorney General’s Office*.

Mon vwar lanmen *Leader* Lopoziyon anler – ou’n kriye *point of order*, ou ava *state* egzaktaman anba ki *Order* ki ou pe lev en *point of order*, silvouple?

HON SEBASTIEN PILLAY

Mersi Mr Speaker, anba *Order 40* mon ti a kontan ki nou reganny pou ou *ruling* lo sa

size. As i mon lenterpretasyon *Standing Orders* i egziste ki ou le sel *judge of en matter of privilege*, ou *en point of order* ki’n ganny raised.

I annan 2 *matter of privilege* ki’n ganny raised avek ou e ou devret sipoze *rule* lo la.

Eski ou pe dir ek Lasanble ki ou pa pou *rule* lo sa 2 *point of order*?

Eski ou pe dir ek Lasanble ki ou pe rezerv ou *ruling* lo sa 2 *point of order*?

Eski ou pe dir ek Lasanble ki ou pe ekspekte Speaker Mancienne *rule* lo sa 2 *point of order*? Akoz sa ki nou’n tande avek ou, i ki pa pe donn en *ruling*, eski mon’n konpran sa ki ou pe dir nou la? Oubyen eski ou pe *mean* en lot keksoz?

Please klarifye pou nou *as is your authority* anba *Order 8* nou *Standing Orders*, akoz nou la pou nou travay ozordi e mon pa ti a kontan ki nou annan en repetisyon en sityasyon kot nou pe ekspekte ou, ou donn nou en *ruling* an relasyon avek en size ki konsern ou Lofis.

So please redonn nou ou *ruling* pou nou kapab kler lo la. Mersi bokou.

MR DEPUTY SPEAKER

Mersi Onorab. Mon’n sit *Order 40(4)* i dir,

“The Speaker shall then state whether the matter may or may not affect the privileges of the Assembly.”

E mon’n dir napa okenn par dan *Order 40* ki dir kan Speaker i fer sa. Mon pa’n dir ou’n mal tande *whatever* ki ou’n tande - sa ki mon’n dir.

Now, bomaten ou’n vin vwar mwan e ou’n dir ek mwan and this is why I read 40(3) kot i dir,

“ The Member shall briefly state the grounds” e ou’n dir ek mwan mon pou reste within sa and then mon war ou vin ek 2 paz A4. So you had time to prepare, calculate, use your word whatever fason ki ou’n anvi fer, and then you want me to give you a ruling now and then? Allow me to prepare myself.

When I am willing and ready, I will give you a ruling on your matter of privilege including that of Onorab Loze. So nou pe bouze avek –

HON SEBASTIEN PILLAY

(Off-Mic)

MR DEPUTY SPEAKER

... be mon ti’n fini dir. Nou pou *proceed* avek nou *Bill*, ozordi apre midi. So mon pou bezwen *request en Motion for Second Reading of the Bill*. Mon war lanmen Onorab Andre anler?

HON CLIFFORD ANDRE

Mersi Mr Speaker. Mr Speaker, *in accordance with Order 69(2) mon pe move ki Curatelle (Amendment) Bill, 2024* i ganny lir en Dezyenm Fwa.

MR DEPUTY SPEAKER

Mersi Onorab. E mon pou bezwen demann en Manm prezan pou segonn sa Mosyon. Onorab Naidu?

HON SATHYA NAIDU

Mosyon anmennen par Onorab Andre pou permet *Second Reading* Prozedlwa devan nou, i ganny segonde. Mersi.

MR DEPUTY SPEAKER

Mersi Onorab Naidu. Aprezan mon ava envit Vis Prezidan Ahmed Afif pou fer son prezantasyon lo *Bill* silvouple.

VICE PRESIDENT AHMED AFIF

Mersi Mr Speaker. Bonn apre midi Mr Speaker. Bonn apre midi *Leader* Lopozisyon e tou bann Manm dan Lasanble Nasyonal e tou dimoun a lekout.

Mr Speaker, nou’n trouv nou ozordi pou nou anmenn en Prozedlwa koman en nesesite, pou nou kontinyen amelyor nou kad legal e pli byen deservi nou sitwayen, kot i konsern bann ka

siksasyon e ladministrasyon bann byen an siksasyon.

Se pou sa rezon ki nou annan devan nou sa *Bill, Curatelle (Amendment) Bill, 2024*. Sa lamannman dan *Curatelle Act* pe ganny propoze apre bokou konsiltasyon e deliberasyon swivan Lalwa pou annan en *Curator* ki nou ti met an plas an 2022.

Lobzektif sa lamannman se pou adres bann mankman spesifik e bann lenkonsistans ki egziste dan *Curatelle Act 2021* e osi dan *Civil Code of Seychelles Act, 2020*.

Sa bann mankman i parfwa enterfer avek lefikasite administrasyon bann byen an siksasyon, espesyalman dan bann ka kot napa egzekiter ki'n ganny apwente avan sa Lalwa in vin operasyonnel an 2021.

Alor premyerman, i entrodwir en provizyon ki donn *Curator* diskresyon pou li apwent ek egzekiter dan bann sironstans kot napa egzekiter ki'n ganny apwente oparavan.

Sa i en amelyorasyon enportan, ki pou asire ki bann byen an siksasyon ganny administre dan en fason vit e efikas, kot sa i a redwir retar e lensertitid pou bann benefisyer.

2enm lamannman ki nou pe propoze anba 41, i preskrir ki en dimoun ki annan lentere

lezitim e legal dan en siksasyon, pou ganny li 12 mwan pou fer en laplikasyon pou li ganny apwente koman egzekiter. Sa 12 mwan pou komans marse ler sa Prozedlwa pou komanse.

Sa provizyon in ganny konsevwar pou anmenn leklersisman etabli en dele letan kler, pou en dimoun ki annan en lentere dan en siksasyon azir.

Sa pou asire ki siksasyon i ganny zere pandan en peryod letan ki akseptab. Finalman Mr Speaker, pou asire ki i annan konsistans atraver nou kad legal, nou pe osi propoz serten lamannman miner me esansyel dan *Civil Code of Seychelles Act, 2020*.

Sa bann lamannman pou asire ki rol e responsabilite *Curator* i ganny klerman defini e ganny alinyen avek sa Prozedlwa. Nesesite sa bann lamannman in vin akoz bann defi pratik ki'n ganny obzerve depi lenplimantasyon *Curatelle Act, 2021*.

Bann sityasyon kot napa egzekiter ki'n deza ganny apwente, in anmenn lensertitid e difikilte administrativ pou bokou letan. Par donn en *Curator* diskresyon pou apwent egzekiter, nou pe promot en sistenm ladministrasyon bann

byen an siksesyon ki pli efikas.

An plis, lamannman dan *Civil Code of Seychelles Act*, i asire ki nou bann Lalwa i konsistan, azour e reflekte bann pratik legal e administrative aktyel.

Sa Prozedlwa i en testaman nou komitman, pou kontinyen amelyor nou sistenm legal e adres bann problemn pratik e amelyor lefikasite e asire ki ladministrasyon bann byen an siksesyon i ganny zere dan en fason ki zis e pandan en peryod letan ki akseptab.

Mr Speaker, avek sa mon prezan ek Lasanble Nasyonal sa Prozedlwa *Curatelle (Amendment) Bill, 2024* pou zot konsiderasyon e zot laprouvasyon e mon kont lo zot sipor. Mersi bokou Mr Speaker.

MR DEPUTY SPEAKER

Mersi *VP* pou lentrodiksyon lo sa *Bill* ki devan nou. E aprezan lot *item* se pou envit bann Manm pou deba lo merit zeneral sa *Bill*. E alor lasal i ouver. Premye lanmen ki mon war se Onorab Clifford Andre. *Please proceed.*

HON CLIFFORD ANDRE

Mersi Mr Speaker. Mr Speaker, en tel lamannman dan *Curatelle Act, 2021*, i demontre komitman ki

Gouvernman i annan pou revwar Lalwa.

Lalwa i en lenstriman ki dinamik. Son laplikasyon par ler, oubyen ler i pe ganny aplike, ki ou vwar serten modifikasyon ki bezwen ganny fer, pou fer sir ki sa ki parlmanter i swete, oubyen sa ki piblik i swete i ganny aplike dan son totalite.

E alor sa nesesite pou vwar lamannman ganny anmennen o fir a mezir e letan nou progrese, pou fer sir ki sa bann laplikasyon i ganny fer.

Mr Speaker, en tel lamannman parey dan seksyon 24A kot i dir *Curator* i kapab apwent en egzekerter, kot enn pa'n ganny apwente dan lepase. Sa i vre aköz ou konnen letan ou al Ankour, ou apwent en egzekerter parfwa i annan bann retar.

I pa bann retar ki ganny mete la, me i bann retar ki i annan lobzeksyon par serten, i annan lezot keksoz ki – en serten repons i ganny fer, kot bokou fwa nou vwar ki bann dimoun pe - par ler zot senpleman obzekte vremen napa baz dan zot lobzeksyon, me ki sa i koz serten retar.

E par ler bann dimoun osi ki oule apwent en egzekerter, zot fristre e zot dekouraze e i annan ki *give up*. Alors pa donnan pouvwar *Curator* pou li kapab fer sa lapwentman, i tir en pe osi

presyon lo Lakour e sa i avan osi permet bann dimoun ki aletranze – parfwa i pa ni menm konnen si i annan later.

Oubyen i konnen i annan later, me zot vreman pa enterese e ki zot kree serten difikilte pou lezot dimoun ki isi, pou zot kapab formaliz lanrezistremman later lo zot, oubyen sa bann dimoun ki zot zeritye. E alors sa bann dimoun pa kapab posibleman par ler pran en *loan* akoz sa later i pa lo zot non.

Alor sa i demontre ankor enn fwa parey mon dir, komitman ki Gouvernman i annan – annefe Gouvernman *LDS* mon pou dir i annan - pou fer sir ki sa bann laspe later, ki'n size bokou bann *meeting* piblik menm mon pa ti Sesel, me solman mon'n swiv - in size bokou bann *meeting* piblik ki ti ganny fer dan bann distrik.

E alors pou kapab met - pa en lafen - me *at least* anmenn serten soulazman pou bann dimoun ki vwar zot dan sa bann sityasyon.

Mr Speaker, an donnan bann *time frame* ki sa bann lapwentman i kapab ganny fer, oubyen bann travay i kapab ganny fer, i osi demontre ki Gouvernman ladministrasyon *LDS*, in pran konsiderasyon ki i bezwen annan serten letan ki serten travay i ganny fer.

E si sa bann travay pa ganny fer dans sa dele letan, i annan posibilite ki bann ekstansyon i ganny anmennen, me i bezwen bann rezon valid, pou ki i kapab ganny konsidere e ganny met devan.

I montre ankor ennfwa letan nou pe get sa bann *consequential amendment* anba sa lamannman, i montre ki in annan konsiderasyon ki'n ganny pran pa zis dan en Lalwa, me lo lezot Lalwa ki kapab anmenn bann soulazman pou bann dimoun ki pou servi sa Lalwa.

E sa Mr Speaker, i osi fer ki nou bann avoka, e mon pou dir ki i annan serten komanter ki'n ganny fer par - mwan mon konnen i annan serten Manm - komanter ki'n ganny fer, me solman mwan mon konnen ki zot, zot pa ti *issue* okenn sertifika avoka avek person e zot, zot napa mon krwar, zot napa.

Akoz solman zot oule fer komanter lo avoka ki'n ganny en sertifika avek liniversite *competency* zot pe mantoun laba – ou tann zot, zot pe mantoun sa ki in dir sa i pe mantoun; solman mon konnen lekel - mon pou fer bann prosedir neserer anba Lalwa pou mwan war en remed e kekfw pran en pti pe zot bann resours finansyel ki zot annan.

Savedir *Civil Code* pe ganny amande as a *consequential amendment* parey mon dir i demontre komitman ki Gouvernman LDS dirize par Prezidan Ramkalawan avek VP Afif i annan, pou fer sir ki Seselwa – pep Seselwa i benefisye dan zot totalite avek servis e konfyans ki zot in donn LDS.

E ki zot pou kontinyen donn LDS, pou fer sir ki nou get en pti pe dan zot *welfare* e fer sir ki Sesel i kontinyelman benefisye.

Mr Speaker, avek sa 2 mo, mon le donn garanti VP ki mwan letan mon'n get sa Lalwa, mon vwar merit e mon war benefis ki Seselwa pou gannyen.

Alors mon pou donn ou mon sipor total e mon sir ki lo nou kote latab pou donn ou sa sipor. Mersi.

MR DEPUTY SPEAKER

Mersi Onorab Andre. Mon pa kapab pa'n antann omwen komanter ki ou'n fer. Ou ti premye Manm pou koze, nou pou *stick on the subject matter*, en? Nou pa pou al an deor pou komans enstige en kote lot kote. *I will not take this today.*

So because you are the first intervenan, take this as a warning everyone, whoever ki fer sa mon pou demann li pou kit lasal e si nou napa *quorum*, sa a vin en lot zafer.

Donk, lot Manm ki ti'n lev lanmen se Onorab Michel Roucou.

HON MICHEL ROUCOU

Mersi Mr Speaker. Bonn apre midi VP, Mr Speaker, VP ek ou lekipe. Mr Speaker, aneife sa lamannman ki VP ozordi in prezan avek nou, i vreman enportan. I enportan akoz ozordi ler ou pas dan plizyer landrwa i annan bokou propriyete i abandonnen, ki pa pe kapab fer okenn devlopman, ouswa menm bann lenfrastruktir li menm ki petet in tonm dan en leta, ki ou kapab dir ki menm bann dimoun ki la ki okipe li ki pa kapab fer nanryen akoz lo baz legal, i bezwen annan li en permisyon pou li kapab fer serten keksoz.

Akoz mon komans koumsa Mr Speaker? I enportan pou deor pou piblik ganny en konpran sa Lalwa li menm li, sa lamannman ki in ganny anmennen ozordi devan nou Lasanble ki sa i pou ed bokou zot.

I annan bokou manm piblik deor, ki petet zot pa ankor realize poudir se ki i annan sa Lalwa ki'n ganny met la a zot dispozisyon pou ede fasilite en pti pe zot bann tranzaksyon later, bann tranzaksyon familyal li menm li pou gete si zot bann keksoz i annord.

Ozordi Mr Speaker, ler ou get bokou bann demars ki ganny fer, dan lepase li menm li, nou'n war poudir i annan dimoun ki apre plizyer lannen ki zot in sey lager li menm li, pou zot kapab met zot keksoz annord.

E sa Lalwa ki la – sa lamannman li menm li i pou ede ki sa i a deblok en pti pe sa bann vatevyen ki zot ladan, pou sa ki ou kapab dir zot bann biznes fanmir an term zot propriyete.

Mr Speaker, dan lepase ki nou'n war, i annan bokou dimoun ki petet ti ganny en pti bout later avek sa dimoun ki i ti reste avek. Ki i ti travay avek li menm li, kot i ti dir be ale fer en pti – pran en pti bout laba mon boy, fer en pti lakaz ou ek fanmir.

E sa letan petet ti napa san bann zafer kot ou bezwen vin anrezistre sa bann dokiman legal, pou fer sir ki tou keksoz i annord. Ek letan ki'n pase sa bann dimoun ki ti annan sa bann - ou kapab dir sa bann laranzman zot in kit nou zot in ale zot.

Ozordi ki nou'n war nou war zot zanfan i la e dan sa letan ki nou pe viv ozordi, pou ou kapab fer nenport ki keksoz ou bezwen fer sir ki ou annan tou ou bann dokiman legal li menm li, an term lo kote later, pou fer sir poudir ou kapab premyerman pou ou

build lo la, ouswa bann lezot laranzman ankor bann lezot devlopman ki ou ti a voudre fer.

E sa Lalwa li menm li, sa i pou ede dan sa fason atraver *Curatelle* li menm li, kot i pou kapab ed bokou fanmir. E ozordi Mr Speaker, ki ou war?

Dan bann letan ki mwan mon'n travay avek *Housing*, mazorite fwa ki dimoun ki ti annan en propriyete ki zot ti pe reste lo la ki zot pa'n kapab devlope, se ki set akoz sanmenm sa bann keksoz koumsa, akoz ti napa en egzekiter ki ti kapab ganny apwente pou ede fasilite sa bann devlopman.

E bokou dimoun zot in war zot *end up* kot zot pe reste dan en *housing estate* – dan en flat, akoz zot pa pe kapab fer sa devlopman. Me avek sa Mr Speaker, avek ler pou kapab apwent en egzekiter li menm li kot *Curatelle* li menm li pou kapab ganny sa manda pou li fer li, kot i pou kapab ede petet pou tir en pti pe sa presyon, an term lo kote bann later ki abandonnen.

E osi bann dimoun ki petet anvi devlope, i anvi pran en *loan* pou li fer son lozman li menm li, ki demen i a tir en pe sa presyon lo Gouvernman li menm li, kot la bann dimoun i a kapab pran zot *loan*, pou zot batir zot lakour avek zot fanmir.

E osi Mr Speaker, en lot problem ankòr ki annan se ki, ozòrdi i annan bann fanmir ki pe reste lo bann propriyete, me zot anvi anmenn en devlopman ki pou ed larestan fanmir ki isi Sesel.

Me nou annan bann fanmir ki pe reste an deor Sesel, ki fer li vin difisil, akòz petet sa bann fanmir zot pe serye ganny kontak avek bann zeritye li menm li, ki pa Sesel.

E sa i vin bokou konplikasyon, akòz petet zot napa sa fason kominikasyon menm ki ozòrdi teknolozi in avanse.

I menm annan fanmir ki mwan mon'n zwenn i dir ou zot pa konnen lekel sa bann zeritye, sa bann dimoun ki zeritye, akòz zot pa'n zanmen annan kontak apre ki bokou letan ki bann fanmir in ale.

E mwan mon panse poudir avek sa Lalwa ki la, sa lamannman i pou ed sa lofis kot *Curatelle* laba pou li kapab apwent en egzèkiter pou ede kot i annan sa demars pou fer pli fasil.

Kot demen nou konnen kot demars legal, sa pou anpese kot i annan sa retar, sa vir an ron ou kapab dir e osi ed sa fanmir li menm pou devlop zot landrwa.

Mwan mon pa war okenn problem avek sa, me plito pou anmenn bokou soulazman pou fanmir; i pou

fasilit zot lavi. E osi sa lamannman i pou ed sa lofis kot *Curatelle* laba pou li kapab fer son louvraz pli fasil.

E mon fanmir osi tou i pou benefisyè lo la, akòz i annan sitan bokou nou e nou war ozòrdi ki sa propriyete ki nou okipe, ki li osi i pou benefisyè avek sa.

Akòz atraver *Curatelle*, zot pou kapab apwent en dimoun pou kapab pran en desizyon pou kapab ede, pou finaliz okenn bann dout, pou finaliz okenn keksoz legal i annan.

Mwan mon pou donn mon sipòr sa lamannman Mr Speaker, akòz mon war son lenportans. Mon war ki vizyon ki Gouvernman ki bor nou pe ale e kote ozòrdi ki nou anvi nou war nou pep.

Ozòrdi i kapab zot menm zot anmenn bann devlopman e tir en pti pe parey mon'n dir o komansman, bann presyon lo kote lozman li menm li. E fasilit bann devlopman, an term bann propriyete ki zis nou war li la dan distrik abandonnen, nou bezwen al red manm fanmir pou fer netwaye.

I annan menm ki pa reste Sesel parey mon dir, ki sa i a kapab fasilite en pti pe avek sa lamannman ki la. Mersi Mr Speaker.

MR DEPUTY SPEAKER

Mersi Onorab Roucou. Prosen entervenman ki'n demann pou li koze se Onorab Philip Monthy.

HON PHILIP MONTHY

Mersi Mr Speaker. Mr Speaker, sa *Bill* in vin a en moman - en moman kot Lofis *Curator* ler mon'n swiv dan medya, pe selebre 2 an depi ki *Curatelle Act* ti vin an fors le 01 Zilyet 2021, kot nou'n war lansman logo ofisyel sa lofis e osi zot sitweb.

Ler mon'n ekout Mr Lucas koze lo medya dan sa seremoni, plizyer konsern, akoz mon santi i enportan pou nou pou koz lo sa lofis dabor avan mon fer referans a *Bill*.

Akoz plizyer konsern ki mwan mon ti annan depi ki *Curatelle Act* in vin an fors, lo fonksyonman sa lofis ler mon'n ekout Mr Lucas koze in klersi en pe.

E enn nou bann konsern prensipal se lo vizibilite sa lofis, eski dimoun la deor i konnen ki Lofis *Curator* i egziste? Kote i sitye e ki son bann fonksyon prensipal ?

E osi Mr Speaker, lakantite ka ki sa lofis i aktyelman travay lo la, ti osi en konsern pou mwan. Mon ti pe mazine pou mwan kestonnen dan proses Bidze lannen pase, me nou ti vot lo son Bidze zot, zot pa ti vin devan Lasanble.

Me dapre Mr Lucas, son lofis i anrezistre anviron 25 ka par mwan ki fer 300 ka par lannen. E ler ou konsider en tel sif lo sa peryod 2 an, i fer 600 ka e sa pou mwan Mr Speaker, i en sif tre ankourazan.

E pli ankourazan ankor ler in ganny konfirman ki 75poursan sa bann ka in fini par ganny rezourd. I vedir ki 450 dan sa 600 ka in ganny rezourd. E sa menm avek serten defi ki enn parmi se zisteman konsernan vizibilite, komunikasyon avek lamas ki ler mon'n ekout zot, pe al ganny adrese.

Avek zot lansman zot nouvo logo ofisyel lo sitweb, sa i fer ki la deor bokou plis dimoun la deor pou vin plis ofe avek legzaistans ek fonksyonman sa lofis. E pou azout avek sa ankor sa ki Lofis *Curator* pe fer, la ozordi nou annan sa *Bill* devan nou ki pe propoz serten lamannman.

E ler ou pe vwar lakantite ka ki'n ganny rezourd ler ou get sa lamannman ki pe vini aprezan, i pou fer ki plis ka ankor pou ganny rezourd.

Olye 75poursan mon mazine i depas 85 - 90poursan ka ki pou ganny rezourd ler en egzekiter a ganny apwente.

E sa dele letan ki i etabli 12 mwan, pou ki en case i

ganny deal avek, apre lapwentman egzekiter.

E mon pou retourn en pti pe lo komanter ki Onorab Andre in fer, sa i souliny komitman Gouvernman pou adres bann sityasyon ki la deor e pou fer sir ki sa bann sityasyon i ganny *deal* avek, i ganny rezourd pou byennet nou sitwayen.

E donk, Mr Speaker, avek sa detrwa mo, avek lamannman ki pe ganny propoze, avek en biro ki mon war deza pet travay tre byen pou rezourd bann *case* ki pe afekte plizyer nou zabitan ki pe trennen dan plizyer lannen, mon napa okenn *nesesite difikilte pou mwan aport mon sipor pou sa *Bill* Mr Speaker. Mersi.

MR DEPUTY SPEAKER

Mersi Onorab Monthy. Mon a pas laparol avek Onorab Naidu.

HON SATHYA NAIDU

Mersi Mr Speaker. Bonn apre midi *VP* ek ou delegasyon. An 2021 nou ti pas sa Prozedlwa, *Curatelle Act*, pou kapab kree Lofis *Curator* e sa ti'n ganny fer apre Komite lo Kod Sivil ti'n fer rekomandasyon, pou etabli en tel antite se *CAA* ki'n apwent Mr Danny Lucas ki en dimoun ki mon annan gran respe admirasyon pour, baze

lo lafason ki i servi sa responsabilite.

Akoz ou bezwen annan en dimoun ki enparsyal e kapab pran desizyon dan lentere tou bann parti prenan, ki pou bezwen angaz avek son lofis.

Annefe avan sa responsabilite ti'n ganny konfyete avek son lofis, ti annan Rezistrar Zeneral ki ti pe desarz responsabilite, an sa ki konsern *Office of the Curator* pou administre bann bout later, kot Lakour in determinen konmkwa zot absan ouswa dan bann lenstans kot zot in mor e napa okenn zeritye.

Ler i annan later ki *vacant*, se la kot Lalwa i fer provizyon pou en egzekiter ganny apwente, se la kot *Curator essentially* pe pran *hold* Lakour. Akoz avan se Lakour ki ti apwent egzekiter e la tou keksoz kot i konsern siksesyon lo sa bann propriyete abandonnen, lo sa bann propriyeter ki pa dan Sesel, ouswa ki pa pe kapab zer zot propriyete. Andotmo bann propriyete ki napa okenn zeritye.

Alors sa avan ti anba *Curator of Vacant Estates*, la tou bann lamannman ki ti 'n pase atraver sa *Act 2022 – 2021* plito, i ti'n fer ki tou bann tranzaksyon ki relye

avek siksesyon, i tonm anba en sel antite.

E sa i ganny kouver atraver *Curator*, ki non selman i pou perform latas lapwentman en egzekiter, i pou osi administre e osi siperviz sa bann lapwentman.

E se pour sa rezon ki *Curator* i kapab *monitor*, ouswa swiv sa bann lapwentman e osi kapab demann egzekiter, pou li rann kont an sa ki konsern sa ki pe arive avek en *estate*. E sa size zeritye avek egzekiter i enn ki konsern popilasyon.

Annefe ou ti fer sa resorti yer Mr Speaker. E deba Kod Sivil mon rapel dan mwan Out 2020 dan Lasanble, ti enn ki ti'n tous en kantite lo sa size seksyon. E mon panse bi sa Prozedlwa ler nou ti'n pase, se zisteman pou permet *Curator* met en pe lord.

E annefe bann statistik ki mon koleg Onorab Philip Monthy in met devan, i souliny kantite travay ki'n ganny fer ziska prezan. E 75 poursan, i demontre klerman poudir dan konteks Sesel, sa size i reste enn ki enportan, ki irzan e lesansyel pe ganny fer pou adrese.

Akoz ler en dimoun i mor, i ekstrememan enportan lo lafason ki son leritaz i pou ganny partaze e ki kantite ki sak zeritye pou reservwar. E sa pou devret – oparavan ti'n

devret ariv pandan en peryod 2 an, avek lespri pou zisteman adres sa sityasyon later zeritye.

E nou konnen en kantite propriyete ; Onorab Michel Roucou in souliny plizyer ka, kot i annan dimoun i annan fanmir ki pe reste lo later, me i pa pe kapab devlop sa later, baze lo serten kontrent, aköz i kapab annan zeritye ki decide pou senpleman pa siny zot par.

Ouswa i annan mankman konprenezon e se la kot *Curator* i devret pe antre pou angaz bann parti prenan dan en dyalog, avek bi pou trouve en solisyon, pou zot kapab bouz de lavan.

E annefe lamannman 24(1) i donn en lot lenstans kot ou kapab *extend* sa proses, aköz mon panse pandan en dirasyon 2 an, zot in rankontre pa mal difikilte, ki'n fer zot anmenn sa bann lamannman delavan. Aköz *it's work in progress*.

E zot rekonnet bann lenstans. E byensir laprouvasyon i pou ganny donner dan lenstans kot i annan *without cause*. Savedir avek zistifikasyon legal ki akseptab.

E sak fwa ki ekstansyon a ganny donner i ava ganny donner, i ava ganny donner lo en baz 12 mwan e si fodre *reapply* me lesansyel i ava

ganny fer. Me konsern i reste dan bann lenstans kot i annan bann *estate* ki sitan larz, i pran plizyer lannen.

Eski *Curator* i pou annan sa diskresyon pou li fer en determinasyon, pou kapab met devan en peryod plis ki sa 12 mwan ki pe ganny preskrir dan Lalwa?

E annefe zisteman lo bann pwen ki mon koleg - mon bann koleg in fer resorti an relasyon avek sityasyon later zeritye dan pei, mon le zis lans en lapel avek tou bann paran ki annan zanfan, asize ganny en konversasyon, fer en testaman ki ava fer sir ki pa bezwen antre dan tou sa bann prosedir, annan sa matirite pou kapab rekonnèt serten keksoz e fer lesansyel.

E ler nou pe regard bann lenstans kot en fanmir in reste pou sepa konbyen lannen, anba *Civil Code* i annan preskripsyon. Byensir ou pou bezwen avoka. Wi i pou koute, me selman ou kapab *deal* avek en sityasyon, dan plas reste dan en sityasyon kot ou pa pe kapab menm pran en *loan* pou kapab konstri ou lozman.

Akoz i toultan retourn lo kote ki kantite zeritye i annan e ou pou bezwen lezot permisyon pou ou gannyen. Alors i ti a bon ki sa osi kot i posib i ganny eksplòre koman ou sa endividi.

E 3em pwen ki mon bezwen fer resorti, i annan lenstans kot zeritye ki annan par, li menm li i annan detruwa lezot bout propriyete lo son non. Li menm li ki annan tou byen *matérialiste*. E kekfwa i kapab annan sa enn ki mwens fortinen, ki vilnerab e pe reste lo sa bout later ki'n fer bann amelyorasyon neserer lo son lakaz ki trouv li dan en difikilte.

Byensir i en size *mindset*. I en size ki mannyer, eski nou pou regard nou menm nou, akòz a lafen dizour nou tou nou pou kit sa later e ou pou zis al avek sa ki ou'n vini koman en dimoun. Ler ou'n ne ou vin avek ou lekor, ler ou pe ale ou pe al avek ou lekor menm, ou pa pe al avek okenn lezot byen materialistik.

So mon pe zis lans en lapel avek bann dimoun ki trouv zot dan bann sityasyon, ouswa dan sirkonstans lavi ki favorab, aprann partaze e realize poudir ki dan en lot fason ou lot, lafason ki lavi i ete parfwa ou pou ganny rekonpanse.

Akoz mon'n remark pa mal ka kot dimoun, kot fanmir i senpleman soufer baze lo lafason ki serten lezot i azir.

E byensir Lofis *Curator* i la pou kapab fer lesansyel pou kapab adres sa sityasyon siksesyon, adres sa bann size ki relye avek propriyete

abandonnen, propriyeter kot ou annan propriyete ki pa dan pei e lezot ankor.

E mon le felisit Lofis *Curator* lo lefe ki zot in lans zot *website* ki fer ki i a vin en *portal* ki dimoun i kapab itilize, pou kapab aprann bokou plis lo bann servi ki sa lofis ki deservi piblik.

E mon felisit sa 25 *staff* pou sa bon travay ki zot pe fer. Mersi Mr Speaker.

MR DEPUTY SPEAKER

Mersi Onorab Naidu. La prosen Manm lo lalis mon donn laparol Onorab Loze.

HON JOHAN LOZE

Mersi Mr Speaker. Mr Speaker, tou politisyen ki en politisyen Sesel, i bezwen familye avek dosye ki pe ganny trete devan nou Lasanble ozordi.

Nou tou nou'n fer fas avek dimoun ki asiz devan nou eksplik nou diferan keksoz, mon'n aste par later mon gran tantin, mon'n fini peye prezan mon pa kapab fer konstriksyon, akoz i en par en later zeritye, prezan mon pa kapab *move in* – mon pa kapab ganny permisyon – mon pa kapab ganny *loan* – mon pa kapab ganny nanryen. Nou tou nou'n fer fas avek bann sityasyon.

Eski Lalwa ki devan nou pe fer provizyon pou reelman

rezourd sa bann sityasyon ? Ou annan nou sa bann later zeritye ki'n la depi 1950, 1960; ou'n annan nou later zeritye avek bann zeritye ki aletranze, i annan manm fanmir si i dir nou i pa konnen si i vivan si i mor, e nou annan tou sa bann sityasyon devan nou.

E la prezan enn bann morso ki ganny adrese par sa morso Lezislasyon devan nou, se ki nou annan nou sa bann later ki pa'n zanmen ganny fer provizyon pou zot e napa egzekiter ki zanmen in met an plas depi son 1950 - son 1960 *or whatever*.

Now, kot i vin difisil se ki, ou annan sa bann morso later kot ou annan zeritye ki reste lo la, ou annan fanmir, ou annan zot zanfan ou annan zeritye an zeritye parey nou kontan dir isi menm Sesel e ou annan ou en problemm leritaz ki pe grosi mon kapab dir plis letan i ale.

So eski Lalwa ki devan nou pou nobou *successfully* adres sa sityasyon? *Now*, si Lalwa pou kapab adres sa sityasyon, nou annan en kantite sa bann ka isi Sesel, be mon krwar ki nou bezwen fer lafanfar bokou bat lazeneral lo sa Lalwa, e anmenn sa konesans a laporte bann dimoun ki bezwen konnen ki i annan sa Lalwa la, i annan sa zouti, i annan lamannman ki'n ganny fer ki kapab permet zot

eksklizivman en serten sekour.

Mon pa konnen ki manner i pou ganny fer mwan, si pou servi medya, mon tann pe nonm *website* se pa kisisa – mon pa konnen si dimoun... I annan *website* me solman nou ki pou bezwen *figure out* kan manner konesans i ariv a laporte dimoun ki bezwen provizyon legal ki dan sa Lalwa pou asiste zot.

Mr Speaker, mon tann koze lo *Curatelle Office*, mon annan en kestyon la mwan prezan – mon annan en kestyon mwan, lavey ki Lalwa i vin dan Lasanble, nou lans *website*, nou piblik en ta statistik – 600, 300 ka, 75poursan konplasyon, mon pa konnen mwan, en ler mon krwar petet nou bezwen anmenn Mrs Mohideen laba al *RBM* zot *properly*. Parske mon tann en statistik, apre nou tann en leokri deor. I 2 diferan keksoz sa. I 2 diferan mesaz.

Mon'n ekout *Curator* mwan yer swar, me sa ki *Curator* pe dir, avek leokri dimoun deor i pa menm zafer. Mwan mon krwar *Curatelle Office* i bezwen ganny *properly result-based managed*.

Anvoy Mrs Mohideen vini fer en bon gete, odit zot, aranz kot bezwen aranze, sanz kot zot bezwen sanze, si

problenm i anler sanz anler, si problenm i anba sanz anba.

E mwan mon krwar Gouvernman i okouran li kot problenm i été dan *Curatelle Office*. Akoz nou, nou asiz isi dan Lasanble, nou pas Lalwa e nou pas en mesaz. La nou pa pe dir tou dimoun al laba ou a ganny en solisyon, e nou pe dir sa baze lo provizyon dan Lezislasyon.

Apre dimoun li ler i al pri, i pa al pri ek Lalwa li. I al pri avek fason ki son dosye i a ganny administre. E mon krwar sa bout osi i bezwen ganny adrese; inefikasite i bezwen ganny adrese. I annan serten keksoz nou pa pou kapab kontinyen tolere. Si dimoun i vin rod en servis i bezwen gannyen sa servis.

Now, si Lofis *Curator* i annan kontrent i bezwen rod resours. I enn nou bann partener se Lasanble Nasyonal, les nou konnen ki son kontrent, koumsa letan son demann i vin devan nou, nou a konpran. Nou a konpran e nou a lev nou lanmen anler, nou a vote pou li gannyen.

Be si son problenm i pa kontrent resours, me i linefikasite en dimoun ouswa en lot dimoun, *then* Gouvernman o pouwar pou bezwen pran li en desizyon e pran serten aksyon.

Akoz *otherwise* tou sa louanz ki Onorab Andre pe sante ki son Gouvernman i anvi fer sa, fer lot, fer lot pou ed Seselwa, be tousala pe evapore si apre ki nou'n pas Lalwa i pa ganny delivre.

E mwan mon swe se bann fanmir ki pe espere pandan tou sa letan, ouswa ki zot sityasyon in la pandan lontan, sa Lalwa i ava akord zot serten soutyen, serten soulazman ki zot a nobou bouz devan e war serten solisyon.

E Mr Speaker, en dernyen keksoz ki mon anvi met devan. Ou ti prezan ou menm Mr Speaker, dan *Bills Committee* kot nou ti annan serten lagreman lo lapros ki nou ti pou pran anver sa Lalwa, kot nou ti pou koz pou enform piblik, edik zot ki Lalwa i a zot laporte, ale sers en solisyon, mon pe dir sa, akoz dimoun i bezwen konpran ki nou travay osi i atraver lagreman isi dan Lasanble.

I pa zis sa ki nou'n vwar yer ; i pa zis sa ki nou'n vwar bomaten la i nou travay osi atraver lagreman. Nou travay atraver konsansis letan i neser.

Akoz yer ankor dan *Bills Committee* i annan serten sizesyon ki mon'n fer e i *stemming from that* i annan en lot *meeting Bills Committee*

ki'n ganny *called* pou kestyonn enn bann lazans Gouvernman – mon pe koz lo sa ki'n pase dan *meeting* Komite akoz Onorab Andre in koz lo sa ki pase dan *meeting Committee* konmela, so i *ok and free for all*.

Me selman mon le zis met a laporte piblik ki nou travay – *US* nou ti pe travay yer, nou ti dan *meeting Bills Committee* nou osi e ler i ariv ler pou travay pou pei, nou fer li. Mersi Mr Speaker.

MR DEPUTY SPEAKER

Prosen enterven an ki in endike i oule koze - so Onorab Pillay?

HON SEBASTIEN PILLAY

Mersi bokou e bonn apre midi Vis Prezidan avek ou delegasyon ki prezan e tou dimoun ki pe swiv Lasanble apre midi. Mon prezimen i annan bann dimoun ki annan lentere dan sa size, akoz mon'n zwenn a mal dimoun ki'n prezan konsern lo lakantite letan ki zot bann laplikasyon oubyen zot bann dokiman pe pran kot Lofis *Curator* ozordi.

Premye keksoz pou met lo rikord Mr Speaker, se ki mon pa war *Curator* prezan ozordi pou li reprezant son Lalwa. Mon war sa en gran dezapwentman e i mank respe pou Lasanble Nasyonal. En

Lalwa sitan enportan, *Curator* ti devret dan Lasanble Nasyonal e pe eksplik nou ki manner sa Lalwa pou ed li delivre lo son fonksyon pli byen.

I pa kapab absante e les sa dan pozisyon okenn lezot *staff* akòz se li ki annan responsabilite e se li ki annan tit legal ki'n ganny donner anba Lalwa e osi atraver nou Kod Sivil, pou li fer serten aksyon an relasyon avek propriyete e bann *estates* ki *vacant* oubyen bann siksesyon ki pa'n ganny determinen.

Mon krwar poudir ti neser pou ki nou annan en leksplikasyon pli larz. Mon apresye leksplikasyon ki Vis Prezidan in donn nou. In restrikte li lo - *basically* in restrikte li lo *objects and reasons* of sa Lalwa.

E nou'n pa kapab ganny nanryen an plis, akòz ozordi apre midi sa travay ki nou pe fer, ti devret dan benefis piblik Seselwa ki pe ekout nou e sa kantite dimoun ki pe konplent ki manner *Curator* pa pe delivre dan son fonksyon ozordi. E sa i pa zis mwan ki pe dir, i en lagreman zeneral ant bokou dimoun ozordi.

E si mon war sa bann lamannman in vini, i vin zisteman akòz sa - zisteman akòz i annan en problem lo *delivery* lo Lofis *Curator*. E i zis

parey toultan dan Gouvernman, i *deny* tou keksoz, menm si i pa konsern Gouvernman zot *deny*, zot kasyet, zot anpes dimoun konnen. E *there's no point* zot pe *deny*, zot pe kasyet. Piblik i konnen poudir i annan en problem.

E lans en logo pa pou rezourd problem ki ou annan e sa se delivre dan en latas ki ou'n gannyen pou fer. Mon prezimen petet kefwa *Curator* pe met 2 sapo - an menm tan i *Chairman* Komisyon Eleksyon, an menm tan i *Curator* e sa pe kree en konfli dan letan ki i annan pou li delivre dan en louvraz oubyen en lot.

So i enportan pou nou met sa lo rikord, akòz en kestyon fondamantal ki nou bezwen demande ozordi apre midi, se eski sa bann lamannman pou rann sa lofis pli efikas?

Eski sa bann lamannman pou permet dimoun ganny zot larepons, oubyen en determinasyon ler en keksoz in ganny met devan *Curator* dan en fason pli vit, e dan en fason pli kler e dan en dele letan ki rezonnab vizavi lezot keksoz ki pe arive - siksesyon oubyen propriyete.

Mwan mon konn en *case* ki en madanm ti zwenn mwan, i dir mwan depi ler son msye in mor i ankor pe espere e

laplikasyon in ale - ki *Curator* pe espere pou apwent en egzekiter i annan zis sa madanm – mon pa konnen. Konmsi pou mwan i montre ou poudir i annan en – konmsi nou le pas en kous verni lo tou keksoz, menm ler i napa nanryen pou fer ek politik.

Me nou pa devret pe fer sa. Nou devret k pe regard ki mannyer sa i anmenn en benefis pou dimoun la deor.

Mr Speaker, premyerman mon regard sa provizyon dan Lalwa ki'n koz li ki mannyer si i nesese dan en ka kot *Curator* i bezwen apwent en egzekiter, e i annan li 12 mwan pou li fer sa.

Mon krwar i byen in met sa 12 mwan, i ava si oule *prompt Curator* pou rann larepons lo en laplikasyon dan en fason pli vit. Me solman kestyon ki mon annan se sa 12 mwan, eski i pou aplik pou bann *case* osi ki deza dan lanmen *Curator*?

Nou konnen poudir Lalwa pa pran lefe retroaktiv me mon note ki anba seksyon 41 Gouvernman dan son lamannman, in sey anmas sa pou li propoze ki in entrodwir en nouvo seksyon 7 ki dir ki menm si i annan okenn bann *case* ki devan, ki annan en lenstriksyon avan Zilyet 2021, okenn dimoun ki annan *lawful interest* i annan 12

mwan pou li vin devan pou fer laplikasyon.

Mon war poudir Gouvernman in sey sov sa. Sa i byen. I dan lentere dimoun la deor, akoz sa bann propriyete ki reste dan *co-ownership* i anmar lanmen tou dimoun.

Mwan mon'n viv lo en propriyete ki ti *co-ownership* e mon kapab ateste ki mannyer i difisil. Menm si ou annan - ler ou annan en paran ki'n mor, ou bezwen al fer en transmisyon, ou bezwen al rod lezot dokiman, ou ale, vini kot Rezistrar, *then* al kot noter, i kapab *very daunting* pou en dimoun.

E i pran resours en dimoun akoz bann avoka i oblize ki ou pey zot parfwa bann sonm ase konsiderab, si pou en dimoun ki ou mwayen pa permet pou peye. Onorab Andre i kapab ateste kantite avoka i sarze, Mr Speaker.

En keksoz ki mon'n note osi dan sa Lalwa e ki mon apresye ki pe ganny fer, i se ki sa size siksesyon e sa size apwent egzekiter i pou deplizanpli vin en problem dan nou pei, akoz deplizanpli bann propriyete ki pli pti ou pe war plizyer *co-owners* ki pe vin devan.

E i nesese pou rezourd sa bann siksesyon dan en fason ki permet tou bann dimoun ki *involve* dan sa siksesyon *move on* ek zot lavi e

pa pri dan sa ale, vini ki pe ganny fer.

Me kestyon fondamantal ki nou bezwen demande, se eski demen nou pa pou vwar en sityasyon kot bann desizyon ki *Curator* In ganny pran i ganny *challenge* devan Lakour, akoz zisteman i pa'n ganny pran dan bonnfwa ?

Ki mannyer nou protez sa desizyon ki'n ganny pran pou asire ki in ganny pran dan bonnfwa, pou fer sir ki i annan dan okenn lenstans sa bann laplikasyon ki pe ganny fer, *Curator* i ganny trete dan en fason, pou asire ki okenn dimoun zot drwa anba lartik 26 nou Konstitisyon pa ganny afekte, akoz drwa pou propriyete i en drwa konstitisyonnel ?

I neserer pou nou etabli sa premis, akoz si nou pa etabli sa, *then* nou pou pe *fail* dan nou *duty of care towards* dimoun la deor, ki'n met nou dan Lasanble Nasyonal lo zot *behalf*.

Me si Gouvernman i ensiste pou pa resours, ouswa rod bann dimoun konpetan pou fer sa bann louvraz ki neserer ganny fer, malgre nou pe fer sa lamannman, mon pa sante poudir sa pou anmenn en rezilta, ki pou si oule al anliny avek lentansyon Lasanble Nasyonal ozordi, sa ki pe ganny dir dan Lasanble ozordi.

Sa Lalwa i pou anmenn en benefis pou en kantite dimoun. E *going forward* i pou *still* anmenn lezot benefis. E mon krwar se sa where son merit i vin enportan pou nou.

Prezan *ceci dit* Mr Speaker, mon oule osi koz lo fason ki Lofis *Attorney Zeneral* i propoz bann lamannman dan Lalwa.

Sa ki nou annan devan nou, se en Lalwa pou amann Lalwa *Curatelle* me i pa fer okenn mansyon ki pou annan en *consequential amendment to the Civil Code*, apre ki ou vir li e war i annan en *consequential amendment*.

Mon prezimen ki Gouvernman i santi poudir i annan en mazorite ki son Lalwa pou pase, alors *whether* i ekri dan en fason, ekri li dan en lot fason, i pou pase. Sa i zot desizyon. I pa vedir ki i mal, me mon santi i komans vin en labitid servi en Lalwa pou amann 2 lezot Lalwa – napa nanryen mal avek.

Mon pa pe dir i annan keksoz mal, me nou pa kapab tret sa 2 size dan en fason diferan oubyen pran merit sa lot size an relasyon ek sa lot Lalwa ki pe ganny amande.

Les mwan montre sa dan en fason pli direk Mr Speaker. Enn bann lamannman konsekan *consequential* ki pe ganny propoze, se en

lamannman dan lartik 720 nou *Civil Code*.

E si nou regard sa lamannman ki pe ganny propoze dan *Civil Code* Mr Speaker, i pe ganny propoze lo lartik 720 nou war poudir i pe propoze entrodwir sa mo "Curator" i pou tir "Curator of vacant estates".

Petet mwan ki mal. Me eski Lofis Attorney Zeneral in lir lartik 720 pou war si i fer sans menm ler ou entrodwir sa mo ladan ?

Pou benefis Lasanble Nasyonal mon ti a kontan lir lartik 720 pou nou ganny konsansis lo ki nou pe fer ;

720(1) ki nou pe propoze amande i dir,

" *In the absence of heirs the Curator of vacant estates shall be sent into possession* " mon krwar i annan en mo ki manke. Mon krwar dan sa ka i pe *mean the succession* ki ganny *sent into possession* mon krwar non?

Akoz zis pou azout sa mo "Curator" i pa pou fer sa fraz ganny okenn sans. Orizinalman mon prezimen in annan en fot dan lafason ki sa lartik in ekri e mon ti kontan ki Vis Prezidan i reflekte lo la taler, pou dir nou si nou pe fer sa dan en fason ki sa ki nou pe fer i korek.

Nou annan bann reprezantan Lofis Attorney Zeneral la pou vwar. E byensir

nou annan bann avoka Lasanble Nasyonal, i kapab ed nou pou nou war si nou fer en fot ki nou bezwen azoute, oubyen revwar sa lamannman pou sanz sa mo "Curator" e pou met "siksesyon".

(Non, mon napa sertifika mwan Onorab Cosgrow, ok ?)

Prezan Mr Speaker, en lot keksoz ki mon - petet Vis Prezidan osi i kapab eksplik mwan, mon vwar ki i koz lo lapwentman bann fidisyer dan Lalwa.

Me selman sa ki mon pa war se - koriz mwan si mon mal - se letan ki ganny prekonize pou apwent en fidizyer par lefe ki la nou pe entrodwi en provizyon anba 828, ki dir ki dir ki dan ka en fidisyer i mor, i *resign*, i ganny deklare *bankrupt* oubyen i nepli kapab vin en fidisyer, en dimoun i kapab fer en laplikasyon avek en *Curator* pou li apwent en fidisyer.

Mon pa konnen si in ganny reponn dan Lalwa orizinal, me eski i annan en dele letan pou *Curator* tret sa laplikasyon pou lapwentman fidisyer dan sa konteks ki la anba 828 dan nou *Civil Code* ?

Pour benefis Lasanble, mon ti a kontan met lo rikord ki 828 i lir koumsa, i dir bann,

" *Co-owner* i kapab agree pou apwent en fidisyer si sa fidisyer i mor, i ganny

anprizonn, i vin *insolvent*” - savedir in *bankrupt* –“ i ganny en lenkapasite pou fer son louvraz, oubyen i *resign* e si zot pa ganny en lagreman lo *request* en *interested party*, *Curator* pou fer lapwentman en fidisyer si i santi poudir *fit and proper*.”

Kestyon ki mon ti pe rode se eski i annan en dele letan pou li apwent sa fidizyer? Nou’n dir poudir i annan 12 mwan pou apwent en egzekiter, eski i annan menm tretman pou li apwent en fidisyer?

Eski i pou *allow* en kontestasyon lo lapwentman en fidisyer oubyen nenport ki fidisyer i kapab vin devan *apply* ozordi, demen i ganny en fidisyer pou en siksesyon? So mon ti a kontan nou klarifye sa bann pwen swivan.

Mr Speaker, ou’n demande ki nou reste lo bann premis - e bann merit Lalwa, mon’n sey reste lo sa premis. I en Lalwa ki kourt, me i annan en lenplikasyon enportan.

Mon oule *remind panel* ki la devan, ki okenn size later dan nou pei, i en size ekstrememan kontansye e serye. E okenn sanzman ki nou fer dan Lalwa, ki afekte okenn keksoz ki annan pou fer avek siksesyon, apwentman fidisyer, apwentman egzekiter,

i annan en lenpak enkrwayab lo dimoun la deor.

E ki i neser ki nou fer sir ki Lasanble Nasyonal, ler sa Lalwa pe sorti kot nou, i sorti dan en fason ki kler e tou dimoun i premis sa Lalwa i annan lo la. Mersi Mr Speaker.

MR DEPUTY SPEAKER

Mersi Onorab. I annan en lot entervenans ki’n eksprim lentere pou koze, se Onorab Cosgrow. Solman Onorab Cosgrow probableman pou koz plis ki 6 minit. I pa pou anmenn nou... ou pou kapab koz dan 6 minit? *Ok?* Nou a kapab 3 :30. 5 minit la i fer.

HON WALLACE COSGROW

Mersi Mr Chair. Mr Chair, mon pou sey reste dan sa limit letan. Me selman vi ki bokou bann keksoz ki mon ti pe al kot lo la, in osi ganny dir, mon pou zis *brush up* lo sa bann keksoz e mon pou *dispose of* mon pti lentervansyon ase brefman.

Mon pou koman kot *Leader* Lopoziyon in fini, kot in dir ki sa Lalwa i en pti Lalwa, me solman en Lalwa i annan bokou lenplikasyon lo en gran poursantaz petet pou nou popilasyon.

E dan sa loptik Mr Speaker, mon pa oule mis reprezant ki’n anmenn par Lofis *Curator* me solman mon santi ki *Curator* avek en Lalwa

sitan enportan, mon krwar i ti devret prezan, i ti devret la pou ekout bann konsern, pou kapab petet osi donn son *imput* ler i fer *right of reply*, i kapab donn son *imput* Vis Prezidan pou nou kapab konpran en pti pe ki pe pase laba kot sa lofis.

Bill li menm parey i pe ganny dir Mr Speaker, i enn ki tre enportan, tre kourt ki annan en lenpak lo en kantite nou bann sitwayen. Nou koman bann Manm Lasanble Nasyon, koman bann dimoun ki enterakte bokou avek bann dimoun dan distrik partou, i annan bann konsern ki 'n ganny leve avek nou.

E bann konsern in ganny eksplike par bann diferan Manm; Onorab Loze in eksplike, Onorab *LOTO* in eksplike e souvandfwa i bann *issues* parey in ganny dir sorti petet *date back to* bann 1950 – 1960 - i bann *issues* ki en bon pe letan i la – en bon pe dimoun, fanmir petet i annan serten fristrasyon ki parfwa zot in zis les sa size tonbe, dormi, me selman i bann size ki enportan.

E souvandfwa bann size i sorti dan lenstans kot bann *owners* sa bann propriyete, i mor *intestate* e napa bann provizyon ki'n ganny fer pou partaz sa bann propriyete avek bann *heirs* bann propriyete.

E la mon krwar Mr Speaker, mon krwar mon a fer en lapel avek osi parey mon koleg Onorab Naidu in fer, ki bann dimoun i prepar - i prepar zot bann dokiman legal letan ki zot ankor fit, zot annan *sound mind* pou zot kapab partaz e divis zot bann byen menm avan, bokou letan ki zot depar kit sa later.

Akoz apre i kre bokou bann problem pour bann zenn zeritye e ler zeritye par egzanp pa dan Sesel, zeritye in kit Sesel en bon pe letan, dan sa ka bann ka depi 1950 – '60 i kre en pake problem pou sa ki la deryer.

Sa i enn Mr Speaker. E mon *hope* - mon *hope* se ki ozordi bann provizyon ki Lalwa pe fer, i a kapab sey ed nou *solve* en pe sa bann problem, ki dayer en bon pe nou bann sitwayen pe fer fas avek.

Me mon konsern Mr Speaker, avek sa Lalwa, i lefikasite sa lofis ozordi. Ler Lalwa ti pase, lamannman an 2021, en mwan apre mon ti ganny enn ou de konplent, ki dimoun pa ankor konnen kote lofis i ete, lofis pa ankor neserman *set up*, *Electoral Commissioner* pe fer louvraz *curator* dan lofis.

Ti annan en bon pe konfizyon. Dimoun ti pe rode kote isi kote laba. Apre mon pa'n tann nanryen, me solman

i paret mwan ki sa bann konsern ti bann konsern reel, akoz la mon konpran – mon tandé ki poudir 2 an apre ki nou annan en logo ; 2 an apre ki nou annan en sitweb e pou mwan i kre serten konsern lo lefikasite sa lofis.

I enportan ki sa Lalwa ki pe pase, i annan serten vizibilite parey in ganny dir. E i bezwen i annan en vizibilite ki agresiv, akoz bokou bann dimoun ki ganny afekte par sa ki pe arive ozordi i annan bokou zot pa reste Sesel-bokou bann *heirs* – bann *co-heirs* pa reste Sesel e i enportan ki zot konnen.

Akoz mon dir i enportan ki zot konnen Mr Speaker, akoz provizyon 41 lamannman – seksyon 41 ki mon pou koz lo la pti kou lo la apre. Me ler mon lo lefikasite sa lofis, mon ti a kontan koz lo resours sa lofis Mr Speaker.

Pou sa kapab marse, e la nou pe al ganny bann *case* ki dat sepa konbyen lannen pase e mon pe prezimen i bann *case* ki pou vin dan lakantite, me resours sa lofis i enportan. I enportan ki sa lofis i ganny serten resours pou kapab *dispose of* sa bann *case* pandan sa dirasyon ki Lalwa ozordi pe demann li pou fer.

Si mon pa troupe dan lamannman 41 pe koz lo *34 months* me nou konnen souvandfwa ler i annan

dimoun ki pe reste aletranze, *Australie*, Langleter Lanmerik partou, i poz serten difikilte.

E mon konnen i annan posibilite pou *Curator* nou donn serten *extension*, me mwan mon ti a prefere ki sa bann zafer i ganny *dispose of* pandan bann letan ki Lalwa i permet.

So resours pou sa lofis i enn ki pou vreman, vreman enportan e mon priye ki Gouvernman sa voyaz i pa fer parey 2021, ki zot ti anmenn en Lalwa, apre nou pa'n donn resours sa lofis e in kree serten retar, serten problemm kot pep Seselwa in ganny afekte.

Prezan ler mon koz lo sa seksyon 41 Mr Speaker, i donn bann dimoun ki annan en *claim* pou kapab vin devan pandan 12 mwan.

Parey mon'n dir, 12 mwan Mr Speaker, sa bann prosedir legal 12 mwan, sirtou dan sa bann ka ki nou pe koz lo la, bann ka ki annan bann problemm depi bokou, bokou letan, i riske annan sityasyon kot nou ganny difikilte pou al rod en tel lot, lot, lot.

Nou pa kapab met tou bann dokiman annord, prezant devan *Curator* pou kapab fer sa travay legal. So mon problemm avek sa se ki mon pa konnen si 12 mwan i ase, akoz ti annan en bann konsern ki ti leve ler nou ti pe

deal avek sa lo *Bills Committee*.

Se ki parfwa i pran sitan kantite letan pou met sa bann pape annord e prezan ler ou'n donn li 12 mwan, si prezan in vin en pti pe pli tar, i riske ganny serten difikilte pou konplet sa bann pape, *within the 24 months* ki si Lalwa i permet.

So, Mr Speaker, mwan mon ti a kontan ki zot donn nou en pti leksplikasyon, si zot pou annan serten fleksibilite e ki mannyer zot pou *apply* sa bann fleksibilite ? Lekel ki pou annan sa bann pouvwar pou aplik sa fleksibilite, pou ki bann dimoun ozordi ki vin avek zot bann *case* devan, zot ava kapab war en solisyon e en laklerte dan zot bann problemn ki zot annan ozordi.

Me pwen final Mr Speaker, ki mon oule koz lo la, ki mon ranforsi lo la, i se ki sa Biro *Curatelle - Curator* i bezwen kapab *dispose of* – akoz mwan mon annan serten dout. Malgre i annan serten statistik ki'n ganny prezante, i pa statistik prezante par Biro *Curatelle*.

Mon ti a kontan ki *Curator* i la, e i ti a kapab donn nou son bann statistik li menm. Mon annan serten konsern ki sa bann keksoz pa pe ganny neseserman mars parey. Akoz nou war en

kantite konplent, en kantite dimoun pe dir ou poudir son bann keksoz pa pe bouze – pa pe marse; i pa pe ganny serten larepons.

So avek sa Mr Speaker, mon krwar mon'n desot mon 6 minit. Me solman avek sa, mon krwar mon ava aret la. *Bill* li menm mon pa war en gran difikilte, akoz i anmenn serten benefis pou bokou nou bann sitwayen deor ki annan problemn. Mersi.

MR DEPUTY SPEAKER

Mersi Onorab. Lo lalis i zis ankor 2 Manm ki'n eksprim lentere pou koze. Mon krwar zot pa bann Manm ki koz en ta letan. So nou a pran en pti *break* la – 4 er nou a retournen sa 2 Manm.

E donk, mon pa war ankor lanmen. So mon ferm lalis la. Bann *staff* Lasanble in dir mwan larg zot boner ozordi. *Ok* i fer 3. Mon pa pe pran ankor solman – kourt *everybody*. Letan nou retournen nou ava pran sa 3 Manm avek *right of reply and then we will go into Committee Stage and hopefully* nou ava rise ase boner pou ozordi.

Nou a rebran travay 4 er.

(BREAK)

MR DEPUTY SPEAKER

Welcome back tou dimoun. Nou pe kontiny nou deba lo merit zeneral *Bill* ki devan nou – sa i *Curatelle (Amendment) Bill, 2024*.

E parey mon ti'n dir avan nou ale, i annan 3 Manm ki ti'n eksprim lentere pou entervenir. Mon pou donn sakenn 5 minit apepre. So i ava ariv nou 4:15 – *right of reply* 4:30 i fini, nou al dan *Committee Stage*, 5 er nou *clock out* ki zot dir? Dakor? *Very good*.

Onorab Romain, *you are next*.

HON GEORGES ROMAIN

Mersi Mr Speaker. Bonn apre midi tou koleg Onorab e tou dimoun a lekout. Mr Speaker, mwan osi parey mon'n dir ou mon pa pou long – vremen pa pou long.

Me selman mon anvi dir 2 pti parol la sa lamannman - lo sa *Bill* akoz mon santi ki nou tou koman Manm Lasanble nou ganny touse dan distrik dan en fason.

Nou tou nou konnen parfwa ler bann dimoun i vin kot nou, zot eksplik en pti pe zot problemm ler nou pe koz later zeritye.

E pou mwan, mon santi ki sa lamannman i ava ed en kantite, espesyalman kot zot pou kapab ede pou apwent sa egzekiter, si ti'n deza napa enn

avan. E akoz bokou ki kree bokou problemm.

E parey avan nou konnen zot ti bezwen al travay Lakour pou kapab fer sa. E mwan mon santi selman en pti keksoz Mr Speaker, ki sa Biro Egzekiter li menm li ki ti kree an 2021, mon sel krentif pti krentif ki mon annan atraver sa biro mon santi i mank en pti ledikasyon atraver sa lofis, ki bokou dimoun kekfwa pa realize ki pouvwar kekfwa sa lofis i annan lo li menm li.

E apre vremen - ki vremen ki ofer dan sa lofis. E pa bokou dimoun kekfwa ki vremen konn son travay dan sa lofis e atraver nou kekfwa ler nou eksplik zot. Me selman mon santi si ou ti annan en pti pe plis ledikasyon atraver sa lofis, kot manm piblik an zeneral ti a kapab konnen egzakteman, ki ler ou la kot sa biro, ki i kapab dir ou, ki kapab ed ou, ler ou dan sa sityasyon ki nou pe koz lo la ozordi Mr Speaker.

Mr Speaker, osi par egzanzp mon oule fer resorti ki ler nou pe koz later zeritye, nou konnen ozordi i annan bokou later prive, ki annan sa bann problemm ki kot zot bann fanmir zot menm zot anvi diviz bann later kot pou zot a kapab partaz avek byensir avek lafanmir, pou zot kapab kre zot lakaz, fer zot lakaz.

Me par kont an vi ki i annan bokou sa bann problem parey nou'n fer resorti - plizyer nou in fer resorti ki zot pe ganny sa bann difikilte pou kapab fer sa travay.

E mwan pour mwan si sa ti kapab ganny realize dan en fason en pti pe pli vit, byensir atraver Biro *Curatelle* la ki i osi i fer son bout, ki sa osi ti pou ede byensir tir presyon lo later Leta.

Akoz byensir sa bann dimoun ti a kapab ganny later - en bout later prive avek lafanmir e sa byensir ti kapab ed li pou li fer son lakaz, san ki i bezwen al atraver Gouvernman.

E mwan pou mwan parey mon'n dir Mr Speaker, mon napa bokou pou dir lo la. Akoz bokou nou bann koleg in dir e in fini fer sorti bann pwen vreman valab. Me selman en pti keksoz osi ki mon bezwen fer resorti, ki i malere Mr Speaker, nou ti pe koz lo sa lamannman.

E ler nou pe koz lo lamannman, nou pe koz lo Biro *Curator*, me selman par kont i annan ki oule koz lo sa lamannman li menm li, nou koz lo sa biro, in koz lo sa dimoun ki ansarz sa lofis.

E pou mwan sa i en pti pe regrete e i pa byen, akoz nou pa pe koz lo sa dimonn ki dan sa lofis sa nou - nou pe

koz lo la lofis li menm li koman *Curator*, ki zot fer ki son travay e sa lamannman.

E alors Mr Speaker, mon konnen ou'n dir mwan ou pa pe donn mwan bokou letan, parey mon'n dir bokou in fini ganny dir e alor mwan Mr Speaker, *VP* ou pou ganny mon *full* sipor lo sa lamannman. Mersi Mr Speaker.

MR DEPUTY SPEAKER

Mersi Onorab. Prosen Manm ki'n eksprim lentere pou koze se Onorab Loizeau.

HON NORBERT LOIZEAU

Mersi Mr Speaker. Permet mwan pou pran sa detrwa pti minit ki Onorab Romain pa'n servi.

MR DEPUTY SPEAKER

Non in servi zis 5 minit, get ler get ler, get ler.

HON NORBERT LOIZEAU

Ok. Mr Speaker, mon pe dir sa akoz mwan mon koz lant pou mwan kapab eksprim mon lekor en pti pe pli byen.

Mr Speaker, mon rapel dan 6enm Lasanble ler Kod Sivil ti vin devan nou, ti annan en ta diskisyon. E bann keksoz enportan dan bann diskisyon ki tou dimoun ti enterese - tou dimoun a lekout ti enterese sa size later, zeritye, bann propriyete

abandonnen e tou keksoz ki annan pou fer otour sa Mr Speaker.

Sa size ti vin pli aparan dan sa bann deba, akoz nou annan bokou later ki pa kapab ganny devlope akoz i annan serten baryer ki pe anpes sa arive.

E nou kapab mazine Mr Speaker, bokou sa bann later later i napa menm bann dokiman legal ki pa akonpany li ki'n ganny kite, pou keksoz kapab ganny fer en pti pe pli vit, alors keksoz souvandfwa i vin pli difisil pou sa bann rezon.

E nou Mr Speaker, koman Gouvernman LDS, nou, nou war lenportans pou nou apwent en *Curator*. Rezon sa sete, set akoz sa bann konsern ki ti'n vini. Mon panse petet si Lopoziyon ki ti'n ranport laviktwar, zot osi petet zot ti pou fer sa, akoz zot osi zot ti form parti sa deba.

Mr Speaker, lenportans en *Curator* Mr Speaker, nou ler nou'n war li, se pou zwe en gran rol pou kapab deblok - ede deblok tou sa bann propriyete - bann propriyete abandonnen e tou lezot ki nou'n koz lo la.

E se li ki koman sa *Curator* ki pou ed sa bann dimoun, ki pou akonpany sa bann dimoun, pou zot kapab apwent en *Curator*. Akoz dan le pase, ti annan *Curator*

selman ou ti al atraver en Ziz kot Lakour.

E souvandfwa Mr Speaker, i annan bann later ki dimoun zis i apwent zot lekor, egzekiter pa *Curator* - egzekiter Mr Speaker, (ekskiz mwan) i annan bokou bann egzekiter ti apwent zot lekor e ti annan bann serten dominer ki ti ganny arive lo bann later.

Mr Speaker, i annan menm dimoun ki ti bann lanmor transpire, akoz bann later zeritye ki'n ganny lager souvandfwa. Tousala in arive. Ozordi avek en *Curator* mon panse tou sa bann keksoz i a kapab ganny rektifye.

Mr Speaker, ozordi nou pe tann konplent lo *Curator* me omwen ozordi nou annan en landrwa kot dimoun i kapab ale pou ganny sa rekour. Kot Mr Speaker dan lepase ti napa sa servis. Ozordi nou annan en servis ki ti napa avan. Selman ozordi nou pe kritik sa biro.

Mr Speaker, ozordi nou pe koz lo 300 ka. Nou pe dir 300 ka - Sa 300 ka, se pa bann ka nouvo sa ki sa bann dimoun dan Biro *Curator* laba in travay lo la. Se bann ka ki'n la plizyer lannen pase ki petet Zidisyer pa'n kapab *deal* avek, akoz Zidisyer li osi i annan son program sarze, ki bokou sa bann keksoz i pa'n kapab *deal...* e omwen sa bann dimoun kapab *deal* ek 300 ka.

E la o fir anmezir ki nou'n kapab *deal* ek sa 300 ka ki pa ti la, ki depi lontan ti la, la prezan bann novo i vini, zot kapab travay lo la e debloke.

Mr Speaker, atraver sa, plizyer dimoun ki zeritye lo serten later, zot kapab ki annan serten difikilte, zot kapab annan en laklerte, kot olye i annan dimoun mon konnen ki pe rod later - ki ozordi pe *apply* pou later Leta.

Akoz ? I annan serten later ki la, ki malgre zot zeritye ouswa zot anvi zot zeritye i anvi fer serten - zot pa kapab aköz sa bann konplikasyon. E a i ava ede Mr Speaker, pou nou kapab debloke, pou ki sa bann dimoun olye i annan en later Leta, zot kapab annan en propriyete pou zot olye vin kot Leta.

Mr Speaker, ozordi mwan ki mon'n tande lo kote Lasanble lo kote Lopoziyon, zot napa probleman ek sa Lalwa zot. Zot probleman se avek en dimoun an partikilye. Mon pa pou nonm non sa dimoun Mr Speaker.

Mr Speaker, me sa dimoun li, sa dimoun i koman en imen ki'n ganny apwente dan en pos, ki pe fer en travay li. Nou pa kapab atak li. Se sa ki pe arive. Nou pe atak li aköz Mr Speaker ?

Petet mon pa konnen - se aköz li ki ti anons rezilta eleksyon. Pa li tor. Rezilta ti

vini, e li i ti anonse aköz li ki ansarz kot Eleksyon laba. E li ki bezwen anons sa. Alors aköz sa li ti ti apwent Mr Ramkalawan Prezidan, alors ou bezwen atak li aköz li ki ansarz sa biro ?

Mr Speaker, non, nou pa kapab. Sa Lalwa napa nanryen pou fer avek sa msye - sa msye li i pe ansarz, i pe fer en travay ki byen avek son lekip e en travay ki prop.

E la Mr Speaker, mon anvi felisit tou bann travay dan sa biro laba, ki malgre tou sa konsern ki annan lo zot sa bann zenn profesyonnel, bann la pe fer en travay sile konmdi manrmay - en travay ki byen.

E malgre nou'n war zot fek komanse zot in reisir kapab *deal* avek 300 ka ki ti la plizyer lannen pase. Zot ozordi ler zot in vini, zot in kapab *deal* ek sa bann ka e bann dimoun i *happy*.

E parey mon'n dir pli boner, la o fir ki a mezir sa biro a devlope, zot ava ganny plis resours. I annan bann nouvo ka ki a vini e zot ava *deal* avek. Si zot in kapab *deal* ek 300 ka ki ti la plizyer letan pase, ki personn zot pa'n kapab *deal* avek, savedir mon war en lavenir briyan pou tou sa bann travayer dan Biro *Curator* e mon felisit zot.

E mon anvi dir zot ki nou lo nou kote, nou pou kontinyen donn zot sa sipor,

pou zot kontinyen fer sa bon travay ki zot pe fer aktyelman.

Mr Speaker, mon a dir ou mersi pou sa 5 minit ki ou'n donn mwan. Mersi.

MR DEPUTY SPEAKER

Mersi Onorab Loizeau. Dernyen entervenans lo sa lalis ki mon ti dir avan *break*, Onorab Bistoquet?

HON ANNE BISTOQUET

Mersi Mr Speaker. Bonn apre midi panel. Mr Speaker, parey mon bann koleg ek mwan osi mon pou vremen kourt dan mon lentervansyon akoz laplipar keksoz in plizoumwen ganny dir.

Me parey nou konnen, oparavan apwentman egzeker son rol i tonm anba *Registrar of Supreme Court* e *Master* ler sa 2 rol ti ansanm e apre ler zot ti separe i ti bouz anba *Master of Supreme Court*.

Avek kreasyon *Curator's Office* – oubyen *Office of the Curator* parey nou dir, sa in fer ki in donn sa travay spesifik en lofis pou fer. Akoz oparavan i ti annan bokou plis retar, akoz parey nou konnen poudir *Rezistrar, Master* i annan en kantite lezot rol, zot pran kantite diferan lezot *case* e sa in plizoumwen *focus* sa *area* anba en sel lofis.

E letan sa bann *staff* sa lofis ti pe kree, mon ti ankor travay anba *Biro Rezistrar*

Lakour Siprenm, se nou ti ed zot pou kre zot lofis, se nou ki ti donn formasyon bann *staff*; i annan *staff* ki ti deza travay kot *Zidisyer* zot ti konn zot louvraz.

Me i annan bann lezot nou ti donn formasyon. E mon kapab dir poudir laplipar sa bann *staff* zot pe fer en travay vremen formidab. Zot travay vremen_dir e *Curator* osi vi ki li ki en avoka, i konn tre byen son louvraz e li osi i desarz son responsabilite tre byen.

E anba *Lofis Curator*, en keksoz ki nou'n remarke se ki ler en *case* i ganny fayle, i ganny met pou ekoute son semenn ansuit. Savedir 2 a 3 semenn, *Curator* li i fer sir ki ka i ganny ekoute, i fini ganny ekoute e i donn son lord.

Normalman sa i pran 3-4 semenn, me i osi depan lo dokiman e *availability* temwen pou donn levidans e osi bann lezot rikord ki zot bezwen. So pli sa bann temwen sa bann dimoun ki annan parti dan sa ka i *available* pli keksoz i mars pli vit. E si zot osi zot annan tou zot bann dokiman neser ki'n pare.

E bann retar ki zot gannyen, i plizoumwen akoz petet avoka i malad, oubyen pou rezon ou en lot, sa parti pa ti kapab *attend* sa bann *case* e sa i fer ki sa bann ka i prolouze.

E apre osi retar mazer ki zot gannyen, se ki souvandfwa bann avoka ki reprezant sa parti i bezwen al Ankour. Akoz parey nou konnen *hierarchy* Lakour - Lakour Dapel i pran presedans lo Lakour Siprenm - Lakour Siprenm i pran presedans lo bann *subordinate court*.

So definitivman si sa zour sa avoka i annan en ka devan Lakour Siprenm oubyen Lakour Dapel i pou bezwen al *attend* - donn priyorite Ankour. E alors definitivman son ka pou kontinyen anvoy devan kot *Curator*.

E dan bann ka eksepsyonnèl ki nou konnen, i annan ka ki ganny anvoye 2 a 3 mwan plizoumwen akoz i annan bokou travay pou fer lo sa *estate* pou kapab apwent sa egzekiter.

Souvandfwa i petet ki i annan konfli ant fanmir, ki petet pou serten keksoz zot pa dakor, alor zot *bezwen go back and forth* pou aranz keksoz, pou al negosye. E sa i pran bokou, bokou letan. Me normalman dan bann ka koumsa li *Curator* i met 2-3 mwan pa plis. Sa i bann ka eksepsyonnèl.

E mwan mon pe lans en lapel akoz mon konnen ki mannyer *Curator* i travay si i annan okenn dimoun ki petet zot pe war zot *case* pe *drag*, i

pe trennen, demann en apwentman pou zot war *Curator*, akoz zot konnen ki Mr Lucas i toultan war dimoun.

I toultan fer son mye. I donn en lapwentman pli vit posib akoz li osi i annan en limit letan kot i bezwen apwent en egzekiter i pa kapab trennen avek en ka li osi.

Alors, pou koz lo sa Lalwa mwan mon pou pran en lot lapros opred sa bann ki'n ganny dir ki osi enkli ladan. Mwan mon krwar poudir sa lamannman, akoz parey nou tou nou konnen, apre ki en dimoun in desede, Lalwa i fer provizyon ki 2 an ou bezwen apwent en egzekiter.

So si ou menm ou zeritye, ou pou deza pran 1 an - 1 an edmi avan ou vin fer laplikasyon, so lamannman sa Lalwa, i ava vin koman en ka diskresyon mon kapab dir, si mon kapab servi sa mo - i vin en diskresyon ki i kapab ogmant en pe sa letan osi.

Si an bonnfwa, pou en bon rezon - parey nou kapab dir ki pandan sa 2 an, ou pa'n kapab vin fer apwentman egzekiter, ou kapab al anba sa Lalwa, ki i ava permet ou an bonn fwa parey mon dir, pou fer en apwentman egzekiter si in desot sa limit letan.

E sa osi i ava permet ki sa siksesyon, i a permet osi Biro Rezistrar Zeneral pou zot osi kapab donn zot letan, pou

zot kapab fer zot bann prosedir ki zot annan pou travay lo la.

Akoz parey parey nou tou nou konnen poudir parey Onorab *Leader* Lopozisyon osi in mansyonnen, ki size later i en keksoz ki vreman i difisil.

I annan en kantite travay ; ou bezwen konnen vreman kwa ki ou pe fer. Ou bezwen fer sir tou keksoz i annord, akoz apre i vin en kantite problem ki kapab vin avek.

E alors Mr Speaker, mwan mon krwar poudir sa lamannman i plizoumwèn pe *ease* en sityasyon kot en dimoun in desot son limit letan e parey mon bann lezot koleg Onorab in dir, i kapab osi ed en dimoun ki annan en lentere direk dan sa propriyete, ki li osi i a kapab vin devan, fer en laplikasyon ki i avan ganny apwente koman egzekiter sa *estate*.

Ki petet li osi i a kapab fasilite li pou li kapab fer son bann keksoz ki i ti a voudre fer lo son lakaz, ki lo en propriyete ki pa pou li.

E alors avek sa 2 mo Mr Speaker, mon pou donn tou mon sipor lamannman sa Lalwa. Mersi.

(APPLAUSE)

MR DEPUTY SPEAKER

Mersi Onorab Bistoquet. I ti dernyen entervenans ki ti'n eksprim lentere pou pran laparol lo sa Prozedlwa ki devan nou.

Donk, le moman in arive pou nou donn Vis Prezidan son drwa de repons. Alor mon ti ava envit li pou pran laparol.

VICE PRESIDENT AHMED AFIF

Mersi bokou Mr Speaker. E bonn apre midi ankor tou bann Manm. Premyerman, mon ti a kontan remersye tou bann Manm ki'n entervenir. E zeneralman mon santi i annan sipor pou sa Prozedlwa e sa lamannman. E mon ti a kontan profite pou adres serten konsern ki'n ganny met devan e donn bann lesplikasyon konm swivan;

Mon krwar enn bann konsern ki mon war li koman en konsern legal, sete sa *wording* anba lartik 720 dan *Civil Code* kot Onorab *Leader* Lopozisyon i dir poudir anba sa lamannman i pou lir konm swivan ;

“ In the absence of heirs, the curator shall be sent into possession...”

Mon'n ganny sans koz avek Atorni Zeneral lo la e mon ganny en konpran ki sa i en stil ki zot servi dan biro dan fason legal, pou senpleman ki sa i le dir. I vedir ki en *estate* ki kapab kontrol *curator*

prezan nou pou apel *Curator* i pou dan posesyon *Curator* pou li *manage*.

Me lafason i ekrir se en fason legal, alor mon ganny dir poudir sa i lafason ki i ete. E kot i konsern seksyon lartik 828 e mon war Onorab Cosgrow i ti leve. E i ti pe dir poudir i krwar poudir dan en peryod 12 mwan, i posibleman en pe kourt, pou en dimoun kapab met annord bann paye legal ki petet *Curator* pou bezwen pou apwent li koman egzekiter.

Sa ki mon konpran, se ki sa i en peryod pou li vin met son laplikasyon kot *Curator*. alor lafason mon war li, si i annan 12 mwan, i kapab prezant son lekor devan *Curator* e dir poudir anba seksyon 41 parey pe ganny amande 41(7) sirtou, mwan mon pe met mon lekor koman en dimoun ki devret ganny apwente koman en egzekiter.

Mon pe met annord tou bann papye ki devret annan. Ou annan 8 dan 10 papye pare – i reste mwan 2, me mon pe soumet mon laplikasyon, pou ganny mete koman egzekiter. Mon krwar sa i a permet, ki pandan sa peryod 12 mwan, omwen sa dimoun in fini ariv devan in prezan son laplikasyon.

Sa i a donn sa diskresyon *Curator* aprezan pou li dir ek zot ou annan 12

mwan pou fin anmenn tou papye, me selman son laplikasyon ti deza la i a kapab servi son diskresyon pou tret li.

Me dan evantyalite, kot petet sa *Curator* i a santi ki in desot 12 mwan e alor i pa pou konsider li koman valab, i toultan annan sa lamannman ki nou'n met – ki pe pas ozordi ki anba 24(4) kot la i kapab ankor vin devan *Curator* – i prezant son lekor koman en egzekiter e la i a donn li 12 mwan ler i a ganny apwente, pou li kapab *wind up* son *estate*.

E alor la la i napa en limit letan pou li met son bann papye annord, parski anba 24A enn fwa ki li i annord, i prezant son lekor prezan devan *Curator* e *Curator* i a donn li prezan 12 mwan, pou li konplet e *wind up* sa *estate*. Alor fleksibilite i egziste dan Lalwa ozordi.

Mon antyerman dakor avek serten lezot lobzervasyon ki'n ganny fer pou dir nou devret donn plis piblisite travay Biro *Curator* e otan ki nou, nou kapab fer li nou pou osi ankouraz *Curator* pou donn piblisite lo sa rol enportan ki zot zwe.

E mwan osi lo mon kote, mon ti a kontan felisit *Curator* e son biro pou zefor ki zot pe fer. Napa personn ki parfe e zot pe fer zot mye pou zot

kapab delivre dan sirkonstans ki par ler i difisil. E par ler napa neserman pou fer avek zot, me i annan pou fer avek serten dokiman legal, ki souvandfwa pa tou dimoun ki kapab gannyen, oubyen rezourd.

Vwala Mr Speaker, sa Lalwa ki devan nou esansyelman i pe donn en fleksibilite pour ki *Curator* i kapab resevwar laplikasyon, sorti kot bann dimoun ki annan en lentere dan serten propriyete e siksesyon, ki pa'n zanmen avan vin devan pou eksprimen ki zot ti a kontan vin egzekiter.

Alor anba seksyon 41, sa pe donn zot sa posibilite zot vin devan *Curator*, met zot ka e zot laplikasyon e zot annan 12 mwan ki sa Lalwa ki nou pe pase i vin an fors, pou zot vin eksprim zot lentere. E answit zot annan en dele letan 24 mwan pou zot *wind up* sa bann siksesyon.

Dan evantyalite kot zot pa ganny sans fer li dan sa 12 mwan, i annan posibilite ki anba 24A ki nou pe pase ozordi e la zot kapab annan letan pou zot met zot bann papye annord.

E zisteman prezant zot lekor devan *Curator*, me la li i pou donn zot zis 12 mwan pou zot *wind up* sa bann propriyete sa siksesyon.

E finalman 3enm lamannman se nou pe zis met annord *Civil Code of Seychelles Act 2020* kot i pe fer referans dan 2 ka avek” *Curator of Vacant Estates*” nou pe dir li fer referans avek “*Curator*.”

E kot anba 828 i fer *reference* avek Lakour, vi ki pa Lakour ki pe fer sa ozordi, nou fer referans avek “*Curator*”. Se tou.

E mon krwar i en lamannman ki pou anmenn bokou plis fleksibilite legal, pou Biro *Curator* e i a kapab ed dan bann sityasyon ki nou annan ozordi, kot dimoun pe sey rezourd bann problemn siksesyon e zot propriyete.

E mon espere ki avek zot sipor, nou a kapab vot lo sa merit e answit aprouv sa Lalwa. Mersi Mr Speaker.

MR DEPUTY SPEAKER

Mersi Vis Prezidan, pou ou drwa de repons. Donk, le moman in arive aprezan pou nou pran en vot lo merit zeneral sa *Bill*. Alor mon ti ava demann tou bann Manm ki an faver pou endike silvouple? Mersi.

Eski i annan okenn Manm ki kont? Mersi Madanm Deputy. Donk, vot lo *Curatelle (Amendment) Bill, 2024* i annan 20 Manm ki'n vot an faver, napa Manm ki'n

vot kont. Napa Manm ki'n *abstain*.

Baze lo lakantite Manm ki prezan dan Lasanble Nasyonal ozordi, donk, sa vot in pase par inanimite.

Avek sa mon ava demann Madanm Deputy Clerk pou fer en *Formal Second Reading of the Bill*.

MADAM DEPUTY CLERK

Mersi Mr Speaker.

A Bill for an Act to amend the Curatelle Act. Mersi.

MR DEPUTY CLERK

Mersi Deputy Clerk. Prezan mon ava demann *Sergeant at Arms* pou nou bouz dan Staz Komite. Mersi Serzan.

Donk, aprezan nou dan *Committee Stage* e mon a donn laparol *Chairman Bills Committee* Onorab Andre pou nou *go through* bann lamannman silvouple.

HON CLIFFORD ANDRE

Mersi Mr Chairman. Mr Chairman, nou annan zis 3 pti lamannman. Premye i lo *clause 2* ki fer *reference* ek 24A, so 24A(5), nou annan en lo 3enm laliny nou *delete* "s" dan "deems". So it would read, "Curator shall deem appropriate" - "as the Curator shall deem appropriate." We remove sa "s". Ti annan "s" avek.

2enm anba *amendment to section 41* – non sorry *constitutional amendments* – 4 i vin "civil code" i ti en *lower case* nou met li en *upper case*. E osi apre "Seychelles" nou'n insert "Act."

So i pou lir koumsa, "the *Civil Code of Seychelles Act* is amended."

E 3enm i dan menm 4C 2enm laliny *and substituting* "it" nou'n remove "them" with the words "curator" nou'n met en *upper case* dan plas *lower case*. So i vin "Curator" avek capital "C".

Sa se bann lamannman Mr Chair. Mersi.

MR DEPUTY SPEAKER

Mersi e mon krwar i bann lamannman ki i pa telman sibstansyel ki *panel* ti'n dakor avek an prensip. Right?

Onorab Leader Lopozisyon?

HON SEBASTIEN PILLAY

Mersi Mr Chairman. Mr Chairman, mon ti oule demann en klarifikasyon avek *panel*. Nou'n dir poudir en egzekiter ki'n ganny apwente, ti annan pou annan 12 mwan *from the date of appointment*. Now, si i fail within sa 12 mwan, *what happens*, eski Curator i rebran? Akoz the *whole process of this Act* to ensure that the succession as it relates to bann dimoun ki

sipoze *part of that succession is dealt with?*

So what is the consequence of the 12 months as it stands? Mr Chairman, mon fer en sel pas dan bann kestyon ki mon annan *without* ki nou arete, apre zot a fer en sel reponn avek ou permisyon?

MR DEPUTY SPEAKER

Ok.

HON SEBASTIEN PILLAY

Dezyenmman Mr Chairman, mon *le go back to* sa pwen dan lartik 720 *Civil Code*, mon a pran largiman ki Attorni Zeneral in donnen, me selman mon santi poudir *Civil Code* i bezwen ase kler pou tou dimoun enterpret li.

Mon konpran i pe dir poudir dan ka ki tou sa bann dimoun in mor – napa okenn *heirs*, sa propriyete, sa siksesyon i en *vacant estate*. Savedir posesyon i ganny pran par *Curator, me to use the word "sent into possession"* i pa *the plain English* ki nou servi ozordi pou *draft*. Petet i ti devret dir "*invested in the Curator*" akoz apre i kler i dir ou poudir *Curator* i fer apre ki sa siksesyon oubyen sa propriyete in ganny *invest into the Curator*.

Apre sa *the Curator* i bezwen, sa propriyete i vin dan lapartenans a Leta si i pa

ganny okenn *claim*, okenn keksoz ki arive avek.

So mon ti akontan ki Vis Prezidan i konsidere, ki i annan lezot travay ki bezwen ganny fer avek *Civil Code*, akoz i kapab annan keksoz ki nou'n bezwen *overlook* an 2020 ler nou ti pe travay lo *Civil Code*, akoz i en gran dokiman e pa neser nou'n kouver tou bann keksoz ki sipoze ganny kouver.

Mon dernyen pwen Mr Chairman, i en kestyon ki pa'n ganny reponn. Mon'n – mwan osi mon'n sey rod klarifikasyon *as to* lapwentman en fidisyer. E sa ki mon'n realize se ki Lalwa i fer kler an se ki konsern apwentman en egzekiter, ki kantite letan bann dele, bann prosedir. Mon prezimen apwentman fidisyer osi i pas atraver en laplikasyon.

Me mon kestyon i reste se, ki kantite letan i pou pran pou apwent en fidisyer? Eski nou pe kit li konpletman a diskresyon *Curator* dan sa konteks, akoz i nepli Lakour ki bezwen fer sa lapwentman? Mersi Mr Chairman. Sa 3 kestyon si i kapab adrese, silvouple.

MR DEPUTY SPEAKER

Panel, si ti kapab pran sa 3 pwen.

VICE PRESIDENT AHMED AFIF

Mersi bokou Mr Speaker. Mr Speaker, mon ti a komans avek premye pwen 12 mwan. Mon krwar dan mon remark ler mon ti pe fer rezimen, mon ti eksplik lo sa 12 mwan, akoz Onorab Cosgrow ti lev egzaktaman menm kestyon.

E mon ti dir poudir sa 12 mwan i donn posibilite pou en dimoun apre ki sa lamannman i vin annefe, pou zot vin devan *Curator* e prezant zot laplikasyon pou ganny apwente koman egzekiter.

E si zanmen i arive ki dan 12 mwan zot pa kapab fer li pou plizyer rezon, se pou sa rezon ki i annan sa lamannman anba 24A parske li osi i permet en dimoun – i pa met en dele letan la, pou li kapab vin kot *Curator* e plas son demann pou li ganny apwente koman egzekiter.

Me selman dan sa ka la, li i ganny 12 mwan pou li *wind down* son *estate*, konpare anba 41(7) kot li i pou ganny 24 mwan, akoz i pe ganny apwente la deswit.

Si apre sa 12 mwan sa dimoun pa'n zanmen ganny apwente koman en *Curator*, oubyen i pa'n met son laplikasyon koman *Curator*, i *apply* prezan anba 24. I kapab *apply* anba 24, me selman anba 24 i pou annan li zis 12

mwan pou li *wind down* sa *estate*. Se sa konpromi ki mon konpran in ganny mete.

Lo 2enm kestyon 720 ankor enn fwa, mon pou repet parske mwan mon pa en dimoun legal, mon pou repet sa ki bann dimoun legal i dir, zot krwar ki sa *wording* ki zot in mete i korek. Sa i en keksoz sibzektiv mon mazin.

E sakenn i annan son lopinyon, me mwan mon debout akoz sa ki Attorni Zeneral in konsey nou.

3enm kestyon lo fidisyer, sa ki mon konpran se ki rol en fidisyer i diferan avek rol en egzekiter. Egzekiter son rol prensipal se pou finaliz sa ki nou apel *winding down of an estate*. En fidisyer son rol i plito diferan, akoz li i kapab *involve* dan *management* en *estate* osi.

Alor i napa en lamannman konsekan dan sa lamannman ki zot pe pase ozordi, ki annan pou tous fidisyer. So dan sa lamannman i napa, me selman si zanmen anba Lalwa i annan okenn Manm ki santi, oubyen i annan en demann pour ki i annan en dele letan ki ganny mete lo fidisyer, sa i en keksoz ki byensir i en kestyon legal, i kapab ganny prezante koman en lamannman.

Vwala mon larepons Mr Speaker. Mersi.

MR DEPUTY SPEAKER

Sertenman tou lapwentman fidisyer sa ti ou 3em pwen konbyen letan i pran.

HON SEBASTIEN PILLAY

If I may petet Mr Chairman? *Ok*, mersi pou ou lendilzans. Akoz i pou benefis bann dimoun ki pe ekout nou la deor la. Mon swiv ou, me ki mon pe met devan ou se ki, sa ki 24A i fer se ki *Curator* in apwent sa dimoun egzekiter e in donn li 12 mwan pou li vin ek sa siksesyon, *right?*

Now, ki arive si sa dimoun pa konplet sa siksesyon dan sa 12 mwan? Akoz la nou – war? *So* eski nou pe dir poudir i kapab *apply* pou *extension* e ki kantite *extension* sa dimoun i annan drwa *apply?*

Akoz ki arive, i annan dimoun i initilman *delay* konplet en siksesyon – nou'n vwar sa dan bann lezot ka e sa i kree bann friksyon e bann problemn apre.

The whole point of annan en *Curator* se pou rezourd sa bann problemn ki kree bann *delay*. Mon oule zis met sa pour ki ou regarde si nou met sa provizyon dan Lalwa, oubyen si Lalwa i kler lo la, oubyen si i pou neser pli tar anmenn en lot lamannman, pou klersi li akoz size later i en size pertinan.

An se ki konsern fidisyer, mon dakor ki sa ki *VP* pe dir, konmsi mon atann Attorni Zeneral akoz i en keksoz ki in dir plizyer fwa dan bann deba lo sa size fidisyer.

Me eski pa prevwar ki kantite letan en laplikasyon en fidisyer i pran, nou pe les li lo lenterpretasyon sa dimoun ki *Curator*, eski napa en *time frame* ki nou'n dir poudir ou - eski i 2 semenn mon *apply* pou vin fidisyer i pran 1 semenn, i pran 2 semenn, i pran 3 semenn, i pran 4 semenn?

Akoz *manner* Gouvernman i fonksyonnen, tou keksoz i prekoniz lo en peryod letan. *Usually* dan bann biro Gouvernman, ou ganny ou 14 zour *within which* ou ganny en larepons. *So* eski nou pe preskri ki sa, vi ki sa i pou en fonksyon pa dan Gouvernman, me akote bann biro Gouvernman.

Me i pou annan en rol enportan pou zwe, akoz sa ki konsern size later, eski nou devret pe vwar sa oubyen nou? *Petet* si ou kapab reponn sa. Se tou ki mon ti annan. Mersi.

MR DEPUTY SPEAKER

Mersi Onorab. *VP?*

VICE PRESIDENT AHMED AFIF

Mersi bokou Mr Chair. Mr Chair, lo kekyon fidisyer, mon

konpran sa konsern ki Onorab *Leader* Lopozisyon pe eksprimen. Dan Lalwa i napa en preskripsyon konbyen letan i devret ete. E mon mazine si Lasanble oubyen Legzekitiv i santi, sa i devret en keksoz i kapab ganny fer.

Mon krwar an atandan ki okenn keksoz koumsa i ganny fer, pa anpes *Curator* pou li annan serten Polisi entern pou ki gid sa prosedir, ziska ler sa i ganny met dan Lalwa. Me selman i pa size sa lamannman ozordi, selman mon konpran sa konsern.

Kot i konsern sa 12 mwan, e ki dan 12 mwan ki i sipoze *wind down sa estate* e i pa'n ganny sans fer li. Wi, i annan posibilite parski i kler anba lamannman 24A(4) i dir *section 24(2)* savedir bann seksyon orizinal dan Lalwa, 2, 3, e 4, "*shall apply to an appointment made under subsection 1.*"

E si ou al dan sa bann provizyon ki pe fer referans avek, par egzanp 24(3) i dir, "*approval shall not be given without cause for a period of more than 12 months at a time.*"

Savedir *at a time* i kapab renouvle 12 mwan e i kapab ancor si i santi i annan nesosite. Alor fleksibilite i la anba Lalwa deza. Mersi bokou Mr Speaker.

MR DEPUTY SPEAKER

Mersi *VP*. Mon zis annan en pti komanter, parski dan deba *Leader* Lopozisyon in lev sa pwen lo kestyon letan nou servi en Lalwa pou amann lezot Lalwa.

E anfet konmsi en leksperyans ki mwan mon'n pas ladan, akoz ler nou ti pe get 24A(1) prezan mon *get the mother Act* mon pa war 5 and 7, so mon pe rode kan ti amande?

So pou nou bann dimoun ki pa pe *deal* avek sa bann Lalwa toulezour, *we have to go all over the place to look for* sa bann lamannman ki'n annan.

So i annan 2 pwen la, enn *how do we consolidate* tou sa bann Lalwa ki pou letan dimoun par egzanp *Curatelle Act*, kekfwa en dimoun i anvi fer en demars, pou li kapab swiv e tou sa ki i bezwen i dan en sel dokiman *how do we adress this?*

E dezyenmman, pou kekfwa Sekretarya osi, par egzanp ler nou pe al ganny en *Bill*, i annan en *docket* ki vini – *Bills Committee* - tou bann S.1, ki'n - konmsi nou ganny *the whole*.

Akoz si non la letan mon'n la, mon'n bezwen pran kontak avek *legal office* pou mwan konnen kan ti amande - mon war poudir ti dan *Act 18 of 2022*.

So VP, eski ou ti pe dir en keksoz? Wi i 2 an pase.
So how do we address going forward, akoz ti pou bon pou nou travay pli efikas? Leader Lopozisyon?

HON SEBASTIEN PILLAY

If I may? Non, Onorab Andre in lev lanmen avan mwan.

MR DEPUTY SPEAKER

Anr wi-wi, ou ti 'n lev lanmen.
Proceed Onorab.

HON CLIFFORD ANDRE

Wi, mon ti le azout en pti pe lo sa ki sa *fiduciary* ki VP avek LOTO in koz lo la. Pa dan tou lenstans ki ou bezwen annan en lapwentman *of a fiduciary* pou ou fer serten travay. So mon mazin - mon mazin ki se sa rezondet par deryer pa met en dele letan, akoz i pa toultan neser.

Ou kapab fer li *by other means*. *So this is probably* enn bann rezon akoz napa dele letan ladan. Me selman zis in fer provizyon ki si i bezwen ganny apwente, i ganny apwente. So sa ti mon kontribisyon. Mersi.

MR DEPUTY SPEAKER

Mersi Onorab. *Leader Lopozisyon?*

HON SEBASTIEN PILLAY

Mersi bokou. Mon krwar sa pwen ki ou'n *raise* i en pwen

vreman enportan. E se pou sa rezon ki mon'n *raise* li dan deba. Akoz si ou get dan Lalwa son *title* i dir ou nou i pe amann *Curatelle Act*.

I pa mansyonnen nou pe osi fer *consequential amendment to the Civil Code* e mwan osi nou bezwen retournen *go back* e al rode. E i pa fasil koman si nou koman Lezislater, nou bezwen *go through* sa, ou kapab realize prezan ki en manm piblik pou *go through*, si li i bezwen fer, i pou absoliman bezwen rod rekour avek en avoka.

I annan bokou dimoun ki bann *layperson* ki kontan fer zot keksoz. E mon krwar ou pwen i vreman valid, ki en travay konsiderab i bezwen fer - konsistan *sorry* ki bezwen fer, lo bann Lalwa ki annan en *lanjeu* pertinan pou dimoun.

Parey sa bann Lalwa koumsa i neser, akoz i *involve* later, propriyete e nou konnen ki mannyer sa size i enportan. En dernyen pwen ki mon oule met devan *panel* pou konsidere, akoz sa Lalwa i neser ki tou dimoun i *come together*, i sey *sort* li *out*, akoz i afekte - i pa swazir kouler politik pou afekte ou li.

Ou konnen nou *issue* ki nou annan se ki e mon dakor avek sa ki ou'n dir en Polisi entern. I bezwen kler pou tou dimoun ki vin dan en lofis, dan ki dele letan ou kapab

ganny en larepons, ou konpran ?

Akoz koman en manm piblik, ou bezwen kapab konnen poudir mon pou ganny en servis dan 2 semenn, dan 3 semenn, dan 4 semenn e *whether* i en apwentman en fidisyer, *whether* i en apwentman en lot keksoz, i bezwen kler.

Mon krwar sa size ledikasyon ki bezwen ganny fer, i pou pertinan. Me pli enportan i bezwen annan en travay serye ki ganny fer, pou regarde si nou pa'n mank nanryen dan sa bann Lalwa, pou fer sir ki dimoun ler i vin devan nou i pa bite.

E mon dernyen pwen i sa, fodre *VP* i fer konpran ki i pa vedir poudir ou pou zis ale, ou ganny en *extension*. Ou pou bezwen anmenn ou afidavit, ou bezwen kapab siport – sete sa le pwen ki mon ti oule fer. I pa vedir ki nou'n fer sa Lalwa demen ou kapab dir, me mon pa *pe wind down* mon siksesyon, alor mon al kot *Curator* mon zis dir li donn mwan ekstansyon. Non.

Ou pou bezwen *provide* ou afidavit, e ou bann dokiman e sa i kapab pran ou letan avan ou gannyen ? Ou konpran mwan?

E seta sa ki mon pe rode. *Within what time frame* ki i pou *operate*. E mon krwar sa eternalman *Curator* pou

bezwen etabli e fer konnen son bann kliyan ler zot pe vini. Mersi Mr Chairman.

MR DEPUTY SPEAKER

Mersi Onorab. Mon krwar *panel* in not bann konsern ki Lasanble in leve. Donk, aprezan nou ava *reconvene into the Assembly*, pou nou kapab pran vot lo *Third Reading*. Me avan sa mon ava demann Mosyon *for Third Reading of the Bill as amended* dabor, en? *Bill as amended*.

HON CLIFFORD ANDRE

Anliny avek *Order 76*, mon pe *move* ki *Curatelle (Amendment) Bill*, i ganny lir en Trwazyenm *Fwa as amended*.

MR DEPUTY SPEAKER

Mersi Onorab Andre. E sa Mosyon pou ganny segonde par Onorab Naidu.

HON SATHYA NAIDU

Mersi Mr Speaker. Mon oule segonn Mosyon anmennen par Onorab Clifford Andre pou permet *Third Reading Curatelle Bill*. Mersi.

MR DEPUTY SPEAKER

Bon, nou ava prezan pran en vot lo Mosyon *for Third Reading*, tou Manm ki an faver? Mersi. Okenn Manm ki kont? Mersi Deputy Clerk.

Vot lo *the Curatelle (Amendment) 2024* be read a

Third Time as amended, 20
Manm in vot an faver, napa
Manm ki'n vot kont, napa
Manm ki'n *abstain*. Donk, vot
in pase. Aprezan mon ava
demann Deputy Clerk pou
silvouple *proceed with the*
Third Reading.

MADAM DEPPUTY CLERK

Mersi Mr Speaker.

This Act may be cited as
the Curatelle (Amendment) Act,
2024.

MR DEPUTY SPEAKER

Mersi Deputy Clerk. Bon, nou
ava remerisi *panel* ki ti avek
nou depi apre midi pou
Curatelle (Amendment) Bill,
2024 – *panel* dirize par Vis
Prezidan – Mr Ahmed Afif ki ti
osi konpri Mrs Julia Jean,
Legal Draftsperson sorti kot
Attorney General's Office e Ms
Shireen Denys *State Counsel*
sorti dan Lofis Attorni Zeneral.

Sa in amenn nou lafen
nou travay pou ozordi e sa
semenn. Nou pou *adjourn* la e
nou pou rebran travay Mardi
9er bomaten.

(AJOURNMENT)

